

ლიტერატურული გაზეთი

№3 (235) 15 - 28 თებერვალი 2019

ბამონის ორ კვირაში ერთხელ, პარასკეობით

ფასი 80 თეთრი

ზაზა ბიბილაშვილი პოეზია, დანარჩენი ლიტერატურა, და დანარჩენი 2018

ზოგს ჰგონია, თუ რამე გართიმულს დანერ, ლექსია; ზოგს კიდევ — თუ რამე გაურითმავს დანერ, ის არის ლექსი.

პოეზია მხოლოდ სათქმელი არაა, თქმაც არის. კიდევ როგორ ვთქვა, არ ვიცი.

არის თუ არა ლექსი პოზა? ყველაფერ დანარჩენს თუ გამოაცლი, რატომაც არა.

ცოტა უფრო გასაგებად: პოეზიისადმი სკეპტიკურად განწყობილთა ნაწილი პოეზიას პოზად მიიჩნევს და ამ მოტივით უბზუებს ცხვირს.

ლექსს იმ ყველაფერს თუ გამოაცლი, რაც მას ლიტერატურულ პროდუქტად და თუნდაც კონკრეტულ ფორმად („უანრად“) ხდის — და ამ „გამოცლის“ ტენდენცია დღეს კიდევ შეინიშნება — მისგან ალბათ მართლაც პოზაღა დარჩება.

კიდევ სხვანაირად: ერთ შემთხვევაში, პოზას ამართლებს, მეტიც — პოზის პოზობას აბათილებს სახელოვნებო ხერხები, პირობითობები და ასე შემდეგ, მაგრამ თუ ხსენებულ ხერხებზე, პირობითობებზე უარს იტყვი და უბრალოდ დააბრეხვებ აზრს, რომლისაც, გულზე ხელი რომ დაიდო, მთლად თავადაც არ გჯერა, აი, ეგ უკვე შიშველი და თან არც ისე საამოდ საცქერი პოზა იქნება.

პოეზიაში გამოხატვის სპეციფიკურ ფორმებზე ხელის აღება ფერწერის სფეროში და ენაზე შეიძლება ასე გადაითარგმნოს: ხატვის ნაცვლად, ფერადი საღებავებით ვწეროთ: სახლი. მთა. ქრცვინი. ცეკვა. მრისხანე. ცისფერთვალეა...

უკვე გვახსოვს, რომ პოეზიას არ კითხულობენ. აღარ გვახსოვს, რომ პოეზია რალაცამ უნდა ნაკითხოს.

პოეზიას შექმნა არ სჭირდება — ის ისედაც არსებობს. შენ ლექსი უნდა შექმნა.

თურმე, ლექსზე მუშაობის მეფევეერომელიდაც დღეს შეიძლება მიხვდე, რომ აი, ამ დღეებს (ანუ შრომას) თუ არ დაინანებ და ცოტა (ნუ, ცოტაზე მეტ) სათანადო ნიჭსაც წააშველებ, ქართული ენა ყოვლისშემძლეა.

თუ ვარიანტებით წერას მიეჩვევი — თითქოს გინდოდეს, ყველა შესაძლო ვარიანტს შანსი მისცე — თანდათან სულ უფრო შეამცირებ შანსს, როდისმე რამის წერა დაამთავრო.

ასეც ხდება: თითქოს მოგყავს სიტყვები, გაუშვებ და აცდი, თავ-თავიანთი ადგილი დაიკავონ. ან ასე: სარწყავი წყალივით მიუშვებ და ელოდები, საით გაიკვალავენ გზას, სად მეტი წავა, სად ნაკლები, ელოდები, როდის ამოავსებენ მათთვის განკუთვნილ სივრცეს...

რატი ამაღლობელი
აკრილი
სოფლის სკოლიდან ბრუნდებიან ბავშვები სახლში, გაზაფხულია...

წყენა
რამე გეწყენა?
აღელვებულ ზღვას მოუყევი,
როდესაც ზღვიდან
ნისლი შემოვა —
მაშინ უთხარი,
მერე კი უღრან ტყეში წადი,
ტყის სულს უამბე.
თუ ტყე შორსაა,
წარმოიდგინე მყუდრო სოფლის
ტაძარში ფრესკა,
ფრესკაზე ქრისტე —
ჯვარცმული ღმერთი,
მის წინ დადექი,
როცა შეხედავ, ვერ გაიხსენებ —
რატომ მოხვედი.

V

გიორგი ბალახაშვილი
LEGALIZE
ქვეყნად უამრავ ადამიანს უარსებია, მიქელანჯელო, სერვანტესი, ეუსებო... მრავლადაც იყვნენ დუნიაზე გაიძვერები, მზე შუბის ტარზე ძველებურად აინვერება. იყო ომები, დაზავება, მერე პაქტები, მშვიდობის შიში, გამოცდილი დროში პრაქტიკა. ერთმანეთს ცვლიდნენ ვან დეიკი, დეგა, რეპინი, კლიმტი, შაგალი, შექსპირს მარტომ გავარეპინე უძილობა და ინსომნია, სამი სონეტი, უოლტ დისნეი და პოსტ საბჭოთა სასიმფონეთი. დარაბებს მიღმა გაზაფხული მშვიდად ჩავრახე, ცეცხლს შევუკეთე,
რაც დავწერე, სრული მარაზში და მაინც ქვეყნად რამდენ ვინმეს უარსებია, ლუარსაბიო, უესებო...

VIII

თემურ გაბუნია
ჯეიმზ ჯონსზე



გიორგი კაკაბაძე
ირაკლი კაკაბაძეზე
ნინო ვახანია
ზაალ სამადაშვილზე
სონია ცეკრი
ბურამ დოჩანაშვილზე
ინტარვიუ
ივა ფეზუაშვილი:
„ბავრი ფიქრი,
ცოტა წერა...“

პოეზია
ქეთევან ნათელაძე
კატო ჯავახიშვილი
ნინა სამხარაძე



პოეზია, დანარჩენი ლიტერატურა, და დანარჩენი 2018



ზაზა ბიბილაშვილი

• რაც უფრო მნიშვნელოვან ტექსტს ვწერ (ან ჩანაწერივე იყო ასეთი, ან ვხედავ — ასეთი გამოდის), მით უფრო დიდი ცოდვა მგონია მისი სადმე მიფუჩეჩება. ვერ ვფიქრობ, რომ ტექსტს ისედაც აქვს საკმარისი ღირებულება, რომ თუნდაც მისი მოცულობა აიტანს ორიოდ ხარვეზს. ვფიქრობ, პირიქით — რაკი ეს ტექსტი სხვაზე მნიშვნელოვანი და ღირებულაა, არ უნდა დაფუჭდეს, რომ, ვთქვათ, რაიმე ტექნიკურმა ლაფსუსმა შებღალღოს...

ეს მიდგომა, ერთი მხრივ, სწორი და ღირსეულია, კი. მაგრამ ცოტა სასაცილოც არის — განსაკუთრებით, თუ გავითვალისწინებთ, რომ მისი წყალობით ტექსტზე მუშაობა ლამის მარადიულად გრძელდება, ხოლო თანამედროვე ლიტერატურული გარემოსთვის თითქმის სულ ერთია, რა ხარისხის ტექსტს შესთავაზებ.

კიდევ სხვა საკითხია, რამდენად ან ყოველთვის თუ გამოდის ის, რაც ასეთ — ლამის მარადიულ მუშაობას მოითხოვს.

• აი, უკვე ამდენი თვეა, მხოლოდ იმისთვის განამანობ, რომ ქართულ ლიტერატურას ცოტათი უკეთესი (ფაქტობრივად, ორი სტრიქონით უკეთესი) ლექსი დარჩეს.

თან, შედარების შემთხვევაში, იქნებ ვერც ვერავინ გაარჩიოს, უკეთესი რომელია.

• უცნაურია, მაგრამ აშკარად სხვადასხვა რამეა, რაც ლექსს გვანერინებს მე, შენ, იმას, იმას, იმას, იმას...

• წერას თუ ძალიან ადრეულ — 4-5 წლის ასაკში დაიწყებ, ბუნებრივი იქნება, შემდეგ კარგა ხანს ყველაზე უაზრო კითხვად მოგჩვენოს კითხვა — რატომ წერ? აკი არ ეკითხებიან ადამიანს — რატომ ჭამ? რატომ დადიხარ? რატომ სუნთქავ? და ასე შემდეგ.

თუმცა ასაკის მატებასთან და ცხოვრების გაცნობასთან ერთად, ბევრჯერ დაეჭვდები, რომ ის — პირველი და ეს — მომდევნო სამი კითხვა შეიძლება მთლად ერთი კატეგორიისა არ იყოს. მერე კი იმასაც აღმოაჩენ, რომ პოეზიის თემაზე ყველაზე რთული სწორედ ისეთი მთავარი და ანბანური კითხვებია, როგორებიცაა — „რატომ წერ?“ „რა არის პოეზია?“ და ასე შემდეგ.

ამ ორიდან პირველ კითხვაზე პასუხის გაცემის მოსურნეებს თუ მოვალეებს თითქოს ერთი მარტივი გამოსავალი აქვთ. ყოველ შემთხვევაში, მას ხშირად მიმართავენ და პასუხობენ: „სხვანაირად არ შეიძლება.“ მაგრამ ჩემი აზრით, ეს ან ზარმაცის პასუხია (ეზარება ფიქრი ან ახსნა, რატომ წერს), ან თვალთმაქცის. თუმცა არის კიდევ ერთი ვარიანტი, როცა ეს პასუხი გულწრფელია. ამ შემთხვევაში მოპასუხე განაფიქრებია — მას მართლაც არ შეუძლია სხვანაირად — უნდა წეროს.

იმას კი, ვინც ამ მარტივ გამოსავალზე უარს იტყვის და პასუხის მოსაძებნად დაფიქრებას ამჯობინებს, ჯილდო ელოდება — ის აუცილებლად იპოვებს პასუხს, თანაც, ერთს კი არა — რამდენიმეს! ამასთან, შეიძლება ისეთი ლამაზ-ლამაზი პასუხები იპოვოს, ლიტერატურის, პუბლიცისტიკის ან რიტორიკის ისტორიას რომ შემორჩება!

ასე იმიტომ ხდება, რომ მას სჯერა ამ პასუხის არსებობისა. და თან — როგორც ვერც ერთი სიტყვაკაზმული სფეროს წარმომადგენელი — მოძებნისას ცდილობს, პასუხი არ იყოს უბრალო, მარტივი, ულამაზო.

თუმცა ერთი პრობლემა აქაც არის, ბატონო ლამაზად მოპასუხე: ეგ პასუხი ძნელად გამახსოვრდება; ხოლო თუ მაინც გამახსოვრდება, სხვა დროს მისი გამოყენებისა გერიდება — თავი საკუთარი თავის პლაგიატორი გგონია — ალბათ იმიტომაც, რომ ეს პასუხი ერთხელ უკვე მოიფიქრე (გამოიგონე) და მერე მცირე ზომის მხატვრული ტექსტითაც შექმენი. ასე და ამრიგად, პასუხის თავიდან ანუ მისი ახალი ვერსიის მოფიქრება გინევს...

• ლექსის წერა უწინარესად იქნებ შესაძლებლობის გამოყენებაა. როცა პირველი

ლექსები დაინერა, მათმა ავტორებმა ალბათ შენიშნეს, რომ ტვინი სწორედ ამისთვის ჰქონდათ მოწყობილი.

მნიშვნელოვანია — გამოიყენო შესაძლებლობა (ეს ხომ ხშირად არ ხერხდება); თუ ხვდები, რომ კიდევ უკეთესად შეგიძლია, ეცადო, კიდევ უკეთესად გააკეთო, და ასე შემდეგ...

ყოველ შემთხვევაში, შეგრძნება, რომ რაღაც მნიშვნელოვანს აკეთებ, ვფიქრობ, ახლავს ლექსის წერას; თუნდაც ვერ ხვდები, რა არის ეს მნიშვნელოვანი.

მაგალითად, პოეზიის დღევანდელი ყოფის შემხედვარეს, შეიძლება გქონდეს შეგრძნება, რომ პოეზიის ისტორიისთვის წერ.

არ ვიცი, ეს ბოლო ფრაზა უფრო სევდიანად უღერს თუ უფრო ამბიციურად, უმნიშვნელო საქმეზე კი ნამდვილად არ მეტყველებს.

• საკუთარ თავთან საუბრისას შეიძლება დაისვას ასეთი შეკითხვა: რა აზრი აქვს პოეზიას (ლიტერატურულ პოეზიას), თუკი ის მაინც ვერაფერს ცვლის სამყაროში, რომელიც ისევე ბოროტებითაა სავსე. და გაიცეს ასეთი პასუხი: მაშინ გენახა, პოეზია რომ არ ინერებოდეს...

• პოეზია იყო, არის და იქნება. ის ხომ იმის მიუხედავად არსებობს, ვინმე თარგმნის თუ არა ლექსად. საკითხავი ის არის, რამდენად სჭირდება დღეს და რამდენად დასჭირდება ხვალ პოეზიის ლექსად თარგმნა საზოგადოებას.

ფაქტია, რომ დღევანდელ ლიტერატურულ სივრცეში პოეზიის პოზიციები არც თუ სახარბიელოა (და, ვთქვათ, პროზა კიდევ განაგრძობს ამ სივრცის მცოცავ ოკუპაციას).

თუმცა იქნებ სწორედ ფაქტმა, რომ ამ პირობებშიც კი უამრავი ვინმე ცდილობს, ლექსი წეროს, უნდა გვაფიქრებინოს: ისეთი ადამიანებიც ყოველთვის გამოჩნდებიან, პოეზიის ლექსად თარგმნას რომ იკისრებენ — ამა თუ იმ ლამაზი და მქუხარე, ან სულაც იმ საეჭვო (თუმცა სხვადასხვა მოტივით ნათქვამი) არგუმენტით, რომ „სხვანაირად არ შეუძლიათ“.

(პ. ს. „იქნება“, „ყოველთვის“ და მსგავსი ტერმინები, რა თქმა უნდა, პირობითია და მხოლოდ დროის საშუალოზე გაცხილებით დიდ მონაკვეთს გულისხმობს).

• ფეისბუქზე გამოქვეყნებული პოეზია კარგად არჩვენებს, რა დღეც უდგას. ფეისბუქს არა, პოეზიას.

ჯერ ლექსი აიღე: ან ნაკეციხვინება, ან არა. მერე, ან ვარგა, ან არა. მერე, თუ ვარგა, ძირითადად ხომ ისეა, რომ მთლიანად მაინც არ ვარგა — ალაგ უხეიროა, ალაგ არც ისე ძლიერი, ალაგ იქნებ საშინელიც კი. ნუ, მკითხველი ვინ ხარ, ეგ ცალკე საკითხია.

მერე ლაიქებსა და კომენტარებს

შეხედე: რა გაიგეს, როგორ გაიგეს, რა ჰგონიათ, რომ გაიგეს, რა ჰგონიათ, რომ უნდა გაეგოთ, ვინც გაიგო, იმან რა დააკომენტარა და რა არა, რამდენად მართებულად შეაქო თუ გააკრიტიკა, რამდენად გულწრფელი იყო, რამდენად სწორად გადმოსცა აზრი...

ძალიან ძნელია, პოეზია გიყვარდეს — ამ ყველაფრის მერე მაინც.

• მაინც ვერ გავიგე, ამ 1200-ლაიქიან ვერლიბრისტებს რატომ ეჩხირებათ თვალში კონვენციონისტების 40 ლაიქი და გამუდმებით რატომ იმეორებენ, რომ კონვენციას „ტკბილხმოვანების“ დაუშასხურებელი უპირატესობა აქვს და ლექსი, რომელიც ბევრს მოსწონს, საეჭვო ღირებულებისაა.

• კონვენცია-ვერლიბრის დამაპირისპირებელი კამათი, რაც ჩვენებურ სოციალურ ქსელებში ასე ხშირია, არც პირველს სძენს რამეს და არც მეორეს. იმიტომ, რომ ძირითადად პრიმიტიულია და არაჯანსაღი.

გამოდის, მაგალითად, ახალბედა „კონვენციონისტი“ არმია, რომელსაც პირველი ბნკარები გაუფლავია, პირველი „ბალახი“ და „ტალახი“ გაურითმავს და ამ ეს-ესაა ნაპოვნი „პოეზიის“ დაკარგვის შიშით ათროლებული გაჰყვირის — ურითმო ლექსი, პოეზია კი არა, პროზაა!

და არ ანალვლებს, ვინმე ეკითხება თუ არა იმის დადგენას, რა პოეზიაა და რა — პროზა. ის ხომ ეჭვადაც არა აქვს, რომ შესაძლოა, ეგენი მის გამოჩენამდეც დადგენილი იყოს. ბარემ ვთქვათ, რომ ასეთი „დადგენილებების“ შეცვლაც შეიძლება, მაგრამ არა იქ და ისე, სადაც და როგორც ეს არმია მანევრირებს.

თუმცა ნუ იღელვებთ — პრობლემა მარადიული არ არის და მალე თავისითაც კი მოგვარდება — რაკი ამ არმიის უდიდესი ნაწილი — „დაიხვეწს რა გემოვნებას“ — კონვენციას კეთრის კერასავით განერიდება და ვერლიბრის უკიდევანო ველმინდვრებზე გაიშლება...

• — ეგ პოეზია არ არის! არა, ეგ არ არის პოეზია! — იფრქვევა, ენარცხება ერთმანეთს ფუყე ფრაზები.

თითქმის ყველა ავტორის, თითქმის ყველა შემფასებლის უკან (უფრო სწორად — ავტორში და შემფასებელში) იგულისხმება თავდაცვის მექანიზმი, უზარმაზარი კომპლექსები და ასე შემდეგ, რაც საბოლოო ჯამში აზიანებს და არამყარ, პლაზმურ, თხევად, გაზობრივ კატეგორიად აქცევს რეალობაში პოეზიას.

არადა, სულ არ არის აუცილებელი, ზიზლით უარყოფდე ერთ ფორმას, როცა მეორე ფორმა მოგწონს, ან თუნდაც როცა მხოლოდ მეორე ფორმა გეხერხება (რაც უნდა ძნელი იყოს ამის აღიარება)... ის კი შეიძლება, უბრალოდ, მოგ-

ბევრდეს ერთი და მხოლოდ მეორეს ინყნარებდე, მაგრამ პოეზიისთვის ვარგა უნდა არაფერია, რაკი ესეც იმას ნაგავს, რომ მთლიანად პოეზია გბევრდება და ჯერ-ჯერობით მის ნაწილსა იტან.

ბოლოს, ისიც დასაშვებია, რომ შენ უკეთესი რამ გგონია პოეზია, ვიდრე სინამდვილეშია, და სწორედ ეს გაძახებინებს მის ამა თუ იმ ფორმა-გამოვლინებაზე — ეს პოეზია არ არისო!

ისე, როგორც მეგობრობაზე უკეთესი რამ გგონია ხოლმე მეგობრობა, სიყვარულზე უკეთესი რამ — სიყვარული, და როცა დაკრწმუნდებით, რომ იმ უკეთესს ვერსად ვიპოვით, გავიძახით — მეგობრობა არ არსებობს! სიყვარული არ არსებობს!..

• როგორც ვატყობ, ჩვენში კარგა ხანს არ დამთავრდება ვერლიბრისა და ეგრეთ წოდებული კონვენციის ზერეულე, მდარე, დილეთანტური შედარებითი დახასიათება და არ ჩანაცვლდება ის ღირებული შეფასებებით. ზემოთქმული მიანიშნებს, რომ ამ საქმეში რევოლუციას მეც არ ვაპირებ, მაგრამ ხანდახან ალბათ მომინდება და მომინევს თემასთან დაკავშირებული მოსაზრებების გამოთქმა. და ეჭვი მაქვს, უფრო ხშირად კონვენციის მხარეს გამოვჩნდები (თუნდაც, ერთი შეხედვით), რაკი მეჩვენება, რომ „ზედა ეშელონებში“ სწორედ ის იჩაგრება უსამართლოდ.

ამჯერად საჯაროდ გამოთქმულმა იმ მოსაზრებამ გამომინვია, რომლის თანახმად, აუდიტორიის წინაშე ხმამაღლა ნაკითხვისას კონვენცია, ვერლიბრთან შედარებით, მომგებიან პოზიციაშია, რაკი ყურისთვის უფრო საამოდ მოსასმენია (ან თუნდაც — ნაკლებად უსიამოდ მოსასმენი); და შესაბამისად, სულ ცოტა, ეჭვით უნდა შევხედოთ მას, როგორც სპეკულაციურ ფორმას პოეზიისას.

პასუხი:

ჯერ ერთი, გაუგებარია, რატომ მივიჩნევთ ლექსის ნაკლად ან საეჭვო მახასიათებლად იმას, რომ ის ყურისთვის სხვა ლექსზე საამოდ მოსასმენია და რატომ არ მივიჩნევთ ამას სულაც მის ღირსებად. მეორე: კონვენციური ლექსი გაცილებით მეტ შრომას მოითხოვს, ვიდრე ვერლიბრი. მესამე: ნელინადში ერთხელ რომელიმე დარბაზში მოპოვნისთვის ოდნავ მეტი ტაში ნამდვილად ვერ გამოდგება ამ შრომის კომპენსაციად. მეოთხე და ასე შემდეგ: ამ შრომას, ისევე, როგორც ლექსის კეთილხმოვანებას უპირატესობად არასოდეს მიიჩნევს კონკურსის ყოური თუ ლიტერატურული გამოცემის რედაქტორი, ხოლო უცხოელი გამოცემები სათარგმნად და გამოსაცემად პირდაპირ მოითხოვენ მხოლოდ და მხოლოდ ვერლიბრს!

მოკლედ, დღეს ყველაზე უმადური ლიტერატურული საქმიანობა კონვენციური პოეზიის წერაა.

გამადლობთ ყურადღებისთვის.

• კონვენცია-ვერლიბრის თემაზე დავისას სწორედ რომ „იქით არის სპეკულაცია“ სამხილ-მტკიცებულებასავით გა/ხსენება „კონვენციონისტი“ „იუთუბოუტუბისა“, რომლებსაც, სინამდვილეში, კონვენციისაც ზუსტად იმდენი გაეგებათ, რამდენიც ვერლიბრისა; თავიანთი არსებობით კი მხოლოდ იმას ეხმარებიან, რომ „ელიტურ წრეებში“ დაუსრულებლად გაგრძელდეს ვერლიბრის განუკითხავი დომინაცია და კონვენციის ათვალწუნება.

• ასე იოლად ვერ ამოწურავს თავს რითმა და, მით უმეტეს, პოეზია.

სულ 7 მუსიკალური ბგერა არსებობს, მუსიკა კი იქმნება და იქმნება.

• კონვენციაზე უარის თქმა იმას ხომ არ ჰგავს, ფეხბურთის თამაშზე უარი ვთქვათ და პირდაპირ პენალტები ვარტყათ კარში... ცარიელ კარში?

• რამდენი ხანია, ჩვენში ვერლიბრი იწერება და ვერლიბრი განიკითხება. კარგი და ცუდი ვერლიბრის გამჩრჩევი კი — ყოველ შემთხვევაში, დღეს — არ ჩანს. უბრალოდ, ვერლიბრი ან მიღებულია (და, ძირი-



თადად, მიღებულია კონვენციის მიუღე-
ბლობის ფონზე), ან — უარყოფილი.

•
გრძელდება ლაყლაყი იმის თაობაზედ,
თუ რომელია ნამდვილი პოეზია — კონ-
ვენცია თუ ვერლიბრი. ასე რჩება გამარ-
ჯვებული ცუდი კონვენცია და ცუდი ვერ-
ლიბრი.

•
დაასრულეთ ფრაზა:
„ვეფხისტყაოსანი“ ვერლიბრად რომ
დანერილიყო...

•
მეფე-პროზაიკოსი. დრამატურგების
მეფე...

ამ შემთხვევაში მეფეების ლიტერატუ-
რულ ინტერესებზე არ მივანინებ.

•
იმას ვფიქრობ — ნუთუ მხოლოდ პო-
ეტებს ახასიათებთ მონარქისტული ვნებე-
ბი?

•
მგონი, უკვე ცუდია პოეტი, რომელიც
რომანისტობაზე არ ოცნებობს.

•
თქვენ როგორ იცით?

•
როგორც მრავალ საკეთებელს, მგონი,
რომანისტობასაც სჭირდება საკუთარი
თავის ძალუმი სიყვარული, ბრმა თავდა-
ჯვრება, რომ შენი ყოველი მოსაზრება,
ყოველი სიტყვა საინტერესოა, მნიშვნელო-
ვანია, საჭიროა. აბა, რომანის ბოლომდე
ხომ უნდა გახვიდე.

(ის სხვა თემაა, ხშირად ლექსის ბო-
ლომდეც რომ ვერ გადაიან ნამდვილად
საინტერესო, მნიშვნელოვანი, საჭირო
აზრებითა და სიტყვებით).

•
ლიტერატურაშიც მნიშვნელოვანია,
გაცდევ საკუთარი თავის სიყვარულს, მის
აღქმას სამყაროს ცენტრად.
თუმცა ეს არ ნიშნავს, რომ მკითხველი
ამას დაგიფასებს, რომ მისთვის ეს უფრო
გასაგები და მისაღები იქნება, ვიდრე ის,
პირველი — მხოლოდ საკუთარი თავის
სიყვარული, მისი აღქმა სამყაროს ცენ-
ტრად.

•
აკი მკითხველისთვისაც ის უფრო ნაც-
ნობია და მშობლიური.

•
სულ რომ გამოიგონო, ალტერნატიულ
სინამდვილეს ეფუძნებოდეს ლიტერატუ-
რა, მაინც მგონია, რომ მისი ერთ-ერთი
მთავარი ღირებულება სიმართლეა.

ჩემთვის ლიტერატურა, რომელშიც სი-
მართლე არ არის, ლიტერატურა არ არის,
ან ასე — მკვდარი ლიტერატურაა.

•
თუ მხატვრული ნაწარმოების მიზანი
და შედეგი მხოლოდ ფანტატიკოსთა ან „ფა-
ნტატიკოსთა“ გალიზიანებაა (გაშმაგებაა),
მაშინ ეს „ნაწარმოები“, რბილად რომ ვთქ-
ვათ, იაფფასიანია — რაკი ხსენებულთა
გალიზიანებას და გნებავთ გაშმაგებას
ძალიან ცოტა რამ ჰყოფნის.

•
გარემოს ანტილიტერატურულობის
ერთი ნიშანი:

„აკრძალულ“ თემებზე ან იმიტომ არ
წერ, რომ ხალხმა ალიაქოთი არ აგიტეხ-
ოს, ან იმისთვის წერ, რომ ხალხმა ალიაქო-
თი აგიტეხოს.

•
ლიტერატურისადმი მოკრძალებას პა-
ტივის ვცემ. მაგრამ ალბათ სწორედ მეტის-
მეტი კრძალვაც ნახებარება ხოლმე მეტის-
მეტად ზერელე ლიტერატურული დამოკ-
იდებულებების ჩამოყალიბებას; მაგალი-
თად, ასეთის: „გალაკტიონი სუსტ ლექსს
როგორ დაწერდა?!“ „განა შეიძლება ვა-
ჟაზე უკეთესი რითმა გქონდეს?!“

•
კონკრეტულად ეს ბოლო ნამდვილად
მომისმენია — კარგად მახსოვს...

•
როგორ შეიძლება, გული არ აგიცრუ-
ვდეს ლიტერატურაზე, როცა მასზე ამდენ
სისულელეს ისმენ და კითხულობ. და შეი-
ძლება — არა მხოლოდ ისმენ და კითხულობ.

•
ისეთ რამეებს ვკითხულობ, რომ დარწ-
მუნებული ვარ, ბევრი რასაც წერს, ბევრი
იმას, უბრალოდ, არ წერს.

•
იმზე უკეთესსაც კი.

•
ალბათ, ძალიან სევდიანია, წერა რომ
ასე გიყვარს და არ იცი.

•
სამწუხაროდ, არც ისე კარგად გვაქვს
საქმე, რომ ჩემი კრიტიკული შენიშვნები
ერთ კონკრეტულ შემთხვევას ეხმიანე-
ბოდეს ხოლმე. ხოლო თუ რომელიმე შენიშ-
ვნას ვინმე საკუთარ თავზე (ნაწერზე და
ასე შემდეგ) იღებს, არა უშავს — რაკი,
ბოლოს და ბოლოს, იმასაც ვერ იტყვი, რომ
ეს შენიშვნები არავის ზეა.

•
როცა გარემოში „კრიტიკული კრიტი-
კა“ არ არსებობს და მხოლოდ მაქებარი
კრიტიკა მოიძვება, როგორც იტყვიან —
კრიტიკის სასარგებლოდ დროც არ
მუშაობს. ანუ სავალალო არა მხოლოდ
ანმყო კრიტიკისა, არამედ და უფრო
მეტად — მისი მომავალი/ც. რაკი იმ ვი-
თარებაში, რომელშიც არავის აკრიტიკე-
ბენ, ვინმეს გაკრიტიკება ამ ვინმესგან,
არა მხოლოდ მტკივნეულად, უსამართ-
ლობადაც აღიქმება. და ეს აღქმა უს-
აფუძვლოდ აღარ არის და შეიძლება გად-
მოიტყოს ფრაზით: რაღა მაინცდამაინც
მე?!

•
„სამართლიანობის აღსადგენად“, ანუ
იმისთვის, რომ ვინმეს სამართლიანი
გაკრიტიკება სამართლიანად გამოჩნდეს,
საჭირო ხდება რაღაც გრანდიოზული,
ყოველისმომცველი კრიტიკული ნაშრომის
შექმნა, რომელიც ყველა ავტორს თუ არა,
ავტორთა დიდ ნაწილს მაინც მიუჩენს
„კუთვნილ ადგილს“ (ბრჭყალები პირობი-
თობის, ცდომილების უეჭველობას მიანიშ-
ნებს). ან შეიძლება ეს იყოს პატარ-პატარა
კრიტიკული წერილების მასობრივი, ტო-
ტალური ნაკადიც... თუმცა, რა თქმა უნდა,
რჩება ის ვარიანტიც, რომ ნელ-ნელა,
თითო-თითო წერილით გატყდეს „უნუპუ-
ნუ კრიტიკის“ ყამირი და ასე თანდათანო-
ბით მისაღები გახდეს „კრიტიკული კრი-
ტიკა“... მანამდე კი თითოეული „მტკივნეუ-
ლი“ წერილი ისევ აღიქმებოდეს, როგორც
უსამართლობა, და რაც უნდა სა-
მართლიანი იყოს ის — არც მთლად უსა-
მართლოდ.

•
არადა, როგორი აუცილებელია კრი-
ტიკა, კარგი კრიტიკა. აბა, წარმოიდგინე,
მწერალო, რომ სხვები ისევე ერკვევიან
ლიტერატურაში, როგორც შენ ერკვევი —
მხატვრობაში, მუსიკაში, თეატრში, კინო-
ში... და ზოგჯერ — ლიტერატურაშიც.
თუმცა ამის წარმოდგენას რა უჭირს. სი-
ნამდვილეში ხომ იმ სხვების უმეტესობა
ლიტერატურაში გაცილებით უარესად
ერკვევა.

•
ვინც კიდევ რამეს კითხულობთ, შეეც-
ადეთ, რა, იყოთ მკაცრები, მოითხოვეთ
ხარისხი, გაიმახვილეთ გემოვნება... რათა
რამე კარგის დაწერას აზრი ჰქონდეს, რათა
აზრი ჰქონდეს იმ შრომას, რაც რამე კარ-
გის დაწერას სჭირდება, რათა რამე კარ-
გის დამწერმა ბოლოს და ბოლოს არ
დაკარგოს რამე კარგის დაწერით გახარე-
ბის უნარი. აკი ისედაც ცოტა რამე უხარ-
ია...

•
ლიტერატურაზე ტყლარჭვა კიდევ
ცალკე საშინელებაა, მაგრამ სხვა რა შან-
სი აქვს ლიტერატურას, მოდური თუ არ
გახდა?
სისულელეების ლაპარაკს ხომ ხუთკა-
ციან ელიტურ საღონურ საღამოებზეც
ვერ გამოიციხავ.

•
საყოველთაოდ აღიარებულ კარგზე
კარგის (ცუდზე ცუდისაც) თქმა რა ბედ-
ნა და ვაჟაკობაა, მაგრამ დავით წერედი-
ანის „ანარეკლი“ მიმტკიცებს, რომ თურმე
შეიძლება ესეების კრებულს კითხულობდე
და თან გიხაროდეს, რომ ჯერ არ
დაგიმთავრებია.

•
ნიგნის საჯაროდ კითხვის დღე კია, მა-
გრამ თურმე ჩუმად ნაკითხვაც შეიძლება
— მიუვა!

•
ჩემთვის უკვე გასაგებია, რომ ჩვეუ-
ლებრივ ცხოვრებაში სულ ერთია, შენგან
ლექსი გამოდის თუ ნაგავი, მაგრამ ეს რომ
ლიტერატურულ ცხოვრებაშიც სულ ერ-
თია, ჯერ კიდევ გაუგებარია.

•
დანარჩენს თავი დაანებე, სხვა გზაც
არ არის — თუ გინდა, რომ კარგი ლიტერ-
ატურა, და განსაკუთრებით პოეზია, შექმ-
ნა, უნდა იმუშაო ნელა, წერო ცოტ-ცოტა,
დღეში სულ რამდენიმე სტრიქონი.

•
ბევრი კარგის დაწერისთვის არც დრო
გრჩება, არც — გულისყური, არც — ძალა.
წერე ნელა, ცოტა, კარგი — შენ მაინც
ვერაფერს მიიღებ, ლიტერატურის ისტო-
რიას კი ეგეც ეყოფა.

•
იცი, როდის მიხვდები, რომ ნიგნის დან-
ერა ადვილია?
როცა ამ ნიგნის სათაურის შერჩევაზე
გადახვალ.

•
ვიდრე ნიგნის გამოცემას, ნიგნის ავ-
ტორს კი არა, მკითხველსა და გამომცემ-
ლობას არ მივულოცავთ, სერიოზულ
ლიტერატურული გარემოზე ლაპარაკი
ნაადრევიანია.

•
მით უფრო, რომ ჩვენებურ დღევანდე-
ლობაში მწერლისთვის ნიგნის გამოსვლის
მილოცვა ძირითადად დაახლოებით ისე
ჟღერს, მევენახეს რომ უთხრა — გლოცავ,
რომ ღვინის ქარხანამ შენი ყურძენი ჩაიბარა;
მართალია — უფასოდ, მაგრამ რაც მთავარ-
ია, ის ყურძენი სახლში არ დაგილპაო!

•
„ეგ რა მწერალია — მაგისი არაფერი
ნამიკითხავს.“
ამ ლოგიკით არ იაროთ, თორემ ტუ-
ალეტამდეც ვერ მიხვალთ, გამომდინარე
შედეგებით.

•
ზოგჯერ წერა-კითხვაც ბოროტება გე-
გონება.
აი, მაგალითად, რამდენი ადამიანი
ვცდებით მხოლოდ იმის გამო, რომ ეგენი
ვიციოთ.
ან გვგონია, რომ ვიციოთ.

•
ზოგისთვის წერაა უმთავრესი, ზო-
გისთვის — ამბების მოყოლა. ამიტომ არის,
ერთი წერას მანამდე რომ სწავლობს (და
ინყებს), ვიდრე მოსაყოლი ამბავი გაუჩნ-
დებოდეს, მეორე კი თავიდანვე ამბებს ყვე-
ბა, თუმცა შეიძლება ვერასდროს ისწავ-
ლოს წერა.

•
„ნარატივი“ „ნაროტავიდან“ მოდის?

•
პროფესიის არასწორად არჩევა ერთი
სევდაა, ხოლო თუ ეს პროფესია პოეტო-
ბაა — კიდევ სხვა და განსაკუთრებული.
პ. ს. მგონი, უფრო დაკვირვებაა, ვიდრე
— პირადი გამოცდილება.

•
მუზა და მუშა.
არის ასეთი პარტნიორული წყვილებიც
ლიტერატურულ სივრცეში.

•
ნიჭიერი თუ წერს — უნიჭო ვარო (ან
— არც ისე ნიჭიერი ვარო, ან — ჩემი ნიჭი
ამ საქმეს არ ეყოფაო), შესაძლოა სიმპა-
თიაც გამოგტყუოს. მაგრამ თუ ამას უნი-
ჭო შერება, ვერაფერი კარგი მოსასმენ-
ნასაკითხია — განა სწორ თვითშეფასებად
ჩამოართმევ და ამ თვითშეფასებას შეუქებ,
უფრო გაიფიქრებ — კეკლუცობს და კი არ
იცის, რომ მართლა უნიჭოაო. სწორ თვით-
შეფასებადაც რომ ჩამოართვა, მაგასაც არ
დაუფასებ, იტყვი — სცოდნიაო, ახალი ამ-
ბავიო, ეგ მეც კი ვიციო.
გენიოსი ვარო — კარგი მოსასმენი
არავისგანაა. მაგრამ ნიჭიერს (მით უფრო,

გენიოსობამდე ნიჭიერს) თუ მიეჭვება,
უნიჭოზე, აბა, რა გითხრათ.
მოკლედ, თუ საკუთარ გენიოსობაში ან
ძალიან ნიჭიერობაში მაინც არ ხარ დარწ-
მუნებული, ჯობს, არც ერთი თქვა და არც
— მეორე.

•
და, შენ წარმოიდგინე, დარწმუნებული
თუ ხარ, მაშინაც თავშეკავება ჯობს —
რაკი შეიძლება დარწმუნებული კი ხარ,
მაგრამ — სულ ტყუილად.

•
ჩემმა თაობამ წერა სულ სხვა ეპოქაში
დაიწყო... ამიტომ მგონია, რომ უმცროსი და
მომავალი თაობების მწერლები უკეთესად
გაერკვევიან, რა და როგორ წერონ. თუ, რა
თქმა უნდა, ყველაფერი ისევე მყისიერად,
მერე კი ჩქარ-ჩქარა არ შეიცვალა.

•
ხელოვნება შეიძლება ჩვენი აზრების
გამართლებაც იყოს. თუკი აზრი ხე-
ლოვნების მეშვეობით არის გამოხატული
— ანუ აზრი ხელოვნების შექმნას უწყობს
ხელს — გამართლებულია, აზრი აქვს. ეს
აძლევეს უფლებას... უფლება ცოტაა —
კურთხევაა — ურთიერდაპირისპირებულ
აზრებსაც კი, გვერდიგვერდ იარსებონ.
აბა, ისე ყველაზე ბრძნული აფორიზ-
მის გაცამტვერებაც კი შეიძლება ერთ
წუთში ან ერთი წინადადებით. ამ სი-
ბრძნეებსაც აფორიზმის ფორმატი ამა-
რთლებს.

•
თანამედროვე პერფორმანსი თითქოს
კლასიკური ხელოვნების ალტერნატივაა.
ის უფრო თამამია და გაცილებით ნაკლე-
ბი ძალისხმევით გაცილებით მეტი შედე-
გის მომტანიც — პერფორმანსისთვის
მაინც. მაგალითად, კონსტანტინე სავარ-
სამიძის სათქმელის გადმოსაცემად კონ-
სტანტინე გამსახურდიას რომანის (თუნ-
დაც, მისი ნაწილის) დაწერა დასჭირდა.
რას იზამს დღევანდელი პერფორმანსერი
გამსახურდიას? თვითონ დაამსხვრევს ხე-
ლჯობით ქრისტეს ქანდაკებას და ამით
არნახულად მეტ რეზონანსს გამოიწვევს,
ვიდრე ნაშრომ-ნაჯაფარი რომანი. ადრე
დახატავდნენ ან ფილმის პერსონაჟად
წარმოადგენდნენ შიშველ კაცს, რომელ-
საც წინ და უკან სტაფილოები გაუჩრია და
რაიმე მელოდიას გაჰკივის, დღევანდელი
პერფორმანს(ან)ერი კი ამას თვითონ სწადის
— არც ხატვაზე სცდება და არც ფილმის
გადაღებაზე. გამომხაურება კი — მისი მო-
წონებული. შესრულების ხარისხსაც აღარა
აქვს მნიშვნელობა — მთავარია იდეა...

•
როგორ შეიძლება, პოეზიის, ხელოვნებ-
ის ქმნაზე მართალი, სუფთა საქმე იყოს
ყოველდღიურ სარჩოზე ზრუნვა ან თუნდაც
მასშტაბური კომერცია და მისთანანი?
ამ დროს, შეიძლება კი არა, აშკარად
ასეთა. გული კი გწყდება, როცა ამას აღ-
მოაჩენ.

•
სჩვევიათ ლიტერატორებს ზოგჯერ
ერთმანეთთან ნაკიდება — ყოვლად უღირ-
სად, სიმართლის დავიწყებით და მოუკითხ-
ავად, როგორც ვინმე სულით მდბაღათა.
ხოლო მე გეუბნებით თქვენ — ლიტერ-
ატორთა უღირსი ნაკიდება უფრო ენახვე-
ბა თვალს, ვიდრე ზღვარდაუდებელი ლიქ-
ნი მათი ერთმანეთისა მიმართ, რაც ასევე
— და არც თუ იშვიათად — სჩვევიათ.

•
პ. ს. ახლა მთლად საგინებლად ნუ
წაქეზდებით. რომ არ მელიქნებით, ისიცა
კმარა.

•
დღეს ჩვენს სალიტერატურო სივრცე-
ში ყველაფერი ზედმეტად პირობითი, პი-
რად ურთიერთობებზე გადაჯაჭვული და
ზოგჯერ მხოლოდ შემთხვევითობისგან
გამოწვეულიც რომ არ იყოს, მართლაც
დიდი პატივი იქნებოდა, ყოფილიყავი გერ-
მანიაში ქართული ლიტერატურის ერთ-
ერთი წარმდგენი, თუნდაც 72-იდან.

•
პროექტები, პროგრამები, სახელმწიფო
დაფინანსება...
აპარატზე მიერთებული პოეზია, ხე-
ლოვნება.



ქეთევან
ნათელაძე

სევდა ლოტოსის ყვავილია, ნახევარმთვარე — მახოლი,
მადრიგალის საღამოა და განვიმება სპეტაკი,
შენი ცხოვრება სცენარია პიერ პაოლო პაზოლინის,
ჩემი ცხოვრება ექსპრომტია

შენ — მიმზიდველი კაზანოვა,
ჩვენს შორის — ბედი უსამართლო
შენს იქით მხოლოდ სიკვდილია,
ამიტომ თავის მოსაკლავად შენს მდინარეში ვეშვები.

შენი ამბები — ტავერნები, სადღეღამისო ბარები,
თავზე წამდგარი განთიადი,
რომ გულს გჩუქნიდნენ ქალწულები
საღამოს ბოლო მატარებლით

შენს ხმაში მზეა აზიური, შორს გასულ გემებს უმღერი,
ჩანს შენი მხრების ნამზუური,
ძლიერი ბრიზია,
შენი თვალები ტყეებია და სიღრმეებში მკარგავენ...

ლოდინი სივრცეა პერმეტული და იმიტირებს ამინდი
სევდას დაკარგულ სიყვარულზე,
ძლივს ატრიალებს გრამაფონი
წითელი ღვინო, ჟან პოლ სარტრი,
სეველნაირი საცდური

გვაქვს იმისთვის, რომ დასაპყრობი
პალმები — ამ ზღვის ჟანდარმები —
შენი სხეული — მაგნიტური ქვიშა, რომელზეც ვინცები,
მიაბიტიური გატაცებით ოცნების სახლებს ვიშენებ!

დილა, ამ კვირის ტაბლოიდი, შენი პერანგი, რადიო,
გასული ღამის ნოსტალგია, ვნება, მაგია, ვივალდი,
შენი ცხოვრება სიგიჟეა და უსასრულო „ადიოს“,
ჩემი ცხოვრება ლოდინია და უსასრულო „მიყვარდი“...

საეპი — უპრაპი

დუმბილს არ არღვევენ ხეები — უბრები,
შენ გინდა, გარდასულს შეეხო ხელებით,
დატოვა განცდილმა თვალებში ღრუბლები,
ძვლებს შორის — გამტყდარი ყვავილის ღერები...

კედლები მისტიურ სიზმრებით ირთვება,
ეძებ და აღარსად არ არის ის შარა,
წვიმებმა წაიღეს მზიანი მინდვრები
და ქოხი ფოთლების, რომ ჩამოიშალა.

წვიმს. დედაბერივით მზე ძლივსლა ამოდის,
გაციებს და სადღაც ლანდებად ჩნდებიან,
გინდა, რომ იყვირო და ხმა არ ამოგდის,
რამეთუ შენს ირგვლივ ცოცხალი მკვდრებია.

საკუთარ ვენებში ქარებად ვიდოდი,
გაყინულ ვაგონში დაღლილ ტანს ასვენებ,
და ის, ვინც ოდესღაც ძალიან გინდოდა,
ზნელ ტყეში ანთებულ სინათლეს გასხენებს,

რომელსაც ხედავდი და სველი ფანტელი,
სავალ გზებს ხერგავდა და მარტო იყავი,
დასრულდა ის ღამეც, ის კორიანტილიც
იმ თოვლის, სინათლის უთქმელი იგავიც.

გაბზარულ სარკიდან ვილაც სხვა გიყურებს,
შენ ფიქრობ, გაგიჟდი, ან დროის ბრალია,
აქ ნიშნებს ეძინათ, აქ მგლებმა იყმუგლეს,
ქარია, ახლა კი აქ მხოლოდ ქარია.

წლები კი, რომელიც უდაბნოს ქვიშაა,
მოიტანს სნეულ და სისხლდამშრალ ამინდებს,
და ძალა არ შეგნებს, რომ სადაც ხსოვნა თვლემს
პირველი შეხვედრის, იმ მხარეს ნახვიდე...

დუმბილს არ არღვევენ ხეები — უბრები,
შენ გინდა გარდასულს შეეხო ხელებით,
დატოვა განცდილმა თვალებში ღრუბლები,
ძვლებს შორის — გამტყდარი ყვავილის ღერები.

თუთა

მე მახსოვს გუშინ, ჩემს ბავშვობაში,
ნერგი რომ იდგა ეზოში თუთის,
ხშირად ვუმზერდი ნერგს და ვფიქრობდი —
— ნეტავი, დიდი გახდება როდის?..

გავიდა წლები, ნერგი ხედ იქცა,
იმ ხემ ტოტები გაშალა მაღლა,
ადრე ის თუთა იდგა ჩემ ჩრდილში,
იმ თუთის ჩრდილში მე ვდგავარ ახლა.

ნითილაქადა

შენ ტყე ხარ და უფრო საშიში ხარ
ღამით, როდესაც მთვარის შუქზე
შენი გულიდან გამოდიან მწვანეთვალეა მაქციები;
როცა ბეჭებზე წინვებივით
მოგონებები გეზრდებიან.

დიდია შენი მარტოობა,
ძველია შენი მარტოობა,
თოვლია შენი მარტოობა
და ჯერ არავის გაუკვალავს...

შენ ტყე ხარ, მე კი ნითელქეუდა,
ზღაპარი შენი ჯურღმულების,
სიზმარი შენი ფოთოლცვენის,
ამბავი შენი მაგიისა.
შავი მოცხარი გამასინჯე,
შავ მოცხარს გემო აქვს სიყვარულის,
სიყვარულს შავი მოცხარის გემო აქვს.
არ შემახვედრო ბელურები,
არც ირმები და მელიები,
შენ ტყე ხარ, მე კი ნითელქეუდა,
შენ მგელი უნდა შემახვედრო!
და მე ამისთვის შეგიყვარებ...
ასე როდიდან მეფიქრები?
ან ასე როდის გავიზარდე?
რომ შენი აღარ მეშინია,
არც მაგ პირლია სიღრმეების,
არც შხამიანი სოკოების,
აღარც გრძნეულთა მეჯლისისა.
შენს საიდუმლოს მაზიარე,
ერთხელ ჩემს ბილიკს ამაცდინე
და შენს სურვილში შემიტყუე,
სულ სხვანაირი დამაბრუნე
შენი ფოთლების სილურჯიდან...

შენს ათასწლოვან სიჩუმეში,
შენ შეძლებ, რომ არ შემომიშვა,
შენ ტყე ხარ და ნუ შემომიშვებ,
თუ მგელი მოკლა მონადირემ.

პარსკვლავების ცისფერ მარხილებს...

ვუმზერ ვარსკვლავთა ცივ მარხილებს,
ნოემბრის მინდვრებს გადაედოთ მთვარის ჭალარა,
თან გაიყოლა ქარიშხალმა სუყველაფერი,
და დავიწყება კარს მტვერივით შემოაყარა...

ვინც გულს უყვარდა, ის დავტოვე ბოლოს უგულოდ,
ისე უგულოდ, თვალბემაც კი ველარ მამხილეს,
მითიურია დედამინა, როცა ვუყურებ
ცაში გაფრენილ ვარსკვლავების ცისფერ მარხილებს.

ციის ლურჯ კვარცხლბეკზე
ანთებულ მზეს გული ეწვოდა,
როცა ზურგით მდგომს უანგაროდ სული მოგანდე,
ზღვა მხოლოდ იმას დააბრუნებს, ვინც ზღვას ებრძოდა,
არ უნერიათ დაბრუნება უძლურ ხომალდებს.

არ უნერიათ დაბრუნება სუსტებს ომიდან,
არც მათ, ვინც გული არ მიუძღვნა გრიგალს მთლიანად,
მითიურია წამი, როცა უნდა მოვიდეს
შემოდგომა და დამემსგავსოს ფოთლებიანად.

ვუმზერ ვარსკვლავთა
ლურჯ მარხილებს ცაში გაფრენილს,
თითქოს ვენევი და მიყვები ცისკენ მე თავად,
თან გაიყოლა ქარიშხალმა სუყველაფერი,
და მანაც ჩადგა... ყველაფრისდა მიუხედავად...

თოვლი

მოვიდა თოვლი ქარების ქროლვით,
გარეთ ფიფქების ანათებს გროვა,
მე მინდა ისე გვიყვარდეს თოვლი,
რომ გვახსენებდეს ერთმანეთს თოვა.

მე მინდა სადმე გიპოვნო ბოლოს,
მოგიყვე ბოლოს, გექებდი რამდენს,
რომ სიყვარულიც თოვლს ჰგავდეს მხოლოდ,
და თუ დადნება, თოვლივით დადნეს.

მე მინდა ერთხელ გაჩერდეს წამი,
ის მოხდეს, რაც არ მომხდარა დღემდე,
სულ უმიზეზოდ, არაფრის გამო,
მე მინდა თოვლში ერთმანეთს შევხვდეთ.

დრო მანძილს თავის საზომით ზომავს,
აღარ იქნება, რაც იყო გუშინ,
თოვლი ისეთი სიჩუმით მოვა,
მოიტანს დარდს და სინანულს გულში.

და ნაცვლად გრძნობის, მომცველის ყოვლის,
ჩვენში თავის გზა რომ ველარ ჰპოვა,
მე მინდა ისე გვიყვარდეს თოვლი,
რომ მხოლოდ ჩვენი ეგონოთ თოვა...

კაჟე „MARCO-POLO“

ჩვენი ჩრდილები გუშინ და წინათ
ვიდოდნენ ერთად ქარებზეც ჩქარე,

და რუსთაველზე უკრავდა წვიმა
ფოთლების ტაშით ცეცხლჩამდგარ ქარებს.
ქაშუეთიდან რეკავდა ზარი,
მე ტანზე შენი თვალები მეცვა,
და მთვარე, როგორც წასული ქმარი,
ამოივარდა გულიდან ზეცამ.
მთვრალი ქუჩები ყვინთავდნენ მტკვარში,
ჩვენ გვსურდა ზეცა, ჩვენ მეტი გვსურდა,
და მათხოვრობდა სიყვარულს ბავშვი,
გამვლელები კი უყრიდნენ ხურდას.
ეს იყო წინათ, ეს იყო გუშინ,
შეხვედრის, ანდაც გაჩენის დღიდან,
იდგა აპრილი ღმერთსავსე სულში,
და რუსთაველზე ივლისი იდგა...
გდარდობ და გვიქრობ, გვიქრობ და გდარდობ,
ხომ არ იყავი ჩვენება დილის,
ხომ ვუკითხავდით მირზას და ლადოს
მზისფერ სტროფებით სისხლგამთბარ თბილისს.
ყელზე წვიმები შემაბი მძივად,
და სადღაც გაქრა, ვით ლექსი ბოლო,
ის არცო ოლო, ზაფხული, წვიმა,
წვიმა, ზაფხული და არცო ოლო.
გავლენ, ჰო, გავლენ უკვალ-უქაროდ
დღეები, ვითარც წკრიალი ბროლის,
ჩვენ როგორ შევხვდით ასე უბრალოდ,
ამდენ ბატონს და ქალბატონს შორის.
ეს იყო წინათ, ეს იყო გუშინ,
შეხვედრის, ანდაც გაჩენის დღიდან,
იდგა აპრილი ღმერთსავსე სულში,
და რუსთაველზე ივლისი იდგა.

ის შემოდგომა სულ სხვანაირად
ყვითლდებოდა და თოვდა,
მაინც ვერ გავძლებ, რომ არ ვიკითხო,
ალბათ ხიბლი აქვს კითხვებს,
მაგრამ პასუხი, როგორც ასეთი,
ვიყოთ გულწრფელი, მოდით,
აღარ არსებობს,
თავისი არსით რამის შინაარსს ცვლიდეს.

ისე გაქურდა ის შემოდგომა ცივმა ქარების გუნდმა,
ასე მგონია, რომ აღარ მოვა,
მაგრამ რა შერჩათ ქურდებს?..
მაინც ვიკითხავ, ლოგიკურია კითხვა ასეთი თუნდაც,
თუმცა ვინ იცის, ცოდნა სიმართლის,
იქნებ არც უნდა მსურდეს.

კომიკურია ეს ყველაფერი, და ამავე დროს სევდით
სავსეა, თუმცა ვიკითხავ მაინც, იქნება ვინმეც მისმენს,
როგორ შეეძლოთ,
ასე გულგრილად არ შეემჩნიათ ღმერთი?
ხეზე, რომელზეც თავი მოიკლეს,
როგორ აყვავდა ისევ?..

ჩემი რჩეული დაბრუნდება და მოსვლის ხმებით
გამოაღვიძებს ანგელოზებს,
ზურმუხტის ჭაღებს,
ყელზეც, მაჯებზეც მარჯნებით შემაბამს ვნებას,
მოვივლით ერთად
ზეთისხილის მარტოსულ ბაღებს...

უახლოვდება ნაცნობ ტყეებს, ბილიკებს, რიფებს,
ჩემი რჩეული
და მითიურ სიმღერებს მღერის,
ემსგავსებიან ქარიშხლები უჩინარ ნიმფებს,
ასდით ტრამალებს
ყვავილების ფერადი მტკერი.

მოვა ვით ღმერთი, გააცოცხლებს შორეულ ზღაპარს,
ამ ლურჯ ყურეში
რიჟრაჟამდე ჩაუშვებს აფრებს,
თეთრმა ცხენებმა ჩაუარეს ქვიშიან ნაპირს,
და ტალღებით
მზის ოქროსფერ ბურუსში გაქრნენ!

ვიხდი და მაღალ სარკეებთან შიშველი ვნებები,
ჩემი რჩეული
დაბრუნების იმედით მტოვებს,
მომიცავს მისი სიყვარულის ზღვისფერი ვნება,
შეაკრთობს ბაღში
ზეთისხილის სევდიან რტოებს.

მოვიდა წვიმა ჩვეული მარშით
და ცეცხლში ჩაყრილ ვარსკვლავებს მიქრობს,
ვით მეოცნებე, ყრუ-მუნჯი ბავშვი,
ჯერ არწარმოქმულ სიტყვებზე ვფიქრობ.

მიმხვდარა ზეცა წვიმების მიზეზს
და ჩემს სიზმრებში შთენილა მარტო,
როგორც ჩემს ნაცნობ ლურჯთვალა ბიჭზე,
ჯვარცმამდე მცხოვრებ ქრისტეზე ვდარდობ.

რაცი ამაღლობელი

ტივტივა

სანაპიროზე ჩემს პატარა ბიჭთან მივდივარ,
რომ დავუბერო საცურაო მრგვალი ტივტივა.

სულ რაღაც ათმა, ჰა, თორმეტმა პირით ჩასუნთქვამ
ეს მჭლე ტივტივა გამოზურთა და ჩაასუქა.

ჰაეროვანი, ბუმბულივით მჩატე ნივთია,
თუმცა ასჯერ მასზე მძიმე წონას იჭერს ტივტივა,

ის ახლა რუსმა წონოსანმა ქალმა შეგვთხოვა,
„ხომ დაგვიბრუნებს“ — ბავშვს ეჭვებმა სძლიეს ეტყობა.

„იმედი არის“ — ვუპასუხე, მართლაც ასეა,
ის მხოლოდ ჩემი რწმენითა და სუნთქვით სავსეა.

მას ჩემი ბიჭი ზღვის უსაზღვრო წყალზე უჭირავს,
როგორც ყოველი რამ ხილული უთქმელ-უჩინარს.

მღვიმა

სარკმლიდან ფარდა ჩამოხსენი,
მოისხი, როგორც სამოსელი.

იარე, მიაღებე სანაპიროს,
თუ ზღვაში შეცურვა დააპირო —

ღრმა წყალში უყოყმანოდ გადაეშვი,
მიცურე მითოვებულ სანავეში.

ნავი საბელიდან ჩამოხსენი,
და შენი სველი-ფარდა-სამოსელი

ნავზე დაამაგრე აფრასავით,
აზრით გაიშლება — „ახლა საით“.

ზღვათა გადაცურე აბრეშუმი,
მის სიღრმე-სიშორეში გაეშურე.

ქარით სიმამაცემ დაგიბეროს,
შეყვე შიდაზღვების არქიპელაგს.

სამყაროც შექმნილია სიმამაცით,
მისი მზე გაცხუნებს, წვიმა განვიმს.

შიშის ნაკადები შეიკავე,
როცა დაიმსხვრევა შენი ნავი —

იმისგან კუბოსმაგვარს შეგიკრავენ,
კუნძულის მღვიმეში შეგიყვანენ.

ეგ აფრა-ფარდა-სამოსელი,
ოდესღაც სარკმლიდან რომ ჩამოხსენი —

სახეზე სუდარად დაგედება,
იფიქრებ — ასე რომ არ გაგებდა,

მღვიმეში სიკვდილად რომ დაგებდა —
ბედი მიგიყვანდა სხვა გემებთან.

აქ, სამი ღამის წინ მოგასვენეს,
არ გესმის სამი დღეა არაფერი,

მაგ დახშულ თვალ-ყურის დარაბებით
„ლაზარე, გამოდი“ მოგესმება.


ფოთოლი

შეხედე ფოთოლს.
შემოდგომის უხილავ ნებით
ჩვენც ასე ვჭყნებით
და როცა ვხვდებით —
სხეულისთვის არ ჩანს საშველი,
ჩნდება ჩვენს შიგნით

რაღაც ჩვენი...
გადასარჩენი.

შემოდგომა

ძალა არა მაქვს.
ან, ღვინო უნდა გავხსნა,
ან, წიგნი.
ჭრიჭინების ხმა უფრო მცირდება,
მეტალის ჟღარუნის
ძალას კარგავს ისიც.
ყოველ ღამე აივანზე გავდივარ
და მათ ხმას ვუსმენ,
დღეს მხოლოდ ერთი ჭრიჭინა ჟღერს,
უფრო შორიდან, უფრო გრილად,
უფრო ხმადაბლა



და მაინც
ეს სიჯიუტე ზაფხულს ახანგრძლივებს
შემოდგომაში.

ნეტავ, თავიდანვე დამეჭირა თადარიგი,
არ ვყოფილიყავი უყურადღებო
და ჩემში, შიგნით შემომეშვა
ჭრიჭინების ურიცხვი გუნდი.
ჩემი ხსოვნის უხსოვარ და ვრცელ
მინდვრებში შემეშვა, გამეშვა,
დამეზინავებინა.

ისინი იქიდან მზეს უმღერებდნენ,
მზეს, რომელიც იკლებს,
მზეს, რომელიც მიყვარს,
როგორც მონატრებული
გარდაცვლილები
და თავშესაფარი მათი.

მზეო, მიიღე აორთქლებული
მათი სულები
შენი სინათლის ნაკეცებში,
კალთის სითბოში,
უბის სიმშვიდეში.

ახლა გარეთ ქალწულში დგახარ,
მაღე სასწორში გადაინაცვლებ
და გადანონის უშენობა
შენს სხივს და შენს შუქს,
და მე გავხდები კილობანი
იმის,
რაც შენს სხივ-ქვეშ
ხარობს და ყვავის
და ახლა ჭკნება.

ძალა აღარ მაქვს,
ან, ღვინო უნდა გავხსნა,
ან, გული.

მელიკამენტი

ის ვარსკვლავებით მკურნალობდა მუდამ თავისთავს,
ვარსკვლავებით და პლანეტებით, მაგალითისთვის —
უსაფრდებოდა უღრუბლო ცას შუალამის და
შუაზაფხულის, რომ ეცურა ზღვაში ძილისწინ,

როცა კირჩხიბში შემდგარ ვენუსს ციდან სხივები
ლამელ ზღვაში ეფანტება, სცვივა მძივებად,
ის აქ შიშველი შეცურავდა აუცილებლად,
და თეთრ მთვარის ქვეშ გასაშრობად ტანს აძინებდა.

მას ფიქრში ენთო ანდრომედა, ანუ ნებულა —
იმათ ნათელში რადგან ხშირად ამოვლებულა
და განვრცობილი ვარსკვლავეთის სიღრმის ფართობით
თავად ხდებოდა გარეკნელში ირმის ნახტომი.

დ. რ. შ-ს

შენ მოგაქვს ჩემთვის პური და წყალი,
თუ მაისია — იასამნები,
ფანჯრებს გამიღებ და გაუმწყრალი
მზერით ჩემს სივრცეს მიესალმები.

გამინიავებ ოთხივე კუთხეს,
ჩემს ბნელ კუნჭულს გაამზეურებ
და ჩემი სუნთქვა გახდება სულ მთლად
დაბრუნებული შინ მეზღვაურის.

მოდიხარ, ქრება სივრცეს და დროს და
მკვდრებსა და ცოცხლებს შორის საზღვარი
და ისე მიყვარს მე შენი მოსვლა —
ასე მგონია, ღმერთი გაგზავნის.

იღებსა და მეტამორფოზებზე... ჯოისი „ულისეს“ სხეულის ნაწილების შესახებ დაწერილ ეპოსს უწოდებს. მეტიც, როგორც მის ვივერისადმი გაგზავნილი ბარათებით დასტურდება, ის ადამიანის ორგანიზმის ნაწილებს რაღაც სიმბოლურ მნიშვნელობასაც კი ანიჭებს. „ულისეს“ ყოველ ეპიზოდს თავისი დომინანტი სხეულის ორგანოები აქვს, რომლებითაც მოზაიკის კენჭებივით საბოლოო ჯამში ორი ფიგურა იქმნება (მამაკაცისა და ქალის). ჯოისი სისხლით იწყებს ადამიანის სხეულის აწყობას, რაც ბუნებრივიცაა, რადგანაც პირველი ეპიზოდის (ტელემარქის) ძირითადი თემა თეოლოგიაა (ზიარების გაშარება)... მომდევნო — „ნესტორის“ — ისტორია, დომინანტი სხეულის ნაწილი კი თავია, ალბათ იმის გამო, რომ ოდისევსის თანამებრძოლი ნესტორი ბრძენკაცად ითვლებოდა...

ნაწილების მთელად ქცევა წარმართული მისტიკების ღერძია, 12 ნაწილად აჩვენებულ ოზირისის სხეულს იზიდა ამთლიანებს, რათა ტიფონის მიერ მოკლული გმირი გააცოცხლოს... რომანის ბოლოს ლეოპოლდ ბლუმი მართლაც ცოცხლდება (გარკვეული თვალსაზრისით), რადგან არის მინიშნება, რომ 11 წლის შესვენების შემდეგ მუღლესთან კვლავ უნდა განაახლოს შეწყვეტილი ტრადიციული სექსუალური ცხოვრება...

სამი ქალღმერთი

სხეულის ნაწილებს სიმბოლური დატვირთვა აქვს დანტე ალიგიერის თხზულებებშიც. დანტეს ბეატრიჩე ერთ სამსახოვან ქალღმერთს წარმოადგენს. სამი ქალღმერთი ფიგურირებს ჯოისის შემოქმედებაშიც. მეტიც, რეალურ ცხოვრებაშიც ქალღმერთივით ეთაყვანებოდა სამ ქალს: ირლანდიის ზღვის ნაპირას ნანახ მოცეკვავე გოგონას, რომელმაც მის წარმოსახვაში ქაფიდან შობილი აფროდიტეს სახე მიიღო; საკუთარ მუღლესს, ნორას (მოლი ბლუმის ერთ-ერთი პროტოტიპს — რიდესხილ იზიდავს) და მართა ფლეიმანს (რიდესხილის იზიდავს), რომელსაც პლატონურად ეტროფდა. მწერალმა ისინი თავის თხზულებებში უკვდავყო. საგულისხმოა ისიც, რომ ტრიესტის ნაქირავებ ბინაში (ვია დონატო ბრამენტეს 5-ში) ჯოისის სამლოცველო ოთახიც კი ჰქონდა სამი ქალღმერთის საიდებლად. მისი ბიოგრაფოსი რიჩარდ ელმანი მოგვითხრობს, როგორ მოეწყო ის მწერალს. საკითხავ მაგიდაზე ეკლესიურ სტილში დასვენებული იყო ტყავის ყვადმი ჩასმული ლექსების კრებული Chamber Music. ჯოისი დროდადრო საკმეველს უკმევედა ხატებს, რომელთა ფუნქციასაც მესტროვიჩის ქანდაკებების ილუსტრაციები ასრულებდა. პირველ სურათზე გამოხატული იყო გლეხის ქალი გამობერილი მუცლით, სახეზე მძიმე შრომის კვალი აჩნდა, მის გამეჩხერებულ თმას კი სანახევროდ ფარავდა იაფფასიანი პარიკი. ჯოისის ფოტოს ქვეშ მიენერა Dura Mater. მეორე სურათზე გამოხატული იყო დედა ბავშვით, გამხდარი ჩვილი დედას გამოფიტულ მკერდზე ეპოტივებოდა. სურათის სათაურად ჯეიმზს Pia Mater შეერჩია. მესამე ფოტოზე ალბეტილი იყო შიშველი მოხუცი ქალი. ამ „ხატის“ ქვეშ ჯოისის მიენერა სიტყვები დანტე ალიგიერის „ჯოჯოხეთის“ V ქეტიდან, „Elena vidi...“ „ვნახე პელენე...“

მაინც რაზე მიგვანიშნებდა ფოტოების ქვეშ გაკეთებული წარწერები? Dura Mater ტვინში არსებული მემბრანაა, რომლის უმთავრესი ფუნქციაცაა, სისხლი ტვინიდან გულისკენ გადაქაჩოს. Pia Mater-ი ლათინურად სათნო დედას ნიშნავს. ამ მემბრანის ფუნქცია ტვინის ქსოვილის გამოკვება და დაცვა... ასე რომ, პირველი ხატი გულის სიმბოლოდ უნდა მივიჩნიოთ, მეორე კი — გონების. მაგრამ რა შეიძლება ითქვას მესამე ხატის შესახებ? მშვენიერ ელენეს ჯოისი სავარაუდოდ სიყვარულის ქალღმერთის მიწიერ განსხეულებად მიიჩნევდა, რომელიც უძველეს ჰიმნებში არა მხოლოდ სასიყვარულო, საბრძოლო საქმეების წარმართველადაც მოიხსენიებოდა, „ომში მყივარადაც“ და „დაიცის მამრისთვის დამამშვენებლადაც.“ „ვნახე პელენე, რომლისთვისაც წელიწადი სისხლის წვიმები დააყენეს ტროას გმირებმა“ — სწორედ

ეს სიტყვები ეწერა მესამე ხატის ქვეშ. საგულისხმო იყო ისიც, რომ ჯოისი სამივე ქალღმერთს (განსაკუთრებით კი მესამეს) ასაკოვნად წარმოაჩინდა, რაც ნაწილობრივ მის მოდერნისტულ ხედვას უნდა მივანეროთ, თუმცა ალბათ არსებობდა უფრო ღრმა მიზეზიც. მითიურმა ქალმა იომ, რომელიც ეგვიპტეში სიყვარულის ქალღმერთად (იზიდავს) შერაცხეს დროთა განმავლობაში კიდევ ორი მეტამორფოზა განიცადა. ის ჯერ რას თვალად (სიბრძნის ქალღმერთად, ბერძნული ვერსიით — სოფიად) იქცა, შემდეგ კი — მუტად (დიად დედად). სწორედ იო მოიაზრება ბეატრიჩეს წინასახედ. არსებობდა ჰიპოთეზა, რომლის მიხედვითაც სამსახოვან ღვთაებად შერაცხილ ქალს (წარღვნასგადარჩენილი ბიბლიური გმირებივით) დიდხანს (რამდენიმე ასეული წელი) უნდა ეცოცხლა და შვილებიც საკმაოდ ხანდაზმულს უნდა გაეჩინა; ასე რომ, ხატებად მოხუცი, თმებდაცვენილი და პარიკიანი ქალების შერჩევა მხოლოდ ჯოისის მოდერნისტულ ხედვას არ უნდა მივანეროთ. შესაძლოა, მწერალი ამ თემას საკმაოდ ღრმადაც კი წვდებოდა.

ბეატრიჩე

დანტე ალიგიერისთვის ციფრ სამს მისტიკური დატვირთვა აქვს. როგორც აღვნიშნეთ, ბეატრიჩე სამსახოვანი ქალღმერთის თვისებებს ავლენს. „ახალ ცხოვრებაში“ ის იზიდა-აფროდიტეა, „ღვთაებრივი კომედიის“ დასაწყისში სიბრძნის ქალღმერთად (რას თვალად ანუ სოფიად) გვევლინება, პოემის დასასრულს კი — მუტად (დიად დედად). „ახალ ცხოვრებაში“ აღწერილია გულის შექმნის (აფროდიტესთან ზიარების) რიტუალიც. ამ თხზულების დომინანტი ორგანო გულია, ფერი — ალისფერი. „სალხინებელში“ ბეატრიჩე დანტეს პირველ მეგზურს ვერგილიუსს ცვლის, ამჯერად სწორედ ის მოძღვრავს პოეტს, მეტიც, სიბრძნის უმრეტეს წყაროდ გვევლინება. შესაბამისად, პოემის ამ მონაკვეთში დომინანტი ორგანო თავია, ფერი კი — თეთრი (სიმშვიდისა და სიბრძნის სიმბოლო).

თუმცა მეტამორფოზები ამით არ სრულდება, პოემის მესამე ნაწილში, „სამოთხეში“, მეგზური პოეტს მზრუნველ მშობლად ევლინება, საყვარელი დიად დედად, რომელიც ისე ნახად და გულისხმიერად შესცქერის, „როგორც მშობელი თავის თავგზაარულ პირმშოს“ („სამოთხე“, ქება პირველი). ბეატრიჩე მზრუნველ დედასთანაა შედარებული ოცდამეორე და ოცდამეცხრე ქებაშიც, უმწიერ მართვითა დედასავით შვილების გამოკვებას რომ ცდილობს. და, აი, „ღვთაებრივი საკვების“ მიღების დროც დგება. პავლე მოციქულივით თვალახელილი დანტე ისე ენაფება სამოთხის მდინარის წყალს, როგორც „ძილის შემდეგ თვალახელილი ბაღლი დედის ძუძუებს.“ ემპირიის ნაპირები „გაზაფხულით ამოქარგულებს“ ჰგვანან. დომინანტი სხეულის ორგანო ამჯერად დიადი დედის (სამყაროს) მკერდია, ფერი კი — მწვანე, მარადგანახლებად ბუნების სიმბოლო. „ღვთაებრივი კომედია“ ტერცინებთანაა დაწერილი, ის სამი ნაწილისგან შედგება, მეტიც, თვით ბეატრიჩეს სამოსიც კი სამფეროვანია:

„ზეთისხილის შტო
შუბლს უმკობდა თეთრ ვუალიანს,
ასე ვიხილე მე ასული,
გარს მარტო მწვანე
შემოეხვია

ალისფერი სამოსით მოხილს.“

ამრიგად, წარმართი ქალღმერთის რეალიზებული შემოსილი ბეატრიჩე არა მხოლოდ სამფერადაა შემოსილი, მას სამი მეტამორფოზაც აქვს გავლილი. საგულისხმოა, რომ ოვიდიუს ნაზონის პოემის ერთ-ერთმა პერსონაჟმა იომაც მსგავსი ფერისცვლება განიცადა ეგვიპტეში. არსებობს ჰიპოთეზა, რომ იო იგივე ელექტრაა (Electra-ra, „რას თვალში“ ანუ რჩეული), ელექტრა კი ტიტან ატლასის ქალიშვილია. ზოგიერთ მკვლევარს, მაგალითად, რობერტ გრეივსს (ინგლისელი მწერალი და მეცნიერი) მიაჩნია, რომ იოს მშობელი ინაქოსი იგივე ნიმფების მამად ნოდებული ატლასია (აყვანილი მდინარის ღვთაების რანგში), რაც იმას გვაფიქრებინებს, რომ ინაქოსის ქალიშვილი იო და

ელექტრა ერთი პიროვნებაა. მსგავსი აზრისკენ გვიბიძგებს წარმართული მრავალსახელიანობაც.

მითის მიხედვით ელექტრა და მისი დები ვარსკვლავებად იქცნენ. თავიანთ ვარსკვლავურ წარმოშობაზე საუბრობენ ბეატრიჩეს თანმხლები ნიმფებიც, „აქ ნიმფები ვართ, ხოლო ცაზე ვართ ვარსკვლავები“. თურმე ისინი ბეატრიჩეს მაშინაც ახლდნენ, „ვიდრე იგი მიწად ჩამოვიდოდა“. საგულისხმოა, რომ „ღვთაებრივი კომედიის“ სამივე ნაწილი („ჯოჯოხეთი“, „სალხინებელი“ და „სამოთხე“) ვარსკვლავების ხილვით სრულდება. ხოლო ბეატრიჩესთან შეხვედრას შვილი მნათობისა და საიდუმლო სიბრძნის მცველის გრიფონის (ფრთოსანი ლომის) გამოჩენა უძღვის წინ.

დაიხ, „ღვთაებრივი კომედია“ ვარსკვლავური სიმღერაა, ისევე როგორც „ულისეს“. განსხვავება ისაა, რომ პირველი, როგორც აღვნიშნეთ, ვენერა ურანისადმი (წმინდა სიყვარულის ქალღმერთი) აღვლილი საგალობელია, ხოლო მეორე — ვენერა პანდემოსის, საყოველთაო, სახალხო ქალღმერთის, რომელიც წარმართულ რომსა და ათენში ვნებისა და პროსტიტუციის მფარველად მოიაზრებოდა. ჯოისის რომანის „ულისეს“ პერსონაჟი, მოლი ბლუმი, მართლაც, „სახალხო და საყოველთაო“ ქალღმერთის განსხეულებაა, ამას მისი საყვარლების ნუსხაც ადასტურებს. ვინ აღარ ეტრფის მოლის: ვექილი, ეპისკოპოსი, მენახშირი, რაბინი, ქალაქის ლორდ მერი, ჯარისკაცი, მეზღვაური... ყველაზე ნიშანდობლივი კი ისაა, რომ „ულისესში“ მისტიკურ მამა-შვილად მოაზრებული სტივენ დედალოსი და ლეოპოლდ ბლუმი ბორდელში ხვდებიან, რაც შემთხვევითი არ უნდა იყოს, რადგან საროსკიპოები ოდითგანვე ვენერა პანდემოსის (იპოთარის) „ტაძრებად“ მიიჩნეოდა. ამრიგად, სტივენისა და ლეოპოლდის გზები სწორედ იმ ქალღმერთის სამლოცველოში უნდა გადაიკვეთოს, რომელსაც მწერალმა რომანის დასასრულს („უენელოპეს“ ეპიზოდში) ერთგვარი წარმართული საგალობელი აღუვლინა...

მზის რაინდი

დანტე და ჯოისი თხრობას რამდენიმე სივრცეში აწარმოებენ, რეალურ-ისტორიულში, წარმოსახვითში, ფიზიკურში, სულიერში, ასტრონომიულში, ასტროლოგიურში... ბეატრიჩე სიმბოლურად ქალი მხსნელიცაა (იზიდა), რომელმაც მისი ძმისა და საყვარლის (ოზირისის) 12 ნაწილი უნდა იპოვოს და გაამთლიანოს. „ღვთაებრივი კომედიის“ დასაწყისში, როცა პოეტი მოგზაურობას იწყებს, მზე თხის რქის ზოდიაქოშია, ის თანდათანობით შედის ყველა ნაჭდეში, პოემის ბოლოს კი კვლავ თხის რქას უბრუნდება, ამრიგად, იმ კულიმინაციურ მომენტში, როდესაც მკვდარი ოზირისი (დანტე) უნდა გაცოცხლდეს, მზეს უკვე გავლილი აქვს თორმეტივე ზოდიაქო. „ულისეს“ პერსონაჟი ბლუმი (პაროდული თვალსაზრისით) რაღაცთა ჰგავს „მზის რაინდ“ დანტეს. მისი სახელი ლეოპოლდიც სიმბოლური უნდა იყოს, ლეო ლათინურად ლომია, „ლომი“ კი, როგორც ზოდიაქოს ნიშანი, მზის სახლად მიიჩნევა. ლეოპოლდის (თანამედროვე ულისეს) ხეტილის

დასაწყისსა და დასასრულს ჯოისი ახსენებს ტომპსონის წიგნს „მზის ნაკვალევზე“, რომელიც ბლუმის თაროზე დევს, რაც მკითხველში დანტეს მოგზაურობის პაროდულ ასოციაციას იწვევს.

ბეატრიჩე კურთხეული სულია, მეცხრე ცის ბინადარი, მაგრამ მას შენარჩუნებული აქვს წარმართი ქალღმერთის რეალიზებული. მის ეტლს შვიდი ვარსკვლავიდან მოსული ნიმფა ახლავს. მარცხნივ სამი უელის ფერხულს, მარჯვნივ კი — ოთხი...

პლანეტა-ღვთაებების (ვარსკვლავების) თემა „ულისესშიც“ თამაშდება, მეტიც, რომანის პერსონაჟები უწყვეტ ტრანსფორმაციას განიცდიან, ისინი ჩვეულებრივი ადამიანებიც არიან, მითოლოგიური გმირებიც და ღვთაებებიც. რომანის დასასრულს სტივენის და ბლუმის თითქოს ციურ სხეულებად არიან ქცეულები და როგორც ჯოისი ციურისეული მეგობრის, ფრენკ ბაჯენისადმი მიწერილ ბარათში აღნიშნავდა: „თვითონაც იმ ვარსკვლავებივით მოგზაურობენ, რომლებსაც მისწერებინა.“

მოლი ბლუმი კი „უენელოპეს“ ეპიზოდში ერთდროულად რამდენიმე ქალღვთაებადაა წარმოდგენილი. ჯოისის ის „ამორალურ კახადა კი არ დაუხატავს“, როგორც ეს ზოგიერთ მკვლევარს წარმოუდგენია, არამედ, რაგინდ პარადოქსულიც უნდა იყოს, ქალღმერთად, ასე რომ, არც უნდა გაგვიკვირდეს საყვარელთან (ბოილანთან) თანაცხოვრების მიუხედავად, ლეოპოლდ ბლუმი მას მოკრძალებით რომ ექცევა. მოლის ქმარი და 24 საყვარელი ჰყავს (ეს ციფრი, შესაძლოა, სიმბოლურიც კი იყოს, 24 დიადი არსი და 25-ე — უზუნაესი). ის რომანის დასასრულს მთავრის ღვთაებად (ცაა, დიადი დედაც (მთაც) და „რიდესხილი იზიდავს“. მას თავისუფლად შეუძლია, წარმართული ურცხვობით იამაყოს თავისი საყვარლებით და გაიფიქროს: „15 წლისამ მეტი ვიცოდი კაცებზე და ცხოვრებაზე, ვიდრე მათ 50 წლისას ეცოდინებოდა...“

თუმცა უნდა აღინიშნოს, რომ ჯოისისთვის წარმართული მისტიკებით გატაცებას ბედნიერება არ მოუტანია. სიცოცხლის უკანასკნელ წლებში ის მტკივნეულად განიცდიდა მხედველობის დაქვეითებას და ქალიშვილის ფსიქიკურ აშლილობას. მეტიც, მიაჩნდა, რომ რწმუნის დაკარგვის გამო იტანჯებოდა. ცოდვიანობის შეგრძნება ძილიადაც არ ასვენებდა. ეს კარგად ჩანს მისი ნათიანგისადმი მიწერილ ბარათში, რომელშიც ჯოისი საკუთარ სიზმარს აღწერს და აანალიზებს. სპარსული პავლიონი ოთახებით მას რუსული ბალეტის ნახვის შემდეგ ესიზმრა. ვილაცას დანაშაული ჩაედინა. უცებ კარი გაიღო ყვავილების ბაღში გასასვლელად. თავდაც იმედოვნებდა, რომ გავიდოდა, მაგრამ ზღურბლს სისხლის წვეთი დაეცა. მსგავსი რამ მოხდა დანარჩენი ორი კარის გაღებისას. მოგვიანებით ჯოისმა ასე ახსნა ეს სიზმარი: „12 ოთახი ზოდიაქოს ნიშნებია (ოზირისის მისტიკის უმთავრესი ატრიბუტის); სამი კარი სამებას აღნიშნავს; კაცი, რომელმაც დანაშაული ჩაიდინა, რაღა თქმა უნდა, მე ვარ...“

სამების წინაშე ჩადენილი ცოდვები — აი, რა ანუხებდა ჯოისი, თუმცა ისინი სიკვდილის წინაც არ მოუწანიებია...





გიორგი ბალახაშვილი

ასეთ დროს თამბაქო უხდება საუბარს, აპრილის უბრალო და გრილი ნიავი, ჩვენ ვერ დავწვებით მასსას და ზაუბერს, სიკეთით, სიმორცხვით, სიჩუმით, სიავით, დაიცა, იქნება ერთხელაც განიხვნას სამოთხის კარიბჭე ღმერთთან ან უღმერთოდ... ჩავუსხდეთ მწუხრის პირს ყანებით საფიხვნოს, მთვარე კი ზეციდან მოჰგავდეს უწმერთულ, უწადრო დედაკაცს, წვრილშვილით დაღლილი, ნაოჭთა ხაზებით ყვითელს და გაცვეთილს გულის პირს ებნოს ლურჯთვალა ღილილო, მინასთან ყოველი კავშირი განწყვიტე, რომ გასცდე უთუოდ საზვერეს საზარებს, რომ იყო ღმერთივით მალა და ხმადაბლა... რომ ზეცის დუმილშიც ისმოდეს ზანზარი, რომ ნედლი სელებით მოვუსხდეთ ხმელ ტაბლას და მერე ფინჯანი ყავიდან დავიწყოთ სამყაროს შეცნობა, ღმერთიდან — ნოემდე... მე ჩემი სიზმრების პასეანსს გაგინყო, დადუმდი, მისმინე, უბრალოდ მომენდე!

მეხანა კვიციანი

რალაც საოცარი მონდომებით, მსურს, რომ გონებიდან ამოვშალო ხანა — ვენეციურ გონდოლების, მერე ღამეები — ნამრუშალი, როცა ბაგებზე მაკოცნინე, შენ რომ ჩაგაბარე სიმარტოვე, მახსოვს იუტა და ვისკონსინი, უფრო იარმორკა და მადათოვი, მახსოვს ნატეკილარ-ნააგავარ ხანა აცტეკთა და მეხიკოსი, რადგან მიწისაგან აღიგავა ფიქრი ტიციანის მიხაკებზე, მახსოვს ასურეთი, ფინიკია, იქით ვნებაა და ურარტუა, ჩემში ღვთაებრივი პანიკაა, ჩემში კლიოა და ერატოა, ჩემში უდროობის სამარეა, სიუბრალოეთა ეპატაჟი, აქ კი, მოსკოვი და სამარაა, შორს კი, საუკუნო ერმიტაჟი, ჩემში ერთი ხმალი აილეხა, მქვია ზეციური მეომარი, მე ვარ ბოგოტა და აირესი, მონტევიდეო და რიო მე ვარ, რალაც საოცარი მონდომებით, მსურს, რომ გონებიდან ამოვშალო ხანა — ვენეციურ გონდოლების, მერე ღამეები — ნამრუშალი.

ANGELO'S PORTRAIT

ვწევარ და რალაც უჩვეულოდ განარინდები, ვუყურებ ეკრანს — არც თუ მოკლეს. ტელევიზორი ცხოვრობს კორპუსში და სართულთა ლაბირინთები თავისში იტევს ქართველს, სომხებს და აისორებს. თითქმის ყოველდღე ვეგებები მუშა ან უქმე გამოღვიძებას — მეზობლების და რომ მიდიან დოინჯით, დინჯად, რომ იმოვონ მორიგი ლუკმა, ვხვდები, რომ ბინა უმცირესი ანდრომედაა, სადაც ხერხემლის უნებლიე, ტყუპისცალ ტკივილს, ნამდვილად ვიცი, შესაძლოა ერქვას დისკოზი... რომელსაც ფიქრის ხნულეზშივე სუსხივით ვტკვირავ და ვერ გაგიცვლით, ვერასძალით, ჭიქა ვისკიზე — მეზადურს, თუნდ რომ ამომივოს უბე ღლავებით, ვერც დიოგენეს, ჩემს კასრზეც რომ ურცხვად მიაფსას, უბრალოდ ვებრძვი ბურგუნდიულს ნაბელავეიდან, ბოთლი — უცილოდ მუშის არის, რადგან პლასტმასი — ვერ შეინახავს საჭირო დოზით ყველა თვისებას, ბევრჯერ მიწახავს, ღვინო მასში როგორ ობდება... მე კი ძილისგან გამოცლილი დილით ვივსები და სიზმრებიდან მომაქვს მხოლოდ წინათგონობები, რომ კარი მუდამ ღია მრჩება, სანოლ ოთახის — აქ დედაჩემი-შვიცარი არ ელის ხურდას... მუშის ციხეებს გადავტიხრავ, თევზის/თახევების წყალიც და მინაც — თანაბარი ძალით რომ ხურდეს... ახლა კი, ვწევარ — უჩვეულოდ განარინდები, ვუყურებ ეკრანს — არც კი მოკლეს. ტელევიზორი ცხოვრობს კორპუსში და სართულთა ლაბირინთები თავისში იტევს ქართველს, სომხებს და აისორებს.

პიუსა

ფიროსმანიდან რომ ჩაუხვევ, ქუჩაა ვინრო — კონსტიტუციის... ხშირად ვსვირნობ სალამოხანს: შვიდზე, რვისაკენ; მოკლედ რომ გითხრათ: ქაოსია, პროსტიტუცია, ზის, წვერ-ულვაშიც გაუყვითლდა ძია ისაკას, თუთუნის წევით. „ვონცეს, ახბერჯანი!“ — მომაძახებს ყველა ნახვაზე, მენადის ჯიხურს რომ ჩავუვლი მდორედ, განივად... ეზოდან მწარედ იყვება შავი ნაგაზი, დღეები მაინც მიდიან და ქარავანივით აწუხებთ რწევა. თავდახრით მიყვარს სიარული, ყრმობიდან დამყვა ეს უცნაური ახირება, როგორც იესოს... რადგან არსაით გამოჩნდება მოძმე ან დამყვა-ვებელი, ღმერთო, ერთად დავედგათ ჩემი პიუსა! უძილო პადრე მათამაშე ან კამელოტი...

სუსხიან ღამეთა ნუსხაა

სუსხიან ღამეთა ნუსხაა. დიდი, მორიგი და უსაშველო, სიზმრები წამნამებს უსხედან, თითქოს ოცნებაზე გავაშვილე. სიზმრები ოცნებას უხმობენ, რომელიც შენ უნდა გბადებდეს, როცა სხვას ვენახი უხმება, შენ მათრობ და როგორც ადესა, გვიან მეკიდები და ვიდრე, ძილამდე ამ სხეულს მივართვე, ღამეებს უფალთან ვავედრებ, მერე კი, როდესაც ინათებს, ვშორდები სიზმრის და ოცნების, ვნების და სიგიჟის სათავეს, სიზმრადვე დავტოვე ლოცვები, სიმშვიდე და სისადავე. გათავდა სუსხიან ღამეთა ეს ნუსხაც ჩვეული, მორიგი; გშორდები, გშორდები, რამეთუ, აპრილმა დღეები მორეკა, თბილი და ნოტიო, შარშანწინ როგორც მორეკა, ისეთი. მინდა, რომ ჰამაკეზე გადავწვე, ვიკითხო ლორკა და მივენდო, მისეულ სტრიქონებს, გრანადას, ხერესის სურნელით გაღემილს, მზე კი საღრუბლეთში გადადის, ვრჩები პოეზიის გარეშე, სიზმრები წამნამებს უსხედან, სიზმრები ოცნებას უხმობენ, გათეულ ღამეთა ნუსხიდან...

JANE SMITH

შენ ალბათ გინდა მიაშურო რომს ან ვატიკანს, გქონდეს მცირედი ფლირტის დოზა მეგონდოლესთან — ვენეციაში. გადადე გვერდზე ყველა სახის ნუმისმატიკა, არ გამიცვიდე, თავს მიხედე, მანდ ხომ ნესტია, ნესტოს წინაშე. შენ ალბათ გინდა გადაულო ფოტო რიკულებს, ფრთათეთრ თოლიებს, მეთევზეებს, ძვირფას სასტუმროს, თან გაქვს ЗЕНИТ-ი. მუნჯი ხიდები შენთვის სხვა წყლის რიტორიკაა ან უწყლოობა. მე ყელში მაქვს ალადასტური, შენ კი — აბზინდა. შენ ალბათ გინდა შეეკედლო ვინმე კონსიერჟს — გადალღილს ზეპირ მისალმებით თითო ტურისტის ან სულაც გიდის. თან, საკუთარი პასპორტი გაქვს, მე კი — დოსიე, რომელიც მონმობს, რომ პოეტი ფუტურისტია და ლექსებს ჰყიდის. შენ ალბათ გინდა მიაშურო რომს ან ვატიკანს...

ჟუჟუნა ნაკლებად იუმორისტული ლექსი

ჟუჟუნა წვიმა მოვიდა, მთელი პანამა დანამა, მზეზე გავფინე მოვი და შორტიკები და პანამა. ჟუჟუნა წვიმა წავიდა, გადაშრა მთელი პანამა, ვერ გაიხარა თავიდან საზამთრომან და ყანამან.

ჟუჟუნა წვიმა მოვიდა, ჟუჟუნა წვიმა წავიდა, ჟუჟუნა უცდის ომიდან წერილს, დეპეშას, კაპიტანს. ჟუჟუნა, წვიმა მოვიდა, პანამა გვალვას გადაარჩა, მაგრამ ვაი, რომ ომიდან არცერთის მოსვლა არა ჩანს.

მეუბნებიან

მეუბნებიან: გივარგი, ლექსები აღარ გივარგა, მე კი მათ რიდით ვპასუხობ: ეს ფაქტი თქვენ ნუ განუხებთ! მეუბნებიან: ფანტავო აზრებს და როგორც ფანტომი, დაძვრები მხოლოდ რითმში, სიტყვების გიყვარს თამაში. მეუბნებიან: მოძველდა კონვენცია და მოგვერდი, ასეთებს უნდა უკეთო, ყველა მომხდურს და უკეთურს. მეუბნებიან: გახუნდა სიტყვები, მე კი ახუნდი, წვერზე ვიკიდებ მათ აზრებს, რაც მათ უთუოდ აბრაზებს. მეუბნებიან: შეეშვი, არარა ყრია ლექსებში, მოგვერდი უნდა უკეთო ასეთ მომხდურს და უკეთურს! მეუბნებიან: გივარგი, ლექსები აღარ გივარგა, მე კი მათ რიდით ვპასუხობ: ეს ფაქტი თქვენ ნუ განუხებთ!

*** ხვალ რომ უჩემოდ გაიღვიძოს ჩემმა ქალაქმა, მერცხალთა გუნდმა უჩემოდ რომ შეკრას ირაო? გაგეცინება, იმას ვფიქრობ, ისე არა ვქნა, გადავირიო!

ხვალ რომ უჩემოდ ჩაიაროს ქურთმა მემანვნემ მთელი უბანი ურიკით და „მანწინს“ ძახილით... სადაც ჩემი ვთქვა, ერთ-ორ სიტყვას სხვასაც შევანევ, თუ გავახილავ თვალები — სავსე, სიცივით და სიცარიელით, სადაც ვერასდროს თავსდებიან ფილინი, მლიქვნელი და როგორც უნინ, უნესო და უსაქციელო, ველარ ვიქნები...

ხვალ რომ უჩემოდ ნაიკითხონ ჩემი ლექსები (მეც ხომ ამგვარად ვკითხულობდი პროსპერ მერიმეს), ისეც დღენაკლულს, ცივ თებერვალს დავესესხები, დღეს, რამდენიმეს. ხვალ რომ უჩემოდ გადავიდეს ჩემი ქრონიკა, მაშინ იხილეთ ცრემლნარევი ჩემი ხარხარი, ისლა დამრჩება, წავიდე და უხმოდ მოვიხიკო ბარგი-ბარხანა...

ხვალ რომ უჩემოდ გაიღვიძოს ჩემმა ქალაქმა?

*** დავსხდეთ და ფინჯანი ყავიდან დავიწყოთ სამყაროს შეცნობა, ღმერთიდან — ნოემდე... მე ჩემი სიზმრების პასეანსს გაგინყო, დადუმდი, მისმინე, უბრალოდ მომენდე.



კატო ჯავახიშვილი

ათი სახლის აქეთ

ბატკნებზეთ აისხამდა ხოლმე მინა ფიფქს და მინამ ქარი სახლისკენ ნააზრიალებდა აქა-იქ, თითო-ოროლად შემორჩენილ ნაყოფს, ჩამოჯდებოდა მოკაკეული ქალი შეშის ფერთან და შეაფიცებდა მოგონებების კარალიოკისუნინან ასხმას, შორს, ქალაქში, შვილიშვილებისთვის გასაგზავნს. ტკაცუნებდა შეშა და იბადებოდნენ ბავშვები გაღმა. ადრე დაიღამებდა დღეს, თითქოს ძაფის გორგალზე დაახვიო ცხოვრება, კოჭასავით შეგორდებოდა ლოგინის და სოფლის სივარდიელში, ლაჯებში შეუწყობდა გაფიჩხულ ფეხებს კაცს და ბუზისტოლაზეც აღარ ჩანდა სამყარო.

გამთენიას გამოდიოდა სახლიდან. ჩამორეკავდა სახურავიდან თოვლს და მხარზე გუგულიან საათს შეისვამდა. მთელი სოფლის ბაღების გასწვრივ დადგებოდა, თავზე უზარმაზარი ცილინდრით და შელახული პიჟამას შარვლით. ყვითელგულა კომშის მაგიერ თოვლი ცვიოდა. „გუ-გუ“ — იძახდა და მთელი დედამინის ჩიტები თოვლის კენკვას იწყებდნენ. იქნებ, გალღვესო ზამთარი, იქნებ, გაიხსნასო გზა.

ათი სახლის იქით ციციანათელასავით ბუუტავდა რაღაც. ათი სახლის იქით ქრაქის შუქზე ჩასძინებოდა მეზობელს. „რა შორიაო ათი სახლი, რა შორიაო ათი სახლის იქით ციციანათელა, რა შორიაო თოვლი“, — იტყოდა და გუგულიან საათს კენწერობის ნამცვრევს მოაცილებდა. მერე მოჩლარულ შარვალს წელის ზომაზე დაიყენებდა, ვაზნებს იქვე, გაუკვალავში დატოვებდა და ნაფეხურებს გაუყვებოდა.


ამდგარიყო ფეხებგაფიჩხული. ბოსელს მისდგომოდა და ნაკელი გოდრით გამოედგა. თუხთუხებდა შეშის ფერზე შინდისსუნინანი წყალი. მაგიდაზე გახამებული სუფრა და სამი თეფში იდო. ორი მათთვის და ერთიც მეზობლისთვის. წინა ღამით გამომცხვარი პური და ცოტა ნიგოზიც. „იქნებ, არ ეშოროსო ათი სახლი, იქნებ გამოყვესო ნაფეხურებს, იქნებ, არ დაიუბროსო გზა“, — მეზობელმა.

ათი წელი უბრად იდგნენ. მეზობლის ბიჭს, ათი წლის და ათი სახლის აქეთ, ძილი უძებნია შინდის ხის ძირში. ამათი გოგო ყოფილაო იქო, შინდს შტამდა და კურკას სიზმარს ესროდაო, — უთხრეს. ბუზისტოლად მოსჩანდაო სოფელიო. ძილი აღარ გახსენებიაო, — უთხრეს, — იმან ძალა იხმარაო. მაშინ ჯერ კიდევ სავსე ყოფილა ათი სახლიო, — ამბობენ. ჯერ კიდევ ეღვიძაო სოფელს. ბიჭი გაასახლესო და გოგო თავისით წავიდაო. ბიჭი სულ წავიდაო, გოგო ქალაქს გათხოვდა და აღარც ჩამოსულაო. ბიჭის დედა დარდს გადაყვა და ესენი კიდევ ათი წლით დაუბრდნენო. ძნელი დრო მოვიდა და სოფელი დაცარიელდაო, — ამბობენ, — მარტო ეს ორი სახლი დარჩაო, აქეთ და იქითო.

გათენებულზე გამოვიდა სახლიდან. სახურავიდან თოვლი არ ჩამოუფერთხავს, ისე გამოვიდა. გუგულიანი საათი მხარზე შეისვა და შინდის ხის ძირში დადგა. მატყლი ააფრიალა ქარმა და ათი წლის წინანდელ ნაფეხურებს გადაათოვა. ჩირის აცმა გავარდნოდა ხელიდან გაფიჩხულფეხებიანს. „რა ახლოაო ათი სახლი, რა ახლოაო ათი სახლის იქით ციციანათელა, რა ახლოაო თოვლი“, — ამბობდა.

ათი სახლის იქით მეზობელი ბუუტავდა. გუ-გუ! — დაიძახა. არ უპასუხეს. „სახლში მკვდარი ცოლი და წინადლით გამომცხვარი პური მაქვსო“, — დაიძახა. ჰო, კიდევ ცოტა კაკალიცო, გარჩეული. სამი თეფში დევს მაგიდაზე, ერთი ჩემი მკვდარი ცოლისთვის და ორიც ჩვენთვისო. კარალიოკის ჩირიცო. ზამთრის მარაგიც მაქვსო. უვაზნო თოფიცო. არაყიცო. ქალაქში შვილიშვილებიცო. „ნახე, მხარზე გუგულიც მყავსო“, — დაიძახა.

გუ-გუ! — დაიჭექა და გაიყურსა, ჩაჩუმდა ყველაფერი, თითქოს არც ყოფილაო სიცოცხლე, თითქოს ბუზისტოლაზე მოსჩანსო გზა, თითქოს ლოდინისააო ადამიანი, ერთი ციციანათელას ლოდინის და დუმისისო.



კოვბოსტო

მე დავიბადე ფერხორციანი კომბოსტოს შეყვითლებული ფურცლებიდან ძირგამომპალი სახლის ბნელ სარდაფში, სადაც ცხოვრობდნენ საჭურისი თეთრთავიანი სიმრგვალები. ცხვირის, პირის, სიტყვების და გულის გარეშე ერთ დიდ საერთო უმზეობას უმკლავდებოდნენ და ჰაერს მხოლოდ შაბათ-კვირას თუ იკარებდნენ, — ეს მაშინ, როცა უხუცესი სახლის პატრონის ფაშფაშა ქალი, ცარიელი მენჯის შიგთავსით ცხვირზე სათვალთ და სათვალის უკან ცხოვრებით, სასთუმალის სიჩუმეების და წლებს შორის ვარდნის გამყოფი იფხვიერებდა თავის შიმშილს და რიგრიგობით თეთრთავიანებს ქვაბებისკენ მიაქანებდა.

რა გულუბრყვილო იყო, ღმერთო, ეს დედაჩემი, დედა-კომბოსტო ფიქრობდა, რომ გულს რაც უფრო გვიან გახსნიდა, მით უფრო გვიან წავიდოდა ჩემი სხეული აუღელვებელ, მოთუხთუხე ცხელ სიჩუმეში, —



სულელი გოგო, დანაკარგებს იხანგრძლივებდა.

და სწორედ მაშინ, როცა უკვე ცოტა რჩებოდა დრო და მე ბრიყვმა დავიჯერე, რომ დაბადება გადაიდო ან არ შედგა და გადავურჩი მისი ფურცლების სიგლუვეში აღმოცენებას და დედაჩემი სხვა ქალებთან ერთად სულ მალე უბინო და ტანცარიელი გაუდგებოდა გზას, სადაც კაცი ჩალის ქუდით, ხელში კი დანით მოსავალს უკვე ასაღებად ეშურებოდა, — დედაჩემი გადაიხსნა და აშრიალდა.

ღილით კი მთელი ოჯახობა თხრიდა მინისპირს და თვალახვეულს ბნელ სარდაფში მიმაგორებდა.

მე კი ვინეკი გვერდებგამომპალ, გლუვ საბანში გადახვეული, ვიზრდებოდი, ვიბერებოდი.

ის კაცი კი, მამაჩემად წოდებული, ღილით უპოვარს გადაუგდეს. სადილად ალბათ არ ვარგოდა.

ფოთლებში იყო შრიალი, მაგრამ. ერთ დილითაც, ფაშფაშა ქალმა სარდაფიდან დიდი ლანგრით გამოგვიყვანა. თეთრთავიანი დედაჩემი და მეც, მის შიგნით.

შეშის ღუმელზე იდგა ქვაბი, რომელიც დულდა, მაგიდაზე — ქინძი, რეჰანი; ჩვენს მეზობლად მცხოვრები ხახვი, შავი უღვაშით; ნიორის კბილი, სუნელები, ტომატის დიდი, თუნუქის ქილა; რასაც ვხედავდი, რასაც ვგრძნობდი, რასაც ვყნოსავდი.

სულ მალე კი სურნელოვან, ცხელ სიბლანტეში, კანგაცლილი პომიდორების აურზაურში ვტივტივებდით ერთად, ორივე.


ქალი ურევდა დიდი ჩამჩით და წინსაფარი სხვადასხვაფრად ეწინკლებოდა.

მსხმოიარე ატმის ხესავით ყვაოდა შიგნით დედაჩემი. ქალის ცარიელი მენჯიდან იზრდებოდა შიმშილი. მატლებდახვეული ნაყოფივით ჭკნებოდა შიგნით დედაჩემი. ქალის დაღრეცილი სათვალისადაც იყურებოდა შიში.

დედაჩემი ფიქრობდა კაცზე, რომელიც კურდღლებმა შეჭამეს. მე — ხახვის უღვაშზე, რომელმაც გამაციანა.

ერთ კვირაში, ქალი დანვა და აღარ ადგა.

ის კაცი კი, ჩალის ქუდით და ხელში დანით, თეთრთავიანებს გადაუგდეს. სადილად ალბათ არ ვარგოდა.



მცნება

გამცნობ: მე შენ და კიდევ ათასს, ათათასს და ყველას, ვინც გგავს, ვამცნობ: ვინც შენ არ გგავს და უნდა გგავდეს, და თვალს მალავს, როცა მზევა, მათთვის: გუშინ იმ ქალმა შეიკერა ნაავდრალი ღრუბლისგან კაბა, და ვამცნე: რომ ღრუბლებს აღარ ვრეცხავ, მხოლოდ ვავლებ, მხოლოდ ვდუმვარ და დუმისს ძაფივით ვართავ.

გამცნობ, რომ უნდა დაიღალო სიფხიზლისგან და სიხარულსაც გაექცე. გამცნე, — რომ ერთხელ უნდა ამოივსო თვალები და საკუთარი ჩრდილიდან ადგე იქ, სადაც სრული სიჩუმეა, — იქ დამუნჯდე. სადაც ძილიც და ღვიძილიც ნაცნობ ჰორიზონტს ველარ სწვდება, ვერ ეწევი ქარის ზენარს, საშენო ადგილს.

სადმე თუ მაინც გადააწყდი, სადმე თუ მაინც შეამჩნიე ჩიტების ბუდე, მამცნე, რომ თბილა, რომ თივაა. რომ ლოგინი — სუფთაა და მძიმე, რომ ოთხად ისე მოვიკეცო, ხელისგულში ჩავტეო ტანი, და ვბედავ, ვიდრე ეს სიცივე გაცხადდება, ვიდრე ეს ცხოვრება თეთრ სიზმარში მძირავს, —

გამცნო, რომ მინა აღარ დარჩა, არცერთ ხეში და არცერთ გზაში. არცერთ სიყვარულს არ გაუცვდა, არ გაუცვდა არც სიკვდილს, და მე მაინც ვამცნობ, რომ ყანა უნდა იყოს ყამირი და სახლი კი სულ ნედლი ფიცრის და ტბასთან კაცი დადიოდეს და სციოდეს და გულში იგროვებდეს ნაცარს.

გითხრა, რომ ვერსად შეგიყვარე, რადგან ვერსად დავსახლდი და ძილში. ჭერი გამეპარა ოთახიდან, რომელშიც მთელი წელი განუწყვეტლივ თოვდა. დაგთმე, და ისე უხერხულად და ისე მოზომილად გიკეშავ მანძილს, თითქოს გაჩერებულ საათებში შემოპარულ შეხვედრებს ვართობ.

ვითმენ, რომ თოვლი აღარ მოდის, და თეთრი აღარ ვხდები, და მაინც ვითმენ იმას, რომ უკვე დავლაქავდი, და ნურბელებს გადაღლილ მუხლებში ვმალავ, იმას, რომ წყალზე მივდიოდი, ცეცხლი შემომხვდა და სქელ კედლებს მიტოვბს, იმას, რომ ცეცხლი შემომხვდა და წყალი ვერ დავაშრე, იმას, რომ მალე, —

გამცნობ, მე შენ და კიდევ ათასს, ათათასს და ყველას, ვინც გგავს, ვამცნობ: რომ ყველა მლაშე მდინარე და ყველა შესართავი დაშრება ერთხელ, მერე გაიხსნება ყველა კარი და ფანჯარა და შენს ტანს — დამბალს — ყანის განაპირად დაუყრია შესეულ გულთეთრა მერცხლებს.



„დიდად არ მინტერესებს,
თუ რა არის ცხოვრება,
უბრალოდ, მინდა გავიგო,
როგორ ვიცხოვრო“.
ერნესტ ჰემინგუეი

როდესაც სოხუმის აეროპორტს მივუახლოვდი, დავინახე, რომ იქაურობა ხალხით იყო სავსე. წინა დღით გაგრა დაცვა და მშობლები ცდილობდნენ, ბავშვები სასწრაფოდ გაეყვანათ უსაფრთხო ადგილას. ერთადერთი თვითმფრინავის დაბალტრაბთან მდგარმა ჩაძინებულმა ჯარისკაცებმა ჰაერში იზოლაციამემოხვეული ავტომობილები აღმოაჩინეს და გაბმულად ისროლეს. ხალხი დაფრთხა. აქეთ-იქით მიანყდა. თვითმფრინავს მოშორდნენ. ზოგი მინაზე დაწვა. ბავშვები ატირდნენ. ჯარისკაცები ყველანაირად ცდილობდნენ, როგორმე წესრიგი დაეცვათ და ჭყლეტისა და ალიაქოთის გარეშე გაეტარებინათ მხოლოდ მცირეწლოვანი ბავშვები და მათი დედები. დანარჩენებს თვითმფრინავში არ უშვებდნენ. ისინი არც ცდილობდნენ სხვისი ადგილების დასაკუთრებას, უბრალოდ, უზარმაზარი წინააღმდეგობების ფასად, ოჯახები გადასარჩენად მიეყვანათ და ახლა თითქოს რაღაც უხილავი ჯვების მიღმა მორჩილად იდგნენ. აქ მათი მისია მთავრდებოდა, აქამდე ყველაფერი გააკეთეს და შესაძლებელია უკანასკნელად უყურებდნენ თვითმფრინავის ტრაპთან არეულ რიგში ჩამდგარ შვილებსა თუ შეილიმწიფებს. მხოლოდ ერთი ციციქნა იმედი რჩებოდათ, რომელიც თხილის ნაჭუჭშიც დაეტეოდა.

როდესაც თვითმფრინავის სამგზავრო ადგილები მთლიანად შეივსო, ქალებმა კალთაში სხვისი შვილებიც ჩაისვეს და კიდევ რამდენიმე ადგილი გაათავისუფლეს, მაგრამ ეს საკმარისი არ აღმოჩნდა — მგზავრების რაოდენობა გაცილებით მეტი იყო. შემდეგ ერთმანეთი შეავიწროვეს და ცენტრალური დერეფანი დაიკავეს, მაგრამ მდგომარეობას ვერც ამან უშველა. ხალხი ახლა თვითმფრინავთან მიდგმულ ტრაპზე იდგა, თითქოს, გადაჭედული ტროლეიბუსის მსგავსად, კბეზე ჩამოკიდებულს შეეძლოთ ემგზავრათ. თვითმფრინავი უფრო მოზრდილი რომ ყოფილიყო, ან ყოველდღე ეფრინა, ალბათ, ასეთი სასონარკეთა არ იქნებოდა, მაგრამ ეს მოსაზრებები, მგონი, „იაკ-40“ გახლდათ, რომელიც იმ დროს უკვე სამ-ოთხ დღეში, ან შესაძლებელია, კიდევ უფრო იშვიათად დაფრინავდა. მაშინ ვილაცხმე ნამოიძახა: ქალებიც ჩამოვიდნენ და მხოლოდ ბავშვები დავტოვოთ. წარმოიდგინეთ პატარა ბავშვების მდგომარეობა, როდესაც დედამინაზე ყველაზე ძვირფასი არსება — დედა — იძულებულია, გამოემშვიდობოს და საკუთარი თავის ანაბარა დატოვოს სრულიად უცნობ და მტრულ გარემოში. განშორებისა და გამომშვიდობების სცენა იმდენად დრამატული იყო, რომ მისი აღწერა მიჭირს. ქალები მოთქვამდნენ. ბავშვები ტიროდნენ. დედებს პანია ხელებს არ უშვებდნენ. გულზე ეკვროდნენ. ბოლოს, როგორც იქნა, ბავშვებით დატვირთული თვითმფრინავი ასაფრენი ბილიკზე გავიდა, გაქანდა და ჰაერში მძიმედ აითრია წელი, ჯერ არაბუნებრივად გადაიხარა წარჯვენივ, შემდეგ — მარცხნივ. ქალები აკვილდნენ. მინაზე დარჩენილებს გვეგონა, რომ ჩამოვარდებოდა, მაგრამ ბოლოს, თითქოს უკანასკნელი ძალა მოიკრიბაო, ნელ-ნელა გასწორდა და ტაბატი გადაუარა ხეების კენწეროებს. უფროსები არ დაშლილან. კიდევ დიდხანს იდგნენ და სადღაც, სივრცეში განწირული ადამიანის დაკარგული მზერით, მისწერებოდნენ იმ მიმართულებას, საითაც მათი შვილები გაუჩინარდნენ.

ეს საშინელი განშორების სცენა თითქოს მიმავინყდა, მაგრამ მთელი თავისი სიმძაფრით დამიბრუნდა, როდესაც ირაკლი კაკაბაძის მოთხრობა: „გამოსვლის წიგნი“ წავიკითხე. ეს გახლავთ ავტობიოგრაფიული ამბავი ერთ პატარა ბიჭზე, რომელიც აფხაზეთის იმ პატარა სოფელში ცხოვრობს, დღე-დღეზე მტერმა რომ უნდა დაიკავოს. მის გაუბედურებულ მეზობლებზე, ბებია-ბაბუაზე, რომლებიც შვილიშვილის გადასარჩენად იბრძვიან, და იმ ფსიქოლოგიურ განწყობაზე, რომელიც მხოლოდ ასეთი უიშვიათესი გარემოებების დროს იქმნება.

ეს მოთხრობა ერთ-ერთი უჩვეულოა მათ შორის, რომელიც ოდესმე წამიკითხავს, და მიმაჩნია, რომ ჩვენს წინაშეა მწერალი, რომელსაც ქართულ ლიტერატურაში განსაკუთრებული ხედავ შემოაქვს. გამორჩეული ხასიათებითა და ვრცელი, დრამატული ისტორიით დახატულ ათეულობით პერსონაჟს საკუთარი სახელები არ გააჩნიათ და ეს მკითხველს (გამოგიტყდებით, მკვლევარსაც, რადგანაც მთელი წერილის მანძილზე იძულებული ვარ, მისათითებლად ნაცვალსახელები გამოვიყენო) განსაკუთრებულ მდგომარეობაში აყენებს. ამგვარი ეფექტი მწერალი ააქტიურებს მკითხველს უნარს, არამხოლოდ მძაფრად აღიქვას ლიტერატურული ნაწარმოები, არამედ, აიძულებს მას, რომ უშუალო

გიორგი კაკაბაძე ნურაფერს ელი, უბრალოდ იმოქმედა!

მონანილეობა მიიღოს მხატვრული კომუნიკაციის პროცესში; ხოლო თავად მოთხრობა ისტორიის სინთეზის ინსტრუმენტადაა გადაქცეული, რომელიც მომავალ თაობებს წინაპრების შეტყობინებას გადასცემს. ერთ-ერთი ყველაზე საინტერესო საკითხია, თუ სად გადის მოთხრობაში სავარაუდო ისტორიულ სიზუსტესა და ესთეტიკურ აღქმას შორის?!

ირაკლი კაკაბაძემ თავისი შინაგანი ხმა მოთხრობად გადააქცია, ხოლო მისი პატარა გმირი მთელი თაობის ფსიქოლოგიურ პორტრეტად. მასში დიდი ემოციური სითბოთია მოყოლილი დაუსჯელი ძალადობის, მოზღვავებული ბოროტებისა და დამორჩილებელი განწირულობის ატმოსფერო — ტრაგიკული სიფხიზლე დიადი განსაცდელის მოლოდინში, ზოგადად, ადამიანის ბრძოლა გარემოებებთან, საკუთარ თავთან და გარემოცვასთან. ავტორი არ შემოიფარგლება მხოლოდ საშინელი ყოფის, მორალური საფუძვლების დეგრადაციისა და ძალადობის სცენების აღწერით. მოთხრობა გაცილებით უფრო ვრცელ პრობლემებს მოიცავს. მასში დახატულია არა მხოლოდ ფიზიკური, არამედ სულიერი განადგურების პირას მისული სამყარო და პერსონაჟები, რომლებმაც დანამდვილებით არც კი იციან, რა უფრო სწრაფად დადგება — ხვალისდელი დღე თუ მარადიული ცხოვრება.

არაჩვეულებრივად შერჩეული „შინაგანი მოლოდინის“ ფორმა საავტორო თხრობას ანაცვლებს და გმირის გაძლიერებული აღქმის უშუალო გზამკვლევი ხდება შეგრძნებებისა და განცდების სამყაროში. ყველაფერი აუჩქარებლად მოყოლილი, მაგრამ ზუსტად იმ მოზომილი ფრაზებით, რომლებიც აუცილებელი და სრულყოფილი საკმარისია მომავალი დრამის განსაცდელად და მთლიანი სურათის აღსაქმელად. მოთხრობელი გვიჩვენებს, თუ რამხელა მხატვრულ სიძალეს შეიძლება, მიაღწიოს მხოლოდ დეტალების უშეცდომო განლაგებით. ნაწარმოებში ამის დახმარებითაა შენარჩუნებული მინიმალიზმი, და შეკუმშულობა. ამკედროულად, ავტორი რაღაცის მნიშვნელობას სწორედ მისი გამოტოვებით აღწევს და გვაგრძობინებს, რომ მონაცხის ქსოვილში დამალული აზრია.


გარდაუვალი განსაცდელის წინაშე პირისპირ დარჩენილი ადამიანი და მისი პრობლემების უნივერსალურობა — ეს სწორედ ის კამერტონია, რომლის ხმაზეც მთელი მოთხრობა აწყობილი.

როგორი განცდაა, როდესაც შენმა სამშობლომ, რომლის სიყვარულისადმი მიძღვნილი პათეტური ლექსებითაც სკოლებში გზრდიდნენ, მთვრალი გენერალივით ზურგი გაქცია? სამყარო, რომელშიც ყველა პოლიტიკური დანაპირები გაცვეთილი ოინია? სივრცე, რომელშიც დარღვეულია წონასწორობა, გამქრალია წესრიგი, ზნეობა, იმედი და რწმენა?! სადაც სამართლიანობის ძიება არასწორია, რადგან რაც ამ კონკრეტულ დროსა და ადგილას ხდება — შენი რეალობაა, ხოლო ის, რასაც ფიქრობდი, რომ უნდა მომხდარიყო — შენივე ილუზია. ასეთ დროს სამყაროს მიმართ კი არ უნდა გვექონდეს იმედგაცრუება, არამედ საკუთარი ფასეუ-

ლობების მიმართ. კატასტროფას ჩვენი ფასეულობების სისტემა განიცდის და არა — სამყარო.

ავტორი გვიხატავს სურათს, თუ როგორი საშინელებაა, დარჩე ადამიანად იმ სამყაროში, რომელშიც ადამიანები აღარ არსებობენ, ან ადამიანობაზე უარს ამბობენ. სადაც ლაღატობენ, ძალადობენ, ძარცვავენ, ხოცავენ, ადამიანის მოჭრილი თავებით ფეხბურთს თამაშობენ. სამყარო, სადაც იცვლება ღირებულებები, იმსხვერვა ყველა ილუზია და რთული ხდება პიროვნების საქციელის ნამდვილი მოტივების გამოცნობა. სადაც ყველაზე სერიოზული გამოცდა ადამიანის რელიგიურ გრძნობებს ელოდება, რადგანაც ხედები, რომ მდოგვის მარცვლისოდენა

ირაკლი კაკაბაძე გამოსვლის წიგნი



რწმენასაც აღარ შეუძლია სასწაულის მოხდენა. სამყარო, სადაც გამეფებულია უნდობლობა და დამდგარია ნიჰილიზმის ეპოქა, იმიტომ, რომ განათლებამ ვერ უზრუნველყო მშვიდობა, ხოლო სულიერებამ ვერაფერი გადაარჩინა. უმაღლესი ფასეულობები შესაძლებელია, ისევე დიხსოვონ, როგორც თავად ადამიანები, რადგანაც ექსტრემალურ სიტუაციაში ადამიანი სრულიად ახალ, აქამდე უცნობ და ზოგჯერ ძალიან სასტიკ ბუნებას ავლენს. მართალია, ეს ყველაფერი ისტორიისთვის მხოლოდ ეპიზოდია, რომელიც არა გლობალურად, არამედ ერთ პატარა, მიყრუებულ სოფელში ხდება, მაგრამ განა ამის გამო ვინმე შვებას გრძნობს? ეს ხომ იმ კონკრეტულ დროსა და სივრცეში მოყოლილი ადამიანების პირადი ჯოჯოხეთია, მათი პერსონალური აპოკალიფსი?!

ირაკლი კაკაბაძე თავის მოთხრობაში ძალიან რთულ ფილოსოფიურ შეკითხვებს სვამს: როგორ უნდა მოიქცეს ადამიანი, რომელიც სამყაროს გულგრილობას ეჯახება? როცა სიძარბოს ძიება უშედეგოა, ხოლო დაღუპვა — გარდაუვალი?

ასეთ შეკითხვებს ლიტერატურა სხვადასხვა დროს განსხვავებულ პასუხებს სცემდა. ერთ-ერთი გახლავთ გმირის დაღუპვა, რადგანაც, ზოგიერთი ავტორის აზრით, ცხოვრება მშვენიერი რომ იყოს, იგი ტრაგიკულად უნდა დასრულდეს. სხვები — გაჭირვებისა და დამცირების მოთ-

მენისკენ (ანუ ბედისწერასთან შერიგებისკენ) მოუწოდებდნენ. და არსებობს კიდევ ერთი გამოსავალი, კლასიკური „Deus ex machina“, როდესაც სიტუაცია თითქოს თავისით, ჯადოსნურად იცვლება, ან გმირებს რაღაც მოულოდნელი ძალა გადაარჩენს.

მაგრამ ირაკლი კაკაბაძე არც ერთ მოდელს არ იყენებს. საინტერესოა, რა ამოძრავებთ მის პერსონაჟებს ასეთ სიტუაციაში? რა აზრი აქვს წინააღმდეგობის განცდას? რატომ ცდილობენ გარდაცვლილების დამარხვას, სხვების დახმარებასა და ბავშვის გადარჩენას?

ადამიანები ჩვენს თვალწინაა იხოცებიან და გვტოვებენ. ოდესმე ამ ხვედრს ჩვენც გავიზიარებთ და ეს შესანიშნავად ვიცით, მაგრამ, მიუხედავად ამისა, მაინც ხომ ვახერხებთ საკუთარ თავში იმ სიმტკიცის პოვნას, რომელიც სიცოცხლის გაგრძელებაში გვეხმარება? მუდმივად შიშში ცხოვრება, გაჭირვების, დამცირებისა და შეურაცხყოფის ატანა მხოლოდ გახანგრძლივებული თვითმკვლელობაა და სუსტი ადამიანის ფილოსოფია გახლავთ. გმირი არაა ის, ვინც მუდმივად ითმენს, იტანს და განსაცდელს ზურგს აქცევს, არამედ ის, ვინც შექმნილ სიტუაციას აფასებს და მას მთელი ძალით ეწინააღმდეგება. უთანასწორო ბრძოლის გაგრძელება გარდაუვალ ბედისწერასთან დაპირისპირებას, დაუმორჩილებლობას, მისი უხილავი ბოროტებისგან გათავისუფლებასა და საკუთარი ღირსების დაბრუნებას ნიშნავს. ირაკლი კაკაბაძისთვის ადამიანის დიდება დაცემის დროს მუდმივად დიდ გამოხატულებაა და ამიტომაც ავტორი გაფაცვიცებით დაეძებს პიროვნების ამ ამოუწერავ რესურსებს თავის პერსონაჟებში. მთავარია, რომ ადამიანმა ნებისმიერ შემთხვევაში შეინარჩუნოს ადამიანური ღირსებები. გამოსავალი, რომელსაც ის გვთავაზობს, ძალიან მოკლედ ასე შეგვიძლია ჩამოვყალიბოთ: თუკი უშიშროდ იჩაგრები, რაიმე ვანუხებს და უკმაყოფილო ხარ, ნურაფერს ელი და ნურაფერს ითხოვ. ადექი და იმოქმედე! რატომ?

თუნდაც იმიტომ, რომ მომავალში ამის შესახებ მოყვე.

ეს წიგნი რეალურ მასალას ეყრდნობა და ცხოვრებისეულ სიძარბოს გვასწავლის, ცხოვრება კი ძალიან მკაცრად სჯის უვიცებსა და გულუბრყვილობებს, და სანამ ისეთ ტექსტს არ წაიკითხავ, რომელიც შეგაძრწუნებს — ქვეყანაში არაფერი შეიცვლება.

მე მაინტერესებს მწერალი, რომელიც იდეის მასწავლებელია, ხოლო მკითხველი — მისი ერთგული მოწაფე. ირაკლი კაკაბაძე მხოლოდ ომის საშინელებებს არ აღწერს, იგი მისი თვითმხილველია, სამუდამოდ ომით დაღდასმული თაობის წარმომადგენელი და ამიტომაც, რომ ომგამოვილი მწერალი გაცილებით უფრო მკაცრი დამრიგებლები არიან.

რა მოხდება, ეს მოთხრობა სკოლებში რომ ვასწავლოთ? არა ოდესმე, არამედ დღესვე. რადგან სანამ მტერთან თანამშრომლობით სარგებელს ვნახავთ, სანამ სამშობლოს სიყვარული მხოლოდ სასროგრამო გრძნობა იქნება, ხოლო ეკლესია — იდეოლოგიური ფასეულობების პროპაგანდისტი, მანამდე დავრჩებით დამსხვრეული ილუზიების წინაშე განწირული ადამიანების დაცარიელებული და დაკარგული მზერით.





წინა სამხარაძე

გადაჭრილი ხე

გადაჭრილ ხეზე ვინც მჯდარა, იცის, რომ არაფერი არ გვარდება ერთხელ გადაჭრით, მანამდე თუნდაც გაზომო ასჯერ. ღამით ყველაფერს ორმაგად ამჩნევ, სხვენში მორბენალ ვირთხების ტანგოს, ნვეთების კაკუნს ფანჯრის მინაზე, და მთავარია, არავინ გნახოს, ჩაცმული როგორ ნევხარ დივანთან. იესოს ლოცვებს ფსკენილის ნაცვლად მარგალიტის მძივზე ითვლი და რა საჭიროა ვედარ ხედები ამდენი გარჯა. აქ არ დადიან მატარებლები, რელსებზე ძაღლებს სძინავთ. ყინვაში უნდა ინატრო, რომ დაგიფაროს ყინვამ. ერთხელ გადაჭრილ ხიდან მიათრევს ასჯერ გაზომილ ბუდეს ფრინველი და თითქოს სჯერა, რომ მიატანს გაზაფხულამდე. სამყარო მინდა გაუზომავ-უკაცრიელი, საკუთარ ლოკვამ ტკივილები რომ დამიამოს. ხის თეთრ რაფაზე შემომიწყო კვერცხები ჩიტმა, და სანამ ჩაი ორთქლად იქცა დამდნარ ქურაზე, მეზობლის ბავშვის ტირის თოფის უმიზნო რისხვამ შემოანირა დედა ჩიტი დამპალ ლულას და ჩემი ცხოვრებაც თვალს ზუსტად ისე ლულავდა, ჩემი ცხოვრება ზამთრის ერთი დიდი სიმკაცრე, ჩემი ცხოვრება ჩემ წინ ინვა და მე ვინვოდი მის წინამე.

შველა

ყველას უნდა შეველა: მატარებლის მძღოლს, იმ შავი ძაღლის პატრონს და ხესთან რომ შარდავს, იმ კაცსაც... ჩემს სხვენში ბინა ვირთხამ დაიდო ისევ, და შეველა უნდა იმასაც. მე დღეს ჩიტები არ დავაპურე, ქარია-მეთქი. ქარია-მეთქი, გესმით? და მერე მე რომ შეველა დამჭირდა, და მერე მე რომ მოვლა დამჭირდა მე გაუუკეთე ჩემს სხეულს ნემსი. შეველა ყველას უნდა. ისევ განვიმდა. არნივებს მიაქვთ თავისი წილი ლეში სხვენიდან. მე მკვდარ ჩიტებზე პურის მარცვლებს ვანყო და მტრედებს ვეპატიუები მათ სანაცვლოდ, იქნებ დავმშვიდდე. შეველა ყველას უნდა, იმ ქერა ქალსაც აფთიაქის გრძელი რიგიდან, შაქარდაცემულს რომ დამიდგა წინ და უსიტყვოდ, უსიტყვოდ მომკლა, იმ შავ მამაკაცს, გზაჯვარედინზე უნაგირიდან დედის გინებით რომ წავიდა, ყველას გზის მოჭრით. მეც მინდა შეველა, მაგრამ არა, მჭირდება უფრო. იმ ავტორების ვერ გავიგე, მატარებლებს რომ უგდებენ ქალებს, როცა ჩემ სხეულს ყოველ ღამე რელსებზე ვუნყო იმ იმედით, რომ ვინმე მნახავს სიკვდილზე ადრე.

ხვალ ჩემს ფანჯრებთან აღარ მოვლენ ალბათ ჩიტები, და მზად ვარ, ღმერთო, მოვისმინო ეგ აღსარება.

აალეა

ახლა ძლიერ მინდა აალეა, ანდა გაქვავება ყინულივით, მგელიც ვიყავი და სახარებაც, ავი ეშმაკიც და ქერუბიმიც. რადგან თვეც მე მერგო ნაკიანი, ცივი, ნაზამთრალი, უალერსო, ასე ვერ დაგვტოვებს ნაკლიანებს, სუნთქვა სიკვდილზეა უარესი. ასე ვერ დაგვტოვებს უიმედოდ, ასე ვერ დაგვტოვებს უსახლკაროდ, ასე ვერ დაგვტოვებთ ცას და მიწას, ღმერთიც აღარ დარჩა მოსაკლავი. ღმერთიც აღარ დარჩა საიმედო, მხეტანდნენ მიგდებული მომთაბარე ნუხელ სიკვდილისთვის გავიმეტე... ზოგჯერ გზა არ არის აღმართები, ზოგჯერ სახლი ჰქვია ნასახლარებს, და მე ცხოვრებასთან დამარცხებით სულ სხვა ცხოვრებასაც დავამთავრებ. ღმერთიც კაცია და უიმედო, მხოლოდ ჩვენ გვერჩიან ნაკლიანებს, ახლა ისე ძლიერ დავილაღე — ყელში ამოსული სახარებით სულ სხვა ცხოვრებასაც დავამთავრებ, სულ სხვა ცხოვრებასაც დავამთავრებ სულ სხვა ცხოვრებასაც დავამთავრებ...

ლირიკა

ვხედავ როგორ უფლი ლერწამს, ლენავს ქარი როცა ტოტებს, მუხის ცრემლების კი მე მწამს, ყველა რომ მიდის და ტოვებს, წვიმა შეეხიზნა მთა-ბარს, მინა ტკივილისგან ფეთქავს, ფიქრი მე არ ვიცი სხვათა, ახლა მთავარია მე მწამს! ახლა მთავარია, მეცვას მარტი დედასავით მყუდრო, მერე მე ვიქნები მესა, შენ კი ათეისტი მგზავრი — ხარბად შემოაღებ კარებს ხელში თამბაქო და ჩილით. ისევ შეიბრალებ ლერწამს, ფიჭვის სურნელია გარეთ, ახლა რაც არ უნდა მეცვას, მთელი სხეულით რომ მწამდეს (მუხის ცრემლიანი ურდო), აღარც შენ იქნები მგზავრი, აღარც მე ვიქნები მყუდრო.

*** შენ თუ გინახავს, როგორ გლოვობს ნასეტყვარს გლეხი, როგორ ელიან სამძიმარზე მკვდრები მნახველებს, შეგეზიზღება ყველა კანონი და ყველა წესი, ის შენი თავიც, კუთხეში რომ ცრემლებს ახველებს.

როგორ უცდიან მებადურებს მხდალი თევზები,

როგორ გაისმის ნაბორტალ ბავშვთა არია, მე ვადასტურებ ათ მცნებაზე მეტჯერ შეცდენით, რომ ჩემი ყველა აღსარება შემზარავია.

შენ არ გინახავს გაქცეული შენიდან ღმერთი, ვით დაგლეჯილი კლავიები სხვენში როიალს, მაშასადამე, ცხოვრებაში იმდენჯერ შეცდი, რომ ვაშლის გარდა ყველა ხილი ცუდი გგონია.

ხო, მე მინახავს როგორ გლოვობს ნასეტყვარს გლეხი, როგორ ელიან სამძიმარზე მკვდრები მნახველებს, ასე შემზიზღდა კანონი და სულ ყველა წესი, ის ჩემი თავიც, კუთხეში რომ ცრემლებს ახველებს.

ყველა გადანერილ პირჯვარს გეფიცები

ყველა გადანერილ პირჯვარს გეფიცები, ჩემი ღმერთის ხორცი პურის მარცვლებშია — ახლა ფანჯრის წინ რომ ღრღინან მოშიები. ჩემი ღმერთის სისხლი — ყანწის სასმისივით — უბნის ლოთებს ადევნო ტუჩთან მოშიებით. ხოლო სახარების მე ვარ განმარტება — ყველა მოუნათლავ ბავშვად შევიცანი, მიუტევები ხარ ფუჭი აღსარებით, რადგან ყველა ცოდვა ჩემი შენიც არი. ყველა გადანერილ პირჯვარს გეფიცები, ახლა ჩემი წყალი შარის მეძავივით ნამად ფოთლებზეა, მზეებს ეფიცება, ახლა ჩემი ხორცი — ცხენის უნაგირი — მინებს შემოივლის როგორც ბედისწერა. რადგან ჩემი ძვლები შენი ჭიშკარია, ყველა ჩემი სუნთქვა შენში შევიკარი, უპატიები ხარ, რადგან დამიჯერე, რადგან ყველა ცოდვა ჩემი შენიც არი.

ყველა გადანერილ პირჯვარს გეფიცები, ჩემი ღმერთის ხორცი პურის მარცვლებშია — ახლა ფანჯრის წინ რომ ღრღინან მოშიები...

შავი ნარტილია

ერთ დილას, მეზობლის მამალი რომ ყიოდა და ტელევიზორის დაპატარავებული ეკრანი მიყურებდა, გადავიწერე პირჯვარი არც ისე სწორად და მივხვდი, რომ ღმერთი ჩემი ანთებული სათლით არ თბება, ღმერთი ჩემი შენირული ოცი თეთრით არ იმოსება და არ პურდება. ამიტომ გადავწყვიტე, ის მენახა და საჩუქრად ჩემი მწვეელი კაცის თითებივით ყვითელი ბავშვობა წამელო. არ შემდგარ პაემანთან ხეები დაელმდნენ სულ სხვა გრძნობაა, ღმერთი რომ არ მოდის (ისიც კაცია და უიმედო...). იმ საღამოს მეზობელ ალკოჰოლიკს ოთხი ლარი ვაჩუქე (ღმერთი თუ არსებობს, მასთან აუცილებლად მივა), შეუძლებელია ხალხისთვის „ლოთ მახოს“ ჩემთვის კი მახო ძიას თავი აარიდო, თუ ხეებივით არ დაელმდი უღმერთობაზე, ღმერთები კი არ ელმდებიან. იმ ღამეს არ მეძინა. საკუთარმა ბავშვობამ ურწმუნო ხელებით დამახრჩო. იმ ღამეს მახო გარდაიცვალა, როცა პატარა და ასოციალური ვიყავი, მახო ერთადერთი იყო, ვისთანაც ვსაუბრობდი, ის პირველი იყო, ვინც მითხრა, რომ ბუს თავი 360 გრადუსით ბრუნავს. როცა ეზოს კარს უკან ვტიროდი, მახომ ნაყინი მიყიდა და მითხრა, რომ ბავშვები სულელები არიან და მათ არ უნდა მოვუსმინო. იმ დღისით გულზე ხელები დავინყე, ჭერზე გაჩენილ შავ ლაქას დავაკვირდი (სადაც თავისუფლად დაეტეოდა ღმერთი, იუდა და ეშმაკი ერთად). იმ დღეს საკუთარმა ბოტიკინისფერმა ბავშვობამ გამომიტრია. მე მაფიქრებდა მახოს თავთან ნახევრად სავსე „ვინსთონის“ კოლოფი, რომელიც ჩემი ორი რკინის ორლარიანით იყიდა, მასთან არ მისული ღმერთზე მეტად — მასთან არ მისული ხალხი მადარდებდა. ჩვენ შავი ნერტილები ვართ და ბუს თავი 360 გრადუსით ბრუნავს.



თუ რიშიში შეუძლია ქართველს ეგ-ზისტენციურ ძრწოლა-წნეხს გაუძლოს, სასო არ წარიკვეთოს (სასწარმკვეთი კი ირგვლივ ბევრი რამაა — გლობალური-ცა და ლოკალურიც), მსოფლიო პროცესების პერიფერიაზე როდი, მის გულის-გულში იგრძნოს თავი, ეს ქართულ პოლიფონიასა და „როკვით განფენილ ქართულ გენიასთან“ (გრიგოლ რობაქიძე) ერთად, უპირველესად, ქართულ მხატვრულ სიტყვაზე იტყვის — ერის სულიერების, მისი იდენტობის უპირველეს ნიშანზე, დახვეწილზე, ზნეობრივზე, კულტურულზე, ინტელექტუალურზე, საუკუნეთა (თუ ათასწლეულთა არა) მანძილებსა და ბურუსს გამოღწეულზე; გურამ ასათიანის მოხდენილი განსაზღვრებით — საღვთოს საერო ტრანსკრიფციაზე.

ქართველი მკითხველი დასაბამიდანვე განებივრებული უმადლესი სინჯის მხატვრული ტექსტებით — ლიტერატურის ჩვენამდე მოღწეული პირველივე ძეგლით დაწყებული, ვიდრე მწერლობის საუკეთესო თანამედროვე ნიმუშებამდე — ეს 2018 წლის 23 ოქტომბერს იტყვა ზაალ სა-

ადგილას გამართულ ზაალის საღამოს, რომელსაც თვითონვე უძღვებოდა, ოღონდ ლაპარაკობდა არა საკუთარ თავზე, არამედ — ლიტერატურულ პროცესებზე. ძლივს მოვიპოვეთ უფლება, რომ მასზეც გვეთქვა რამე. ზაალი საუკეთესო მთხრობელია, მაგრამ დღეს გადავწყვიტეთ, თვითონ რამდენიმე მინიატურის ნაკითხვით შემოიფარგლოს, მასზე კი პროფესიონალმა კრიტიკოსებმა ისაუბრონ.

როცა დაარსდა ალექსანდრე ორბელიანის საზოგადოება და ლიტერატურული საღამოების გამართვა დაიწყო თბილისში, პირველი იყო კოტე ჯანდიერისა — 1995 წლის 10 ოქტომბერს, და მეორე — შეხვედრა ზაალ სამადაშვილთან — 24 ოქტომბერს. დღეს 23 ოქტომბერია და ამდენი წლის შემდეგ კვლავ გვინევს მწერალთან შეხვედრა. ამ ხნის მანძილზე ალექსანდრე ორბელიანის საზოგადოებასაც მრავალი რამ გადახდა თავს — სასიხარულოც და დრამატულიც — და ზაალსაც. რაც ქვეყანაში მოხდა, ყველაფერი აისახა მის თავზე. ასე რომ, ამ მძაფრი, მღელვარე მოვლენების შუაგულში ტრიალებდა და ტრიალებს.

ინტეგრირებული ძვირფასი (ხან მინიატურის, ხან ნოველის, ხან ესკიზის, ხან მოთხრობის, ხან მაქსიმალ საფანელში გამოხვეული), სამუდამოდ რჩება გულსა და გონებაში მკითხველისა, რომელიც, ამ ნატიფი ნახევარტონებით, პასტელური მონასმებით ინსპირირებული, თვითონვე აწყობს უმშვენიერეს ლიტერატურულ „ფაზლს“ — საკუთარ გულსა და გონებაში გამოტარებულს.

ეს მასის ბელეტრისტიკა არ არის, რაფინირებული საკითხავია. ამ ტექსტების იდუმალ სივრცეებში — 80-იანების, 90-იანების, 2000-იანების კატასტროფების წინათმგრძობ თუ ახდენის ამრეკლავ ამბებში ისეთ „ყურ სინათლებსა“ და „წყნარ სახატებს“ აღმოგაჩინებს მწერალი, ბედნიერი და გულდაწყვეტილი ხურავ ნიგნს და გრძობ დიდი ლიტერატურის განმწმენდ ენერგეტიკას, იაზრებ მთავარს — არ (და ვერ) ირჩევ სიცოცხლის ხანგრძლივობას, ჟამსა და ლოკალს, მაგრამ ირჩევ სიცოცხლის ხარისხს: თუ ბუხარი ბორხესს გახსენებს (არამხოლოდ სიტყვის აკუსტიკით), ქუჩის მუსიკოსების მელოდიაში სფეროთა მუსიკა გესმის,


ებელს, მარადიულს, დროთა კავშირის აღმდგენს...

ნიგნს მიძღვნა უძღვის — „სალომესა და ანასო“, პირველივე მოთხრობა კი ასე იწყება: „იცით, როგორი პაპა მყავდა?“

სულ ესაა ყოფიერების წამიერი სივრცეც — პაპიდან შვილიშვილამდე და პირუკუ — ხსოვნა, მესხიერება, ყოფიერების ენიგმურობის, ფიზიკურის მეტაფიზიკურობის განაზრება... და განაზრება მთავრისა: „ცვან სიმოკლე ბოროტისა, კეთილია მისი გრძელი“ — ყველაფრის, ყველა სიძნელის მიუხედავად.

„ბავშვობისდროინდელი, დღევანდელთან შედარებით სამჯერ პატარა თბილისის“ ამბებს ისე ჰყვება ზაალ სამადაშვილი, როგორც ჯოისის დუბლინისას, ან მოდიანო პარიზისას...

ეს დიდებული ნიგნი რეჟივში არაა. ზაალ სამადაშვილმა იცის, რომ ყველაზე „სწორხაზოვანი სიზმრებიც“ გამოლვიძებით მთავრდება. მეერა, რომ სოფელი მოსწრაფებით ირღვევა — ადამიანს სწყალობებია მადლი, მოსწრაფებით რღვევადი სოფლის ალიაქოთში მარადისობის სიმყუდროვე მოინატროს,



მამაშვილის ორი ნიგნის („60“ და „კალამს მიღვევებით დაწერილი“) განხილვაზე, რომელიც ალექსანდრე ორბელიანის საზოგადოების მიერ გაიმართა თბილისის სახელმწიფო უნივერსიტეტში, მარო მაყაშვილის დარბაზში.

შეხვედრას როსტომ ჩხეიძე უძღვებოდა. დღევანდელ მწერლობაში თუ ვინმეს ემარჯვება მცირე ჟანრი, ერთი მათგანი ზაალ სამადაშვილია — ასე დაიწყო ბატონმა როსტომმა საუბარი და განაგრძო: — მცირე პროზა დასაწერად ურთულესია. თუმცა ვრცელ პროზასაც თავისი სირთულეები აქვს. ზუსტად ვერც კი განსაზღვრავ, რომელ ჟანრს მიეკუთვნება ბატონი ზაალის „კალამს მიღვევებით დაწერილი“ თხზულებანი. თომას მანი ამბობდა, რაც მეტად ჭირს ჟანრის განსაზღვრა, მით უკეთესიო. თომას მანმა კი ლიტერატურა ჩვენზე ნაკლებად არ იკლავდა.

ეს ჩანაწერები არის ნოველებიც, მემუარული ყაიდის თხზულებებიც, შთაბეჭდილებებიც ახალნაკითხულ ნიგნებზე, ბავშვობის მოგონებებიც... ზაალი არის ერთი ყველაზე განათლებული მწერალი ჩვენს დღევანდელობაში. ამის აღნიშვნა არც უნდა გვჭირდებოდეს, მწერლის სახელი თავისთავად უნდა გულისხმობდეს განათლებულობას, მაგრამ, სამწუხაროდ, დღეს უფრო მეტს ჰქვია მწერალი, ვიდრე იმით, ვინც ამ სახელს იმსახურებს. ზაალი კი ყველაფერს ადევნებს თავს არამარტო ჩვენთან, არამედ დასავლეთშიც. აინტერესებს, როგორ მოერგება ჩვენი ლიტერატურა დასავლურ პროცესებს. ჩვენ ვართ დასავლეთის ნაწილი, ოღონდ ვალდებულნი ვართ, რომ ეს გავაცნობიეროთ და შევიდეთ იმ წრეში და იმათაც დაგვინახონ ეს რეალობა.

თვითონ ზაალის შემოქმედება არის იმ რანგისა, რომ როცა დასავლეთს წარვუდგებით, იქ ეს ნოველები და მინიატურებიც დაგვჭირდება და დაგვჭირდება ზაალის კრიტიკული ალღოც, ლიტერატურული გემოვნებაც.

რამდენჯერმე დავესწარი სხვადასხვა

ნინო ვახანია

ფაიფურივით მყიფე, ალმასივით მედეგი

ვიდრე მოხსენებისთვის სიტყვას ნანა კუციას გადასცემდა, ნამყვანმა ავტორს სთხოვა რამდენიმე მინიატურის ნაკითხვა. ბატონ ზაალს თავმდაბლობის გამო ცოტა კი მოეროდა ხმამაღლა საკუთარი ნაწერების კითხვა, მაგრამ თავი იმით გაიმხნევა, რომ ნებისმიერი მსახიობის, კარგი მსახიობის მიერ ნაკითხულ ტექსტს ყოველთვის ჯობს ავტორის მიერ ნაკითხული. მას სულ სხვა მადლი და გემო აქვს. ჩანაწერების კითხვა მეც ძალიან მიყვარს და ბევრ მკითხველს. ოღონდ მიმაჩნია, რომ სანამ ჩანაწერებს გააკეთებდეს მწერალი, მანამ რამე უნდა ჰქონდეს დაწერილი, მარტო ჩანაწერები ვერ იქნება საინტერესო. — თქვა და მშვენივრად ნაკითხა პატარა ჩანაწერი, რომელიც მთელი ნიგნის კონცეფციადაც შეიძლება მივიჩნიოთ.

მომხსენებელმა, კრიტიკოსმა ნანა კუციამ გამოსვლა სწორედ იმ სიტყვებით დაიწყო, რომლებიც ჩვენი რეპორტაჟის შესავალში მოვიხმეთ. მისი სრული საუბრის მოკლე ვერსია კი ასეთი გახლავთ:

ზაალ სამადაშვილის მოთხრობების კრებული („სამოცი“) საუკეთესოთა შორისაც, ალბათ, გამორჩეულია. ეს არის ტექსტები, როგორსაც დანერდა, ალბათ, ავთანდილის ტიპის ქართველი — ერთდროულად ზემგრძობიარე და რაციონალური, ნატიფი და მკაცრი, ვისაც მიმაძღვებია „გული გონიერი“, ვისიც „გული, გრძობა და გონება ერთმანეთზედა ჰკიდია“, ვინც იცის თავისი ქვეყნის, თავისი ლიტერატურის, საერთოდ, „ქვეყნის“ (ანუ მსოფლიოს) და საერთოდ ლიტერატურის ისტორიაც და მეტაფიზიკური ქარაგმებიც, იცის, რომ დიდი ლიტერატურა მხოლოდ მოვარვარე გულითა და ცივი გონებით იქმნება და იგივე ოქსიმორონი ესაძირკვლება მხატვრული სიტყვის უკვდავებას.

ამ ტექსტებში „შინ“ ხარ, თითქოს — ხატების კუთხესთან, მშვიდი, აუმღვრეველი, დაცული, სადაც და როდესაც უნდა ხდებოდეს მოქმედება — ბორხესის არგენტინაში თუ აკუტაგავას იაპონიაში, ჩეხოვის რუსეთში თუ ფოლკნერის ამერიკაში, ჯოისის ირლანდიაში თუ ვარგას ლოსას პერუში, ფელინის იტალიაში თუ ინანიშვილის საქართველოში. ზემოხსენებულ დიდ ხელოვანთა ტექსტებისათვის კადრების ალუზია-რემინისციებიც იქმნება ზაალ სამადაშვილის დახვეწილ ნარატივში — ყოველთვის უზუსტესად მორგებული ტექსტს, კონტექსტს, ქვეტექსტს.

იუველირის მოთმინებითა და პასუხისმგებლობით დაწახნავებული ამბები, ბრილიანტებივით პანია, მაგრამ ბრილი-

გამურული შუშა კი არ გბოლმავს და გაღიზიანებს, მასში ალს ხედავ, ლამაზს და უმწეოს, თოლიების დაპურება არ გეზარება და გეთაკილება, არც ატატებული კნუტით სიარული... ეს უმადლესი სინჯის ლიტერატურაა.


ვერცერთი ლიტერატურული კონოტაციით, ლიტერატურათმცოდნეობითი ტერმინით ვერ აღადგენ ამ (ერთდროულად) ფაიფურივით მყიფე და ალმასივით მედეგი ტექსტების მხატვრულ ქსოვილს ლიტერატურულ რეცენზიებში, ვერც აქაური პერსონაჟების დახვეწილ (ან დაუხვეწავ, მაგრამ დაუფიქსარ) მანერებს, პერსონაჟებისა, ხან რეალური, ხან წარმოსახულ ადამიანთა, ხანაც — ლიტერატურულ პერსონაჟთა ანარეკლად რომ აღიქმებიან.

კრებულში უამრავი მოთხრობაა, რომელთა სათაურებშიც გატანილია ყოველად პროზაული სახელშემა — „ნასვლა“ („ნიგნების გასაყიდად ნასვლა“, „ფეხბურთის საყურებლად ნასვლა“, „ფეხსაცმელების საყიდლად ნასვლა“, „ის მივიწყებული ქალაქარეთ ნახეტილება“ („ნასვლის“ ინვარიანტი)...). ბანალური „ნასვლა“ რუტინული ჩვევის (თუ ჩვევის რუტინის) სივრცეებს ცვდება და ტრაგიზმის უმადლეს რეგისტრს აღწევს... ეს სულის მარადი გზაა, საყვარელი (თუ არცთუ ძალიან) მისამართები, ინიციაციური პორტალები, სადაც სული ხან იყუჩება, ხან იწრთობა, ხან ნებდება, ხან იმარჯვებს, მაგრამ რაც რეცენზიაში ასეთი ყალბი, მკვეთრი ზმენებით ფიქსირდება, ზაალ სამადაშვილთან — დახვეწილ ინტელექტუალთან — „სადაა“. ულამაზეს ნოველა-მოთხრობა-ესკიზ-მინიატურათა სათაურებიც პარადიგმებია ზაალ სამადაშვილთან, თითქოს მინიატურისავ ანასხლექტები.

„რომ დავით კლდიაშვილი არა, დაუხატავი დარჩებოდა მშვენიერზე მშვენიერი კაროჟნაო“, უბის ნიგნაკში ჩაუნერია გალაკტიონს. მხოლოდ დიდი მწერლების თვალის აღიქვამს „განწირულთა“ სასწარმკვეთ მშვენიერებას და უკვდავებას ანიჭებს ტექსტში. რამდენი ასეთი განწირულის სულისკვეთებას ირეკლავს ზაალ სამადაშვილის ყური ტექსტები...

ჟამის ჟამიანობის სხვა პაროლიც მრავლადაა ნიგნში... ზაალ სამადაშვილი კი მარტო კარგი კი არა, დიდებული მთხრობელია.

ნეოთელისტიკური იტალიური ფილმებივით გულსიმომწყვლელია ამ ტექსტების ანტირაჟიც, ფერიც, ქსოვილიც. წარმავლობის, „კვლავ ვერაფრით ამის ვერნახვის“ (ესმა ონიანი) მსუბუქ სევდასთან ერთად ნიგნს იმედი მსჭვალავს. მისი უდიდებულესობა ლიტერატურა თავისას იტყვის — მანუგებებელს, გამაძლიერ-



დრტივინისას გული არ გაიქვავოს და ძალიან უბრალოდ თქვას: „შინ ვზივარ უკვე! ლეკვი ფეხებთან მიწვეს. ვილაც უხილავს ვეკამათები: ვერ მოგართვი! როგორც არ უნდა გამოჭირდეს, რანაირადაც არ უნდა გავლიზიანდე, ბრაზიან სტრიქონებს ვერ ელირსები ჩემგან. ხომ ვარ სენტიმენტალური? ეგ რა არის — უფრო სენტიმენტალური გავხდები...“

„სენტიმენტალური“ ანუ გულით მოაზროვნე, მოაზროვნეთაგან უკეთესი.

ყოველი ლიტერატურათმცოდნე ამ მშვენიერი ნიგნის რეცენზიებისას იგძობს საფრთხეს — „ინტერპრეტაცია ყველაფერს კიჩად აქცევს“. რეცენზენტს, ალბათ, მხოლოდ გიგია — მშვენიერი სამყაროს კარამდე რომ მიუძღვება ბედნიერ, „მისალოც“ მკითხველს, წინასწარვე დარწმუნებული, რომ მისეული ინტერპრეტაციაც განწირულია, იქცევს კიჩად.

ინტერპრეტაცია, რა თქმა უნდა, კიჩაა...

რა თქმა უნდა, კიჩა რეცენზიაც...

„მხოლოდ სული გრძობს, თუ ვითარი (სძღვნეს) მას შვება“ ზაალ სამადაშვილის უნატიფესმა, უჭკვიანესმა მოთხრობებმა...

ნანა კუციასგან კარგ, ჩინებულ მოხსენებებს მიჩვეულნი ვართ, მაგრამ ახლა საკუთარ თავსაც გადააჭარბაო — ასე შეაფასა როსტომ ჩხეიძემ ეს გამოსვლა და სიტყვა მეორე მომხსენებელს, კრიტიკოს მარინე ტურავას გადასცა, რითაც ერთგვარად უხერხულობაც კი შეუქმნა ორატორს, მაგრამ ბატონმა როსტომმა ზუსტად იცოდა (ჩვენც, რა თქმა უნდა), რომ მარინე თამასას არ დასწევდა, თავისებურად შეაფასებდა და გამაშავალფეროვნებდა ნანას საუბარს, რაშიც მალევე დავრწმუნდით. ვიდრე მათი გამოსვლები სრულად დაიბეჭდებოდეს, აქ მარინე ტურავას სიტყვის მოკლე ჩანაწერსაც შემოგთავაზებთ:

„ინტელექტის“ მიერ გამოცემულმა ახალმა სერიამ, რომელსაც „ჩანაწერები“ ჰქვია და მის ფარგლებში გამოცემულმა

— ოთარ ჭილაძის, ბაჩანა ბრეგვაძის, ოთარ ჩხეიძის, სიმონ ჩიქოვანის, ვახტანგ ჭყელიძის, ესმა ონიანის, ლევან ბრეგვაძის, ტარიელ ჭანტურის, ვახტანგ ჯავახიძის, იოსებ ჭუმბურიძის უბის წიგნაკებმა ჩვენი ყურადღება მიაპყრო ამ ჟანრს. რეალურად ნებისმიერი ასეთი ჩანაწერი მწერლის შემოქმედებაა, მისი ნაწილია, უბრალოდ ერთია, ეს ნაწერი ხან ჰგავს ნაცნობ მწერალს, ხანაც არა.

ჩანაწერები ის ჟანრია, რომელიც საქართველოში მაინცდამაინც დიდი ინტერესით არასდროს სარგებლობდა, ჯერ ერთი, იმიტომ, რომ გულახდილობა აკლდა, მეორეც, სიღრმის, ერუდიციის, მახვილგონიერების, სისხარტის გამო. მხოლოდ რამდენიმე გამონაკლისი არსებობდა. ზაალ სამადაშვილის „კალამს მიღვევებით დაწერილი“, რომელიც „ინტელექტმა“ 2016 წელს გამოსცა, ჩემი აზრით, სწორედ მწერლის შემოქმედების, მისი ლიტერატურული ნააზრების გაგრძელებაა და ვფიქრობ, ძალიან ჰგავს ნაცნობ მწერალს. ამ ჩანაწერებში ავტორი უკვე დოკუმენტურად, ნონ ფიქციონის მომხმარებელი, ამბობს სათქმელს, ახლებურად ან ძველებურად პასუხობს კითხვებს.

იმთავითვე უნდა აღვნიშნო, რომ ამ ნაწერებში არსად არის აპლომბი, საკუთარი თავის მოწონების, გაკეკლუცებისა თუ პოზირების მცდელობაც კი. პირიქით, სამადაშვილის ბავშვობისა თუ ყრმობის, მთელი ცხოვრების ამბები მისთვის რეფლექსიის, განსჯის, განზოგადების საფუძველია. მწერლის პროზა არ არის რთული, თუმცა მთელ მის შემოქმედებაში, მათ შორის ჩანაწერებშიც, კარგად ჩანს ღრმა, გამუდმებითი რეფლექსია, თვითჩხრეკა, თვითანალიზი, რაც ასე აკლია ქართველ კაცს ზოგადად და არ არის ორგანული ქართული ლიტერატურისთვისაც. ზაალ სამადაშვილს აქვს უნარი, ურთულეს პრობლემებზე მარტივად და გასაგებად ისაუბროს, ეს კი მწერლისთვის ძალიან მნიშვნელოვანი უნარია.

„კალამს მიღვევებით დაწერილი“ მოცულობით დიდი წიგნი არ არის, თუმცა იგი მრავალფეროვანია თემატურად, აქ შეხვედებით მემუარულ, კრიტიკულ-ესთეტიკურ, ლიტერატურულ, ფილოსოფიურ ჩანაწერებს. გულწრფელი, მართალი, მოაზროვნე ავტორი პირველივე ჩანაწერებიდან იმსახურებს მკითხველის ნდობას. რაც მთავარია, წიგნი სიამოვნებას განიჭებს, გატკობს ლიტერატურით. „ყოფის აუტანელი სიმსუბუქის“ გაძღვებამაც გეხმარება.

დავინწყით მემუარულით, რაც მწერლის ოჯახს, მის პირად ცხოვრებას შეეხება. უპირველესად, ამ თვალსაზრისით, ბიძარეზო ინანიშვილი შემოაბიჯებს წიგნში, ბიძაზე მეტი რომაა სამადაშვილისთვის და ერთგვარი ჩიჩერონეს, ლიტერატურული გიდის, მეგზურის ფუნქციას ასრულებს. ვადემე-ეუმია, რამაც, გარკვეულწილად, განსაზღვრა კიდევ ავტორის ინტერესები ადრეული ბავშვობიდანვე.

ძალუმად შემოდის უკვე გარდაცვლილი მამის სახე, კუკიის სასაფლაოდან მომავალი მამა-შვილის დამოკიდებულება, სიყვარული დიდხანს მიყვება მკითხველს. ნინოშვილის ქუჩაზე, ოროთახიან ბინაში მცხოვრები ოჯახი დიდი სიყვარულით დახატა მწერალმა. „შეძლებული არც ჩვენ ვიყავით, მაგრამ სხვა ხელმოკლეთაგან განსხვავებით, მთელი ძალღონით ვებრძოდით, არ ვეპუებოდით სიღარიბეს“.

თბილისური საპარაკმაეროს, კედლის ლუმელის, ძველი თბილისის უბნის ბაზრების, ივლიტა ბებოს გამომცხვარი ხაჭაპურების, მენაღე გოგია ბუჩუკურის, შეძლებულთა ხილის — გარგარის, კინოთეატრ „კოსმოსის“, ღარიბული დღესასწაულების ამბები ბელეტრისტული აქცენტებითაც გამოირჩევა და საინტერესო თხრობითაც, ამგვარი ბავშვობის ერთგვარი აბსტრაქტია ერთი პატარა ჩანაწერი, უფრო მინიატურა — „ჩემს დამოკიდებულებას ქონებისადმი მცირე-ემდო, მაგრამ მაინც, ძველი ფრანცისკელი ბერებისას ვამსგავსებ. მიუხედავად იმისა, რომ სახლიცა მაქვს, კარიც და რიგიანადაც ვიკვებები, გულისგულში უქონლობისკენ მივიღტივ. მაშინ, როცა ძალიან მიჭირდა და ლუკმაპურის მოსაპოვებლად მძიმე ფიზიკურ შრომას ვენეო-

დი, მზერას ვუსწორებდი, თამამად ვუყურებდი თვალეში ღატაკებსა და უპოვრებს.“

მემუარული თემის რეზიუმედ კი ჩანაწერი — „ვალდა ღრუბელაშვილი“ გამოდგება. მწერლის მამიდაშვილი „მოვიდა ხელდამშვენებული, ცელოფნის ფერადი, ნახატებიანი პარკიდან ამოალაგა ორლიტრიანი ქილით თავლი, ნაჭრის ტოპრაკით ნიგოზი და ტილოს ხელსახოცში გახვეული ჩურჩხლები“, ვიდრე ასეთი მომკითხველები გვეყოლება, ქართული ოჯახის ტრადიციაც უკვდავია.

მეორე და უსათუოდ ყველაზე დიდი თემა არის ლიტერატურული ჩანაწერები, სადაც კრიტიკულ-ესთეტიკურსა და კულტურულსაც გავერთიანებდი. ლიტერატურის, ზოგადად წიგნის, სიყვარულიც ადრეული ბავშვობიდან დაიწყო. აქ მწერლის ახალი ლიტერატურული ჩიჩერონეები იკვეთებიან — ბორხესი, აკუტაგავა ჩეხოვი, სერვანტესი, ფოლკნერი, მარკესი, ჰემინგუეი, ჯოისი, თუმცა ყველაზე დიდი გავლენა მასზე მაინც ქართველებმა მოახდინეს — „თხრობას თქვენგან (დიმიტრი ერისთავს მიმართავს), რეზო ინანიშვილისა და ოთარ იოსელიანისგან ვსწავლობდი და დღესაც ვსწავლობ.“

ამავე ჩანაწერში არის ძალიან საინტერესო შტრიხი დიმიტრი ერისთავზე, რომელმაც „სულ ცოტა ხნის წინ ტელეჟურნალისტს უთხრა: ღრუბელს ვერ ვხატავ, არ გამომდის და როცა დასახატი მაქვს, სანდროს ვთხოვ, ჩემს შვილს, დამეხმაროსო.“ უნდა ითქვას ისიც, რომ ადამიანების ერთი შტრიხით, მონასმით დახატვის უნარი აქაც ვადმოყოლია მწერალს და არც ეს არის პატარა ამბავი.

ჩანაწერში „მეორადობა“ ვკითხულობთ: „მიყვარს ის მწერლები, ვინც საკუთარ შეხედულებებზე, პირად გამოცდილებაზე დაფუძნებულ მხატვრულ რეალობას ქმნიან. როგორც უნდა მოინახილო, განიცადო ის, რაც ოდესღაც სხვამ განიცადა, სასურველ შედეგს ვერ მიაღწევ... შენი პერსონაჟები უნდა გყავდეს — შენი ცოდნიდან, შენი ვნებიდან აღმოცენებული, დაქსელილები შენი სისხლძარღვებით და თითოეული მათგანის მკერდში შენი გული უნდა ფეთქავდეს.“

ჩანაწერების ნაწილში თვითონ ზაალ სამადაშვილი გვევლინება ლიტერატურულ გიდად, „ვადემეკუმად“, არაერთ საინტერესო და იშვიათ წიგნს გვისახელებს, არაერთი მწერალზე გვთავაზობს კრიტიკულ მოსაზრებას: მაგალითად, თავის მოგვარე ანა კორძაია-სამადაშვილზე, რომელსაც კარგ მთხრობელს უწოდებს. აღტაცებასაც არასდროს მალავს: „კიდევ ერთხელ გულდასმით წავიკითხე სელმა ლაგერლიოფის „გულ-ნითელა“ — თქმულება პატარა, ნაცრისფერ ჩიტზე, რომელსაც სამყაროს შემოქმედის მიერ შექმნილი სახელის შესაბამისად, ძალიან უნდოდა მკერდი ნითელი ბუმბულით ჰქონოდა დაფარული და ეს სურვილი აუხდა მას შემდეგ, რაც ჯვარზე გაკრულ მაცხოვარს გასისხლიანებული ეკალი ამოაძრო შუბლიდან პანია ნისკარტით.“

„ჩემთვის წიგნში დაბეჭდილ სიტყვას უფრო დიდი დამაჯერებლობა ჰქონდა, ვიდრე რეალობას“ — წერს ავტორი. სწორედ ამით არის გამოწვეული ის ფაქტიც, რომ მხატვრული ტექსტების წერის სურვილიც ორმა ეპიზოდმა აღუძრა ორი დიდებული მწერლის — ერნესტ ჰემინგუეისა და ტომას ვულფის — ცხოვრებიდან, რომლებიც მათ მიერვე აღწერილი. არაერთი ჩანაწერი მწერლის საყვარელ ფილმებსა და მუსიკას ეძღვნება.

„ერთი ჯგუფი ადამიანებისა ცხოვრობს და თან წერს, მეორე ჯგუფი კი ცხოვრობს იმისთვის, რომ წეროს. მე პირველების სიაში ვწერივარ“ — ესეც სამადაშვილია. წიგნის ავტორმა მართლა იცის ცხოვრება და იცის წერა ცხოვრებაზე. ამ „დღის კაცმა“ ბევრი რამ გვიამბო თავის თავზე, გვიამბო, რომ დილას შეუძლია ყველაზე კარგად კითხვაც და წერაც, რომ მაქსიმალისტია საკუთარი თავისა და სხვების მიმართაც, რომ ამის გამო სულ რამდენიმე წამდელი მეგობარი შერჩა. „მარტოკაცობა“ არის ყველა წამდელი მწერალივით, განმარტოე-

ბული, თავის თავსა და სათქმელში ჩაღრმავებული.

არა ვარ განებვირებული ასეთი გარჩევებით, შეფასებებით — აღიარა ბატონმა ზაალმა. სიტყვებს ვერ პოულობდა აღფრთოვანების გამოსახატავად. სასიამოვნო აღვლევდა აშკარად დაეტყო და, ვფიქრობ, ეს იყო ყველაზე დიდი და გულწრფელი სამადლობელი იმ ადამიანების მიმართ, რომელთაც, როგორც თვითონ თქვა, ნაიკითხეს და გაიგეს მწერლის ისეთი შეფარული გრძობები, ისეთი დეტალები, რომლებიც სხვას ვერ უნდა ამოეკითხა, მაგრამ ყველა დარწმუნდა, რომ თურმე ამის აღმოჩენაც ყოფილა შესაძლებელი.

— ზოგი მწერალი ცხოვრობს იმი-თვის, რომ მოყვეს, მე არ ვცხოვრობ ასე, — განაგრძობ ბატონმა ზაალმა, — მე ვცხოვრობ და როცა დრო მრჩება, მაშინ ვწერ, ცხოვრებას მოაქვს სათქმელი. დილის კაცი ვარ. დილით მირჩენია წერაც, კითხვაც და წერაც მაშინ მინდა, როცა რამე მაქვს სათქმელი. მეორად მწერლებს იმათ



ვეძახი, რომლებიც სხვისი გრძობებით წერენ. პოპულარულია მათი ნაწერები, მაგრამ მათი არ არის...
მერე ბატონმა ზაალმა კიდევ რამდენიმე მინიატურა წაგვიკითხა.

ეგრეთ ნოდებულ პოპულარულ მეორად მწერლებს კი ბატონმა როსტომმა სეზონის ფულავნები უწოდა. მათი ბედი მაინც ის არის, დრო რომ გავა, გაქრებიან, რაც ნამდვილია, მხოლოდ ის დარჩებაო, — დაასკვნა.

შემდეგ ახალგაზრდა მკვლევარს, სოხუმის უნივერსიტეტის კურსდამთავრებულს, მარიამ ჩხაიძეს ვუსმენდით. მან საინტერესოდ ისაუბრა ზაალ სამადაშვილის რამდენიმე მინიატურის შესახებ:

„ერთი ჯგუფი ადამიანებისა ცხოვრობს და თან წერს. მეორე ჯგუფი კი ცხოვრობს იმისათვის, რომ წეროს, მე პირველების სიაში ვწერივარ“ — წერს ავტორი და ამ ფრაზით თითქოს გვაზაზადებს, რომ „კალამს მიღვევებით დაწერილი“ ყოველი ფრაზა ჩვენითვის საგულისხმო იქნება, რადგან წიგნის პერსონაჟები „საკუთარი ცოდნიდან, ვნებებიდან აღმოცენებული“ ჰყავს, დაქსელილები საკუთარი სისხლძარღვებით და მათ მკერდში აძგერებული ავტორის გულით.

მონყალების გაღების მნიშვნელობაზე ბევრ მწერალს უსაუბრია/დაუწერია, თუმცა ამ წიგნში აღწერილი ისტორია სრულიად გამორჩეულია და რამდენადმე „ამხელს“ ავტორის „მე“-ს, რომელიც სიკეთის კეთების წყურვილითაა აღსავსე — „მარტო სიბრალული არ მიმყვება საბურთალოს ხაზისაკენ მიმავალს. პატივისცემითაც ვიმსჯელები მონყალების მთხვენელის მიმართ, რადგან პატარა ადამიანისთვის „ყველაფრის კეთებაში“, როცა სხვა გამოსავალი აღარ გრჩება — ხელის გაწვდენაც შედის“, ან კიდევ — „გულის-გულში უქონლობისკენ მივიღტივ. მაშინ როცა ძალიან მიჭირდა და ლუკმა-პურის მოსაპოვებლად მძიმე ფიზიკურ შრომას ვენეოდი, მზერას ვუსწორებდი, თამამად ვუყურებდი თვალეში ღატაკებსა და უპოვრებს.“ — ამ ფრაზების კითხვისას გამახსენდა არქიმანდრიტ ეპიფანეს სიტყვე-

ბი: „ჩვენ მონყალენი უნდა ვიყო, რათა ჩვენც ვიქნეთ შეწყალებულნი.“

მწერალს საინტერესო მოსაზრება აქვს გამოთქმული ადამიანის თავისუფლების შესახებაც — „თავისუფალია ის ადამიანი, ვისთვისაც მოვალეობის შესრულება დამლელი, რუტინული საქმიანობა კი არა, სიცოცხლის არსებობის მარილია“.

დაბოლოს, ვინც ამ წიგნს ნაიკითხავს, ყველას თავისი ზაალ სამადაშვილი ეყოლება, ჩემთვის მისი წიგნის დასასრული ცხოვრების კრედიო გახდა:

მაქსიმალისტი გახლავართ, თავს ძალიან ბევრს ვთხოვ და როგორც ჩანს, დაახლოებით იმდენივეს მოვიტოვებ სხვებისგანაც. ეს გახლავთ მიზეზი იმისა, რომ მეგობრების ჩამოსათვლელად ერთი ხელის თითებიც კი მყოფნის. არ ვნანობ იმ ადამიანების ჩამოცილებას, ვისაც მეგობრებს ვუწოდებდი, მე ჩემი გზა მაქვს გასავლელი და ამ გზაზე ისინი ვერ ივლიდნენ. ზოგმა სცადა და არ გამოუვიდა, ზოგს არც უცდია.

მისიელ ანთაქემ მოიგონა:

80-იანი წლების მიწურულს მე, სრულიად ახალგაზრდა, აღმოვჩნდი ახალდაარსებული ალმანახის — „სათავე“ — სარედაქციო კოლეგიაში. ამ ალმანახიდან ისეთი სახელები შეემატა ჩვენს ლიტერატურას, რომ ახლა ძალიან მეამაყება. მათ შორის იყო ზაალ სამადაშვილიც, ზურაბ სამადაშვილიც, ლაშა იმედაშვილიც, ქეთი ნიუარაძეც, კოტე ჯანდერიც. მე კინოსტუდიის მთავარი რედაქტორის ოჯახში გავიზარე და მწერლებს ბავშვობიდან ვიცნობდი. მათ შორის რევაზ ინანიშვილსაც, ძია რეზოს. უნივერსიტეტში რომ ვსწავლობდი, მაშინ გავიგე, ძია რეზო ფანქრით წერდა თურმე, რათა ზოგი სიტყვა წაეშალა და საუკეთესო მოეძებნა. მაშინ მივხედი, რას ნიშნავს, რომ მწერალი ხატავს... რომანს ფანქრით და საშლელით ვერ დაწერ, მცირე ფორმის ჟანრისთვის კი ყველაზე კეთილსინდისიერი დამოკიდებულებაა მწერლისა ნაწარმოებთან. ზაალმა გავლენა კი არ განიცადა თავისი საამაყო ბიძის, ძია რეზოსი, არამედ მისგან ისწავლა წერა. მერე კი თავისას წერს. მასაც ფანქრითა და საშლელითა აქვს ნასწავლი წერა და ეს ოსტატობა მის ნაწერებში კარგად ჩანს.

როსტომმა გაიხსენა, რეზო ინანიშვილი ფანქარს ორივე ბოლოს უთლიდა მარტო ჰკითხეს, ასე რატომ აკეთებო, უპასუხნია, ერთით სიკეთზე ვწერ და მეორეთი ბოროტებაზეო.

ზაალ სამადაშვილი: რეზო ინანიშვილის ყველა წიგნშია შესული ციკლი „სამაგიდო რვეულებიდან“. თურმე ნუ იტყვი, მართლა არსებულა ეს სამაგიდო რვეულები. ეს იყო ვევერთულა, ძველი ფორტალბომბის სისქის თორმეტი რვეული. მათგან ძალიან მცირე ნაწილია წიგნებში შესული. უმრავლესობა გამოუქვეყნებელია. არავის განიკითხავს, იშვიათად გამოხატავს გულისტკივლს, წერს, რომ გული ატკინეს, იმასაც ინიციალებით.

როსტომ ჩხეიძე: როცა მქონდა გაზეთი „ჩვენი მწერლობა“, ქალბატონმა როზამ, მისმა მეუღლემ, მომიტანა ეს დღიურები, ერთი დიდი რვეული მომიტანა. ისეთი პორტრეტებია დახატული ჩვენი მწერლებისა, სახელი და გვარი არ არის ნახსენები, მაგრამ ნაიკითხავა და ადვილად იცნობ. აწყობილი მქონდა დასაბეჭდად, რომ ქალბატონმა როზამ უარი მითხრა, მე ამ ხალხს ვერიდები, მათ ოჯახებს ვერიდებიო. ჩემ თავზე ავიღებდი სიამოვნებით, მზად ვიყავი, მეთქვა, რომ მასაკითხად მომიტანეს და მე თვითნებურად გამოვაქვეყნე, მაგრამ ქალბატონი როზა არ დამეთანხმა და ასე დარჩა გამოუქვეყნებელი ის ნაწერები. „სამაგიდო რვეულები“ უნდა გამოიცეს იმ სახით, როგორც რევაზ ინანიშვილმა დატოვა ყოველგვარი რედაქციული ჩარევის გარეშე. სხვათა შორის, ხატავდა კიდევ კარგად და ამ მხრივაც უნდა იყოს დაფასებული.

ბატონმა ზაალმა დასასრულს კიდევ რამდენიმე ჩანაწერი წაგვიკითხა. მოხიბლული მსმენელი კი ჩუმად, გულში ეთანხმებოდა ორივე მომსახელებს, რომელთაც ფრანკფურტის წიგნის ფესტივალის საამაყო დღეები და მასთან დაკავშირებული ბევრი სასიამოვნო ფაქტი ახსენეს, მაგრამ სინანულით აღნიშნეს, რომ სირცხვილია, გყავდეს ისეთი მწერალი, როგორც ზაალ სამადაშვილია და მსოფლიოს დაუბალო...



მწერალი

ივა ფეზუაშვილი

ივა ფეზუაშვილი ინტერვიუში, როგორც იტყვიან, „სტილი და ცულია“: „ფლოუს“ კაცი ვარო — და მართლა ისე წერს, რომ სანამ არ ჩამთავრებ, ვერ ამოიხსნი...

პროფესიით მხატვრული კინოს რეჟისორია. საქართველოს შოთა რუსთაველის თეატრისა და კინოს სახელმწიფო უნივერსიტეტი 2011-ში დაამთავრა და მალევე სტუდენტურ ლიტერატურულ კონკურს „შემოდგომის ლეგენდის“ გამარჯვებული გახდა...

— თქვენი მოთხრობების კრებულის — „ვცადე“ — გამოსვლა მასხოვს, 2014 წელს. დიდი გამომხატურება ჰქონდა მკითხველში, ლიტერატურულ წრეებში. მანამდე, 2011-ში, მოთხრობით „ალჩუ“ სტუდენტური ლიტერატურული კონკურსის, „შემოდგომის ლეგენდის“, გამარჯვებული გახდით...

იეროდ, ლიტერატურისა და კინოსთვის დამრჩა დრო და ამ დროის გამოყენება, მგონი, ნაყოფიერად მოვახერხე. ჩემს ოთახში, დაფები რომ ნახოთ, ერთი მოთხრობების ახალი კრებულის იდეებითაა აჭრელებული, მეორე კი — რაღაც ძალიან გრძელ და რთულ რომანს შევე-



„ბევრი ფიქრი, ცოტა წერა...“

ტიდე და — ამ რომანისთვის გაკეთებული ჩანაწერებით.

მე როგორც მწერალი და, მაშასადამე, ზარმაცი ადამიანი, ძალიან მარტივი პრინციპით ვმუშაობ — ბევრი ფიქრი, ცოტა წერა.

— მწერალი და, მაშასადამე ზარმაცი — ტოლბოის ნიშანი რატომ დასვით?

— არ განმიზოგადებია, საკუთარ თავზე ვთქვი.

— მგონი, სწორედ თქვენი პასუხები ამტკიცებს სანინალმდეგოს. გარდა ამისა, ხშირად მომისმენია პოეტებისგან, როცა მიკითხავს პროზაში თუ აპირებთ მუშაობას-მეთქი — პროზას სხვა შრომა, სხვა დისციპლინა და ორგანიზებულიობა სჭირდება.

— არ ვიცი, მე ძალიან ქაოტური ვიყავი, ახლანდელ დავლაგდი, მოვანსრიგე რუტინა და ვცდილობ, ეს ახალი ყოველდღიურობა ჩემს ორ შვილს მივუსადაგო; რა შედეგს მოიტანს, ჯერ აღრევა ფიქროს. ოღონდ, არ მინდა, ვინმეს ეგონოს, თითქოს ბავშვები მიშლიან წერას, ან წერა მიშლის ბავშვებთან ხელს. ამაზე დიდი კა-

სტრესი ატარებენ. ეს რეალური ამბავი ამ მოთხრობის დაწერისას ექვსი წლის შემდეგ მოხდა. მანამდეც ბევრი მსგავსი რამ მომხდარა და მომავალშიც ბევრი მოხდება, ამ ბოროტების სიუჟეტი კი ყოველთვის ერთნაირია — რეიტინგზე დახარბებული პროდიუსერები; საზოგადოება, რომელიც მისთვის ყოველივე უცხო ზიზღითა და შიშით ხვდება; გაბოროტებული ხალხი; და პიროვნება, რომელიც ამ ყველაფერში, შემთხვევით, მოტყუებით ან ძალით ჩაერთო, და მომხდარს ტრაგედიად მხოლოდ ის აღიქვამს. შოუ კი გრძელდება და მათ, დაზარალებულებს, ამ დრამაში მოუწევთ ცხოვრება.

მოკლედ, შორს წავედი, მაგრამ ამ ამბავმა ისევე ძალიან გამაბრაზა და თან მართლა იდეალური პარალელია „ცასთან“. „ვცადე“ სხვა მოთხრობებს რომ დავუბრუნდეთ, ნახავთ, რომ, ძირითადად, სტილის ძებნაში ვარ, ცოტა იუმორი, ცოტა მისტიკა, ცოტა ჩვენი ყოველდღიურობის ცინიკური ანალიზი და ასე შემდეგ. ჰოდა, ამ ძიებებმა იქამდე მიმიყვანა, რომ ახლა ვიცი, რა არის ჩემი თემა, რა უნდა ვწერო და როგორ. ამ გადმოსახედიდან ვხვდები, რომ სოციალურ თემებზე უნდა ვიყო კონცენტრირებული, სისტემის მავნებლობაზე, პოლიციელებზე, პოლიტიკოსებზე, მოკლედ, ყველაფერზე, რაც ჩვენს ყოველდღიურობას ქმნის. რატომღაც ჩვენთან პოპულარულია მოსაზრება, რომ პოლიტიკა და ხელოვნება უნდა გაიმიჯნოს, მე კი მართლა ვერ ვხვდები, როგორ შეიძლება შენგან გამიჯნოს ის, რაც ყოველ წამს შენზე მოქმედებს, რაც ფეისბუქის „ჩასქროლის“ სურვილს გიკარგავს, როგორ უნდა გაიმიჯნოს მისგან, ვისაც შეუძლია, ნარკოტიკი ჩაგდოს ჯიბეში, პური გაგიძვიროს და ასე შემდეგ.

— „ფსკერის სახარებაზე“ მომიყვიით. როგორ იქმნებოდა ის?

— „ფსკერის სახარებამდე“ იყო რამდენიმე პატარა მოთხრობის იდეა. ჯერ აღმოვაჩინე, რომ ამ მოთხრობების მთავარი გმირები ძალიან ჰგავდნენ ერთმანეთს, მერე და მერე კი მივხვდი, რომ ეს პატარა-პატარა იდეები, თუ სწორად დაალაგებდი, ერთ ამბავს ქმნიდა. ასე მივიღე „ფსკერის სახარება“. ადამიანის

ისტორია, რომელსაც თავის დროს ყველაფერი ჰქონდა — ფული, პოპულარობა, წარმატებული კარიერა... ყველაფერი, სწორი კითხვების გარდა. და როგორც კი სწორი კითხვა დაუსვა საკუთარ თავს, მას მერე ნელ-ნელა ფსკერისკენ დაიწყო დამოკიდება, და თბილისი კი ის ქალაქია, რომელსაც ისეთი ფსკერი არ აქვს, რომ დიდხანს გაგიჩეროს, მალევე ამოგატივტივებს და აი, ცოცხალი ამოტივტივები თუ მკვდარი, მაგის შესახებ გვიყვება „ფსკერის სახარება“, და კიდევ არაბული სტრიპტიზკლუბების დახურულ კარს მიღმა დარჩენილი მინისკვეთების გოგონების და პოლიციის მაღალჩინოსნების სკამში გამოკვეთებული არც თუ ისე კანონმორჩილი კანონის დამცველების ამბებიც ბლომად გვხვდება.

უცნაური ისაა, რომ წერა და რეალობა ისე გადაიხლართა ერთმანეთში, ზემოთხსენებული პატარა-პატარა იდეებიდან ბევრი აღარ გამოიყენებია რომანში. ჯერ ერთი, რომ ამბავმა წამილო და პირველადი იდეისგან სრულიად განსხვავებული სიუჟეტი და ფინალი გამოიკვეთა, მეორე ის, რომ მე ტფილისურ ნარკოტრეფიკზე, სააფთიაქო პოლიტიკაზე, კლუბ „ბასიანში“ რეიდზე და ეგეთებზე ქალაქ აიოვადან ვწერდი და ქალაქ თბილისში კი თურმე ეგეთები მართლა ხდებოდა.

— რამდენად განსხვავებულია რომანზე მუშაობა მოთხრობებზე მუშაობისგან? რა გამოცდილება შეიძინეთ და რამდენ ხანს იმუშავეთ?

— შეიძლება იმიტომ, რომ დრამატურგიაშიც რაღაც გამოცდილება მაქვს, ყოველთვის ვცდილობდი, ჩემი მოთხრობები კინოსცენარივით ამეგო, თან თუ გავითვალისწინებთ, რომ „ფსკერის სახარება“ არ არის სქელტანიანი და, კლასიკური გაგებით, რომანი, და თუ აი, ამ ხმამაღლა რომანისა და მოვიშორებთ, ხელში დავგრჩება მოთხრობაზე ოდნავ უფრო გრძელი ამბავი, რომელსაც მოთხრობაზე ოდნავ უფრო მეტი კონცენტრაცია სჭირდება, ოდნავ უფრო დახვეწილი სამუშაო რუტინა და ოდნავ უფრო მეტი ყავა და სიგარეტი.



აიოვამ რამდენიმე გამოცდილ მწერალთან და პროფესორთან ვისაუბრე, ისინი სადღაც გადაკვრით ამბობდნენ, რომ რომანში, ალაგ-ალაგ, ეგება და ტემპის დაგდება და მკითხველის ამოსუნთქვაც ჯობდეს რიკინ-რიკინით მიყრილ ამბავსო, მაგრამ, სამსუბაროდ, მე ეგრე არ ვამბოდის. მე Flow-ს კაც ვარ, ამბავი ისე უნდა დაიწყოს და დამთავრდეს, რომ წიგნის გვერდით გადადებამ არ მომიწიოს, ანდა თუ მომიწევს, ნამეტანი საპატიო მიზეზები უნდა მქონდეს.

მგონი, უკვე ვთქვი, რომ ზარმაცი მწერალი ვარ, წერა თბილისში დაიწყო და აიოვამ დავამთავრე. დაახლოებით, სამი თვე და პლუს-მინუს ერთი კვირა ვწერდი. რა გამოცდილება შევიძინე, არ ვიცი, მაგრამ ძალიან მაგარი რუტინა კი დავამუშავე — დილით გამოვდიოდი სახლიდან, მთელ ქალაქს წრეს ვურტყამდი და აჩემებული სამი კაფედან ერთ-ერთში ვინყვდი მუშაობას. იგივე რუტინა თბილისშიც გადმოვიტანე, სახლიდან გავდივარ, ცოტას ფეხით ვსეირნობ, ცოტას ავტობუსით, ყავას ყოველთვის ერთსა და იმავე კაფეში ვყიდულობ, ვაკის პარკის „მედიათეკაში“ შევდივარ, ცოტას ვკითხულობ, ცოტას ვფიქრობ და აი, ამ რიტუალის გამო, ლეპტოპთან დამჯდარს ყოველდღიურობა ისე მაქვს ჩამოფრთხილი, რომ მხოლოდ სამუშაოზე ვარ კონცენტრირებული და ბევრად უფრო პროდუქტიული ვარ, ვიდრე სახლში იმავე ლეპტოპის წინ საათობით მჯდარი ვიქნებოდი.

შეიძლება სასაცილოა, რასაც ვამბობ, მაგრამ არის ერთი ეგეთი დრამატურგი, ბლეიკ სნეიდერი, რომელიც დრამატურგის სახელმძღვანელოს ასე იწყებს — სცენარისტს, უპირველესად, კარგად ორგანიზებული დაფა უნდა ჰქონდესო. ჰოდა, აი, ორგანიზებული დაფა ჩემი რუტინაა.

— ზნაიდ კვარაცხელიამ, წიგნის რედაქტორმა, რომანის პრეზენტაციაზე განაცხადა, ენა ამ რომანის ლოკომოტივიო. რას გულისხმობდა?

— „ფსკერის სახარების“ წერის დროს აქტიურად ვკითხულობდი ნაწყვეტებს ბიბლიიდან და რომანში მსგავსი ნარატივის გამოყენება ვცადე. ჰოდა, ე მაგ ენას, წიგ-



ნის ანოტაციაზე რომ ვმუშაობდით, მე და ზვიადმა „ბიბლიური სლენგი“ დავარქვით, ბიბლიური — ზემოთ ჩამოთვლილი მიზეზების გამო და სლენგი კიდე იმიტომ, რომ მე კლასიკურად წერა დიდად არც მეხერხება და, კიდევ უფრო დიდად, არც მიზიდავს. ეგ ყველაფერი შეიძლება ისევე სცენარისტობის ბრალია, თუ სცენარში თანამედროვე თბილისურ გარემოზე ყველა, სადაც თანამედროვე თბილისელები გყავს პერსონაჟებად, ტყუილი იქნება, რომ აკადემიური გამართული ენით ისაუბრონ (თუ აკადემიკოსები და გამართულები არ არიან ან გამართული აკადემიკოსები). იგივეა ლიტერატურაშიც, როდესაც „რეკლამშიკი“ მთავარი გმირი გყავს, უპირველესად, მისი ხმა უნდა იპოვო და ეს ხმა კიდე, ხშირ შემთხვევაში, სლენგით და, ღმერთო დაგვიფარე და, ალაგ-ალაგ უნდაწერი სიტყვებითაც არის გაჯერებული.

— შარშან ამერიკაში იმყოფებოდით და საკმაოდ შინაარსიანი და დატვირთული პროგრამა გქონდათ. მგონი, საჯარო კითხვებიც გამართეთ, არაერთი ქალაქი მოიარეთ, თქვენი ტექსტის მიხედვით დადგმულ სპექტაკლსაც დაესწართ — ეს ალბათ ძალიან მწირი და მშრალი ჩამონათვალა, სინამდვილეში, ალბათ, სავსე და ძალიან საინტერესო დღეები იყო. მომიყვით თქვენი ამერიკული ამბები, შთაბეჭდილებები.

— აიოვას უნივერსიტეტის საერთაშორისო სამწერლო პროგრამაში ვმონაწილეობდი. მოკლედ რომ ვთქვათ, რეზიდენციაა, სამი თვით მიდიხარ, გაძლევს სახლს, კარს, ფულს და მილიონ შესაძლებლობას, რომ საკუთარი თავი წარმოაჩინო ან, უფრო თანამედროვედ რომ ვთქვათ, გაყიდო. მქონდა საჯარო კითხვები, პანელ-დისკუსიები, ფილმის ჩვენება და, რაც მთავარია, თავისუფალი დრო, რომ მემუშავა, დამეწერა, ნამეკითხა, გამეცნო ძალიან საინტერესო ადამიანები სხვადასხვა ქვეყნიდან და გამეგო, რა არის აქტუალური თემები მათ ქვეყნებში — რაზე წერენ, რაზე ფიქრობენ, რაზე მუშაობენ, რითი ცხოვრობენ. თან აიოვა-სითი, სადაც დროის უმეტეს ნაწილს ვატარებდით, იუნესკოს ლიტერატურული დედაქალაქია, სადაც მთელი ამერიკის მასშტაბით ყველაზე ცნობილი ლიტერატურული MFA — Master of Fine Arts — აქვთ. მოკლედ, ეგ ქალაქი ლიტერატურით ცხოვრობს და სუნთქავს და ნებისმიერ ბარში თუ კაფეში ყველა იმაზე ლაპარაკობს, თუ რა ნაიკითხა, რას წერს, ან რის დაწერას აპირებს. ჰოდა, ესეთ გარემოში რომ ხარ და არ მუშაობ, რაღაც საშინელი სირცხვილის გრძნობა გიჩნდება და იწყებ წერას და წერ და წერ და წერ. ჩვენს პროგრამაში 28 ადამიანი იყო 27 სხვადასხვა ქვეყნიდან. როგორც ვიცი, თითქმის ყველამ რაღაც დაწერა, ზოგმა დაამთავრა, ზოგმა დაიწყო. ერთი საინტერესო ფაქტი, ამ შენ აიოვა-სითიში არის ერთი სპეციალური ბარი პოეტებისთვის და ერთიც მწერლებისთვის. აი, ამ პოეტების ბარში მწერლები დიდად არ დადიან, პოეტები კი მწერლების ბარს ყოველდღე ეძალებიან. ორბარონდა არ გამიგოს მკითხველმა, უბრალოდ, მწერლების ბარს დიდი ისტორია აქვს, თავის დროზე მას კურტ ვონეგუტი სტუმრობდა და დიდადაც უყვარდა ეგ ადგილი და უყვარდა, ალბათ, ერთი ძველისძველი, კაი სიმღერებით გაძედილი ჯუკ-ბოქსის და ერთი გაქეჩილი ბილიარდის მაგიდის გამო და, ცოდავ გამხელილი ვიქვს, და რა არის ამერიკული ბარი ამ ორის გარეშე და კიდევ უფრო გამხელილი ცოდავც რომ ვთქვათ და ორბარონების მაძებრებს გული სულ ცოტათი რომ გაუფხეთქოთ, იმასაც დავამატებ, რომ ამ პოეტების ბარს ჯუკ-ბოქსი ხომ დიდად არ უყვარდა და აი, ბილიარდის მაგიდა კი, ღმერთო მაპატიე და, საერთოდაც არა ჰქონდა.

— ახლა თუ მუშაობთ მხატვრულ ტექსტზე?

— ახლა, როგორც ზემოთ ვთქვი, ჩემი სადებიუტო სრულმეტრაჟიანი ფილმის სცენარზე ვმუშაობ, მოთხრობების კრებულისთვის სამი მოთხრობა დაწერილი მაქვს და კიდევ ერთი-ორის დამატებას ვაპირებ, ოღონდ, პირველი კრებულისგან განსხვავებით, აქ მოთხრობებს რაღაც გამაერთიანებელი ექნება, მინიმუმ ის მაინც, რომ ყველაფერი სოციალურ თემატიკაზეა, დაწყებული ამორალური მშენებლობებით და დამთავრებული სოციალურ ქსელში მომრავლებული ტროლებით. სათაურზე ფიქრი ჯერ ადრეა, მაგრამ ხანდახან რომ გამეფიქრება ხოლმე და მოდი, გულზე ხელი დავიდოთ და ვალიაოთ, რომ თუ ჯერ სათაურს არ ვიგონებ, სადაც წერის პროცესში ხომ მაინც ერთი-ორჯერ ყველა გავივლებოთ ხოლმე ტვინში — მოდი, აი ამას, აი, ამას დავარქმევ და, ვინ იცის, ეგება და მომავალი და ჯერ დაუნერვლი წიგნის ყდაც წარმოგვიდგება ხოლმე; ჰოდა, აი, ეგეთი ფიქრები რომ მომეძალება, წიგნის სათაურად „ივა ფეზუაშვილის პოლიტიკურად ანგაჟირებული მოთხრობები“ მიდგება თვალწინ, ჰა და ჰა, ტვინმა ის მოთხრას, ანგაჟირებულს მოტივირებული სჯობსო, მაგრამ ე მაგეგბზე სერიოზულად ლაპარაკი ადრეა ჯერ. ჯერ!

მეორე, რასაც ვეჭიდავები, ზემოთ ნახსენები გრძელი და ძნელი რომანია. ერთი ოჯახის ისტორია, სადაც ოთხი მთავარი გმირი თავის ყოველდღიურობას პირველ პირში გვიყვება. ამ ამბის წერა დავიწყებ-მეთქი რომ ვთქვა, მოგატყუებთ, ჯერ პერსონაჟების ბიოგრაფიებს ვწერ და ვცდილობ, რომ მათი ხმები დავიჭირო. პირველად მომიწევს ქალის პერსპექტივიდან წერა და ცოტა რომ მეშინია, ეგ ლოგიკურია. მაგრამ კომფორტის ზონა თუ არ დატოვებ, გინა მწერლობაში და გინა ცხოვრებაში, არ გამოდის არაფერი. რომ დატოვო, არც ეგაა გარანტია, რამე გამოვა, მაგრამ სათქმელად მაინც გექნება, ვცადეო.

ესაუბრა თამარ ჟურული



ზაზა ბიბილაშვილი

პოეზია, დანარჩენი ლიტერატურა, და დანარჩენი 2018

გერმანულად თარგმნილი თანამედროვე ქართული პოეზიის ერთ-ერთ კრებულზე:

გასაგებია, რომ ეს წიგნი ჩართულია იმ დიდ პროექტში, რომელსაც ფრანკფურტის წიგნის ბაზრობა ჰქვია და ალბათ ფინანსური საკითხიც ძირითადად წინასწარ მოგვარებულია, მაგრამ ასეთი გამოცემები მაინც საინტერესოა — დღეს, როცა პოეზიას ვეროპის ლიტერატურულ სივრცეშიც მოკრძალებული პოზიცია უკავია.

კიდევ უფრო საინტერესოა — და შეიძლება ერთგვარ რისკადაც კი ჩაითვალოს — რომ წიგნში ვერლიბრის გვერდით კონვენციური ლექსებიცაა. აკი ვიცი, რომ უცხოელი გამოცემელები ასეთი კრებულების შედგენისას, უბრალოდ, უარს ამბობენ კონვენციაზე. მიზეზი გასაგებია — დროის, შრომის, და შესაბამისად, ალბათ ფინანსების დაზოგვა.

არადა: ანთოლოგიის ტიპის კრებულისთვის მასალის შერჩევისას თუკი გარკვეული სახეობის პოეზიაზე უარს იტყვი, ჩაფიქრებულ შედეგს ვერ მიიღებ.

კიდევ უარესი კი ის არის, რომ ეს ტენდენცია „რეგიონებში“ მხოლოდ იმ ტიპის ლექსის წერას აქეზებს, შედარებით ადვილად (და შესაბამისად — ხშირად) რომ ითარგმნება. ასე იკარგება პოეზიისთვის ის მნიშვნელოვანი რესურსი, რომელიც სხვადასხვა ერში და ენაში არსებობს. და ლამის შეიძლება ითქვას, რომ პოეზია თანდათან, უბრალოდ, უარს ამბობს ენაზე.

ხშირად ისმის დედამიწის სხვადასხვა ნერტილიდან — რომ პოეზია მოკვდა, ან კვდება. ძნელია შეინახო დღემდე ამ ვარაუდს (ან სულაც მტკიცებას), როცა თვითონაც ხედავ, რა ემართება „პრაქტიკულ პოეზიას“, როგორ კლებულობს მასში გამოსახვის ფორმები, ხერხები...

და იქნებ სწორედ ეს — ენაზე უარის თქმა, ან სხვანაირად — ერთი საერთო ენის ძიების გზა პოეზიის თვით/განადგურების გზა. და იქნებ სწორედ ამ გამოსახვის მრავალფეროვნების შემჩნევასა და შენარჩუნებაშია პოეზიის ხსნა... მისი სიკვდილის გადავადება მაინც?

ხოლო თუ პოეზია, ყველაფრის მიუხედავად, კვდება, და მისი ხსნა ზემოთ ხსენებულ გარემოებასაც არ შეუძლია, მაშინ იქნებ კიდევ უფრო მნიშვნელოვანია ასეთი გამოცემების ფუნქცია — სახოს პოეზიის უკანასკნელი პერიოდი, წლები, დღეები.

უცხოურ ასპარეზზე ახალგაზრდა ქართველი ავტორების წარმატება ხშირად იმავე ავტორების მიერ და ასეთი ფრაზებით ვაღმოცემია: „დღეს ჩემი უცხოელი გამომცემელი შემხვდა და თავის გამოცემულ ჩემს წიგნზე მითხრა, რა კარგი წიგნიაო!“

იმედია, წინ უფრო დიდი წარმატებებიც გველოდება.

მერი შერვაშიძე გალაკტიონს რომ არ იცნობდა, გასაგებია. ახლა ის მაინტერესებს, ერთი კლასგარეშე ლექსი მაინც თუ ჰქონდა ნაკითხული — შენგან განსხვავებით.

თუ გითხრეს, რომ გალაკტიონია, მერე იმის კვლევასა და ქებას რა უნდა? თუ მაგარი ხარ, თვითონ მიხვდი, რომ გალაკტიონია.

მოკლედ, ჩამოვყალიბდი: „საბა“ ფინალში გასულებს გილოცავთ, ვერგასულებს — გითანაგრძნობთ, საღამოს კიდევ კოკინაშვილების პელაგისაც შეეუვლი.

იქნებ კაცს კიდევ გაეგო რამე, იმ ყველაფრის ნაკითხვას და გაგებას რომ ასწრებდეს, რაც უკვე გაგებული და დაწერილია... თუ, რა თქმა უნდა, ეს ყველაფერი კიდევ უფრო არ აურევდა თავგზას...

მაინც ვერ მიხვდი, როგორ არჩევთ ნამდვილ ახალ წელს „პადქელკისგან“...

რომ გვკითხონ, კრეატიული ხალხი ვართ და ამ დროს, მესამე ახალი წელი ვერსაიდან გამოვადრეთ...

ერო ჩემო, პახმელის გამოდი!

მთელი ცხოვრება დილემაა, რა. აღარ იცი, რა ინატრო: დრო ჩქარა გავიდეს — მალე მოკვდები, წელა გავიდეს და — ხელფასი იგვიანებს...

სამსახური ცხოვრებაა. ცხოვრება კი ლექსის დასაწერადაც საჭიროა. საჭიროა პოეტური აღმოჩენებისთვის, რაც ლექსის ინსპირაციაა.

ეგ არის, სამსახურმა და ცხოვრებამ იმის საშუალებაც უნდა მოგცეს, რომ ეს ინსპირაცია ბოლომდე და სრულფასოვნად... კარგი, ჰო — ნაწილობრივ მაინც გამოიყენო.

ზოგჯერ როგორ მეზარება ხოლმე ჩემის საქმის კეთება, მშულს კიდევ... წარმოიდგინე ასეთივე განცდებით ექიმი, პოლიციელი... არადა, დიდი ეჭვი მაქვს, მათაც ემართებათ ასე...

ისე მომბეზრდა ყველაფერი, მილიონეობა მომიხდებოდა.

პ. ს. ვიცი, რომ მილიონი ბევრი არ არის, მაგრამ მილიონადღეს შეგნებულად არ ვამბობ — მაგათ ყველაფერი, მგონი, არასდროს ბეზრდებათ.

უმეტესობას უმეტესი რამ ფეხებზე რომ არ ეკიდოს, ამდენ გადამწყვეტილებას ვერ მიიღებდა — იჯდებოდა ჩემსავით და ფიქრში ამოხდებოდა სული.

შეიძლება სიტუაცია, რომელზეც ამბობენ — „სასაცილო იქნებოდა, სატირალი რომ არ იყოს“ — ისევე სატირალია, მაგრამ გამოთქმა — „სასაცილო იქნებოდა, სატირალი რომ არ იყოს“ — უკვე სასაცილოა.

მივს-დევე, მოგს-დევე, მომს-დევე. აი, ეს „ს“ რა ჯანდაბაა? უსამართლოდ უარყოფილი, დევნილი და გამოტოვებული ყველა (უთვალავი) ს-ს სონარკვეთილი ამოძახილი, კომპარული გამოცხადება, სასტიკი შურისძიება?

გრამატიკა და წერა-კითხვაც კი დაბადებიდან არავინ ვიცოდით (სავარაუდოდ).

არც ის კონკრეტული ასაკი ან თარიღი უნდა არსებობდეს, რომლის იქით ამ სფეროში რამის სწავლა აკრძალული ან სირცხვილია.

და წარმოიდგინეთ, არც ენის (ენის წესების) პატივისცემა მიმართა მწერლის ყველაზე ცუდ თვისებად...



2018 წლის 8 ოქტომბერს გერმანულ გაზეთში — „Süddeutsche Zeitung“ — დაიბეჭდა ცნობილი გერმანელი კრიტიკოსის — სონია ცეკრის — რეცენზია გურამ დოჩანაშვილის რომანის — „სამოსელი პირველის“ — შესახებ. გთავაზობთ ამ წერილის თარგმანს.

სონია ცეკრი

თანამედროვე კლასიკოსი. სიტყვა წმინდაა

საქართველოს დღევანდელი მისი წარსულის ბრწყინვალე ეპოსების გაგრძელებას წარმოადგენს. ამის დასტურია გურამ დოჩანაშვილის მრავალპლანობიანი რომანი „სამოსელი პირველი“, რომელიც პირველად იბეჭდება გერმანულ ენაზე.

მსოფლიო ლიტერატურა ბევრ მტარვალს იცნობს, მაგრამ მარშალ ედმონდო ბეტანკურთან შედარებით ერნსტ იუნგერის საშინელი მეტყველება კი მისი ცნობილი ნაწარმოებიდან — „მარმარილოს კლდეებზე“ — ბავშვების დასაშინებელ საფრთხილად მოგეჩვენებათ. ფანტაზიის შუქით განათებულ, კაფელით მოპირკეთებულ ოთახში ბეტანკური სარკის წინ ზის, მწვანე, ნებოვან სითხეს დამჭკნარ სხეულზე ინვეტირებს და ზედ ხვლიკს ისვამს. ხვლიკი რომ ბრწყალვებს კანში ჩაასობს, მწვანე წერტილებს ჯერ ალოკავს და მერე ნაზად კბენს, ჯერ მკერდზე, მერე ილიებში; როცა მარშალს ჟრუანტელი დაუვლის — ჟრუანტელი ხშირად უვლის ხოლმე — მაშინ ის ვარჯიშობს იმ გამოთქმებში, რომლებმაც მის ქვეშევრდომებს, საშინელი ქალაქის — კამორას — მცხოვრებლებს, შიში უნდა მოჰგვაროს: „ჭეშმარიტ მეგობრობას რა სჯობს... ადამიანთა მეგობრობას მოჰყვება დადებითი შედეგი“.

აქ უკვე მკითხველიც წრიალვებს ხელიკვით, ამ დროს კი მწერალი თხრობას წყვეტს და მოგვმართავს: „ხომ ისევ აქ ხართ? შეგზიზღდათ, არა? შეგზიზღდათ როგორ... მე მუშაობით, რა ვქნა, ასეა“. თუ გასურთ, გურამ დოჩანაშვილის სტილის განსაკუთრებულობაში დარწმუნდეთ, ეს მაგალითიც იკმარება რომან „სამოსელი პირველიდან“.

ქართველი მწერალი გურამ დოჩანაშვილი თორმეტი წელი მუშაობდა ამ რომანზე. 1966 წელს დაიწყო და 1978 წელს დაასრულა. ეს მისი პირველი რომანი იყო. ავტორს ძალიან მაღალი მწვერვლების დაპყრობა დაუსახავს მიზნად. „სამოსელი პირველი“ ბიბლიური პარაბოლადა და შუა საუკუნეებისეული მეტაფორაც, სტალინურ ეპოქაზე შურისძიებაცა და გრაალის ლეგენდაც, მაგიური რეალიზმიცა და სასტიკი ხოცვა-ჟლეტის ამსახველი სურათიც. ის ეყრდნობა როგორც ქართულ ლიტერატურულ წყაროებს, ასევე ისეთი შორეული რეგიონების რეალობას, როგორცაა ბრაზილიის უდაბური ადგილები.

მარშალის სასახლის კარის მასხარის სიმღერაში არის ასეთი სიტყვები: „ის ბეჭედი ვიიპოვე დაა, ხომ არ დაავიგვიანა...“ და, მართალია, არ ვიცით, იცნობდა თუ არა დოჩანაშვილი „ბეჭელების მბრძანებელს“, მაგრამ იმ უამრავი ლიტერატურული ალუზიის მიხედვით თუ ვიმსჯელებთ, რომლებიც ამ რომანში გვხვდება, არც ეს არის გამორიცხული. გარკვეული თვალსაზრისით, დოჩანაშვილმა საკაცობრიო ნიგნი დაწერა.

ამავე დროს სიუჟეტი ძალიან სადაა. ფანტასტიკურ ქვეყანაში ცხოვრობს ახალგაზრდა დომენიკო, სოფლის უმდიდრესი კაცის შვილი, ცხოვრობს მშვიდ ერთფეროვნებაში, როცა უცებ მისტიკური ლტოლვილი გამოჩნდება. ის ალუძრავს დომენიკოს თავგადასავლების წყურვილს, და ასე მიდის ახალგაზრდა კაცი და მოგზაურობს სამ ქალაქში: მხიარულ, არტისტულ, ცოტა ტრაბახა ლამაზქალაქში — გარკვეული მინიშნებაა საქართველოს დედაქალაქ თბილისზე; ამორალურ, პარანოიკული ნამებებითა და მაფიით სავსე ბეტანკურის კამორაში და, ბოლოს — კანუდოსში, თავისუფლებისა და სამართლიანობის ქალაქში. კანუდოსი ახალი იერუსალიმია, თეთრი თიხით ნაგები ლტოლვილი მწყემსების მიერ, რომელსაც „კონსულიერი“, მესიანური მრჩეველი, მართავს. ბეტანკურის მეომრების წინააღმდეგ საშინელი ბრძოლების შედეგად კანუდოსი ნაზგრევებად იქცევა და უძღვრის შვილი, მონანიე დომენიკო, ბრუნდება მამასთან.

დასავლეთში ამ ეპოსს საერთოდ არ იცნობენ, მაგრამ იმდროინდელ საქართველოს საბჭოთა რესპუბლიკაში მისი ავტორი რომანის გამოსვლისთანავე კლასიკოსი გახდა. ისეთ ქვეყანას, რომლის ფესვებიც ბერძნულ კოლხეთსა და არგონავტებს უკავშირდება, ანტიკურობასთან დაკავშირებისა არ ეშინია. სუზანე კიმმა და ნიკოლოზ ლომთაძემ ეს მრავალპლანობიანი ნაწარმოები შეიძინა და დაძაბული შრომის შედეგად გერმანულად თარგმნეს. მართალია, გერმანული მკითხველი მისი სახით გასართობ საკითხავს ვერ მიიღებს, მაგრამ ეს ნაწარმოები ერთგვარი გასაღები იქნება ნიგნის ბაზრობაზე წარმოდგენილი სტუმარი ქვეყნის — საქართველოს — გასაცნობად. აი, ესაა სწორედ სამოსელი. ეს არის



გამოძახილი 104-ე ფსალმუნის სიტყვებისა „ნათელია სამოსი, რომელიც გაცვია“, რომლის მიხედვით დოჩანაშვილი არაჩვეულებრივ მითს ქსოვს: დომენიკოს სოფლის მაცხოვრებლები წელიწადში ერთხელ თავიანთი ტანსაცმლის რომელიმე ნაწილს ცეცხლში აგდებენ. მათში თითქოს ადამიანების ისტორიებია ჩაქსოვილი და ეს ისტორიები კვამლთან ერთად ადის ზეცაში. იქ არიან დარჩენილი ისინი, რომელთა წრიდანაც ოდესღაც სოფლის მაცხოვრებლები ჩამოვიდნენ. დომენიკოს მამას აქვს პირველი სამოსელი, იგი ყიდის შვილის გამგზავრებამდე მასზე დამაგრებულ ძვირფას ქვებს, რათა მისცეს მას შემკვიდრება, დაბრუნების მერე კი შვილს განსაკუთრებულ სახვევში ხვევს, რადგან სამოსელი, როგორც ის ამბობს, სიტყვაა. როგორ იქცევა დომენიკო? იგი მას ცეცხლში აგდებს, რათა მისი გმირობისა და ადამიანობის ამბებიც მალა ავიდეს. და ასე ყველა თავის თავგადასავალს.

ლიტერატურის, ანუ საკრალური სიტყვის გააზრება არაქართველთათვის არ არის მარტივი; აი, ქართველები კი ძალიან ამაყობენ იმით, რომ საკრალური სარწმუნოება, რომელიც მსოფლიოს უძველეს ეკლესიათა რიგს ეკუთვნის, მონღოლების, ოსმანებისა და სპარსელებისაგან დაიცვეს. დამწერლობა მათთვის უფრო მეტია, ვიდრე უბრალოდ გარკვეული მნიშვნელობის მქონე ნიშანთა კრებული. კავკასიის მრავალეროვნებთან რეგიონში, დიდი და ძლიერი ქვეყნების სიახლოვეს, ენა და ტექსტი კულტურული გადარჩენის საშუალებებია.

ფიზიკურ გადარჩენაზე ამით ჯერ კიდევ არაფერია ნათქვამი. 1956 წლის მარტში სტალინის კულტის წინააღმდეგ ნიკიტა ხრუშჩოვის ანგარიშსწორებას საქართველოში ხალხის მასობრივი ხოცვა-ჟლეტა მოჰყვება.

ვა-ჟლეტა მოჰყვება. სტუდენტებმა დემონსტრაცია მოაწყვეს სტალინის „მთაწმინდა“ ამემამულის, დასაცავად და საბჭოთა კავშირის წინააღმდეგ. ისინი დამარცხდნენ. დეკემბერში ახალგაზრდების ერთი ჯგუფი, სახელად გორგასლიანი, აგრცელებდა პროკლამაციებს ამ აჯანყების გასახსენებლად. ისინი დააპატიმრეს. ერთერთი მათგანი იყო ჯერ კიდევ სკოლის მოსწავლე გურამ დოჩანაშვილი. ტოტალიტარული სისტემის არაადამიანურობა მან ათწლეულების მერე ასახა და სიფრთხილის გამო ფანტასტიკის ჟანრში გადაიტანა. ქალაქ კამორაში ადამიანებს დაწები აქვთ ჩაკეტილი ტანსაცმელი და ერთმანეთს არასოდეს უყურებენ თვალებში, რადგან იქ არეკლილი საშინელების გაძლება არ შეუძლიათ. ამ უცნაური ჯოჯოხეთისა და მისი რიტუალების მეტაფორულობას სიმძაფრე არ დაუკარგავს, პირიქით, ის დროთა განმავლობაში უფრო დაიხვეწა, მისი ანტიპოდის — იდეალური ქალაქი კანუდოსის — სოციალურ უტოპიაზე მეტადაც კი.

იმედროულად ქალაქ კანუდოსს, ისევე როგორც მარშალ ბეტანკურს, რეალური ისტორიული მოდელი უდევს საფუძვლად. კანუდოსი მართლაც დააარსა ერთმა მესიანელმა ქარიზმატიკოსმა, რომელიც თავის თავს „მრჩეველს“ უწოდებდა. იგი მდებარეობდა ბრაზილიის შტატ ბაიასში და ამ ახალშექმნილ ქალაქში იყო დაჩაგრული რელიგიური ფანატიკოსების ერთგვარი სექტა, რომელიც მე-19 საუკუნის ბოლოს შეიქმნა. სექტა ბრაზილიის ახალგაზრდა რესპუბლიკას უყურებდა როგორც ანტიქრისტულ და ვინმე მარშალ ბიტენკურის თუ ბეტანკურის მიერ სასტიკად იქნა განადგურებული. მარო ვარგას ლოსამ ამაზე დაწერა წიგნი „ბოლო ჟამის ომი“, თუმცა შეიძლება, დოჩანაშვილისათვის შთაგონების წყარო რომელიმე საბჭოთა ჟურნალში დაბეჭდილი სტატიაც ყოფილიყო.

მისი კანუდოსი არის ხსნის გზა — ფანტაზია, ტირანისაგან თავისუფალი. ბეტანკურის მიერ სასტიკად დატანჯულები სიკვდილის მერე დაფასდებიან, რაც, ერთი მხრივ, ქრისტიანობის მოწამეთა კულტს მოგვაგონებს, მაგრამ მეორე მხრივ, საბჭოთა პროპაგანდასაც მსხვერპლის გაღების თაობაზე. ამასობაში იმ მოსაზრებამ, რომ ტანჯვას ყოველთვის აქვს აზრი და რომ სიყვარული მხოლოდ ტკივილისაგან წარმოიშობა, ცოტათი დაკარგა დამაჯერებლობა; ყოველ შემთხვევაში, საქართველოს გარეთ.

საქართველოში „სამოსელი პირველი“ ისევ ისე უყვართ და ორი წლის წინ სახელმწიფო ოპერის სცენაზეც დაიდგა. „არც ერთ სხვა ერს სპარსელების, თურქების და რუსების ძალაუფლების არეალში არ დაუკავშირებია კავკასიის ტრადიციები ასე მჭიდროდ ევროპულ კულტურასთან, მე-19 საუკუნის გაზაფხულთან, პოლონეთის განმათავისუფლებელ ბრძოლასთან, იტალიურ „რიზორგიმენტოსთან“, — წერდა ჟურნალისტი ქრისტიან შმიდტ-ჰოიერი.

საქართველოს დღევანდელი მისი გმირული წარსულისა და ბრწყინვალე ეპოსების გაგრძელებას წარმოადგენს. სწორედ ამის დასტურია „სამოსელი პირველი“.

თარგმანი თამარ ჭუმბურიძემ

რედაქციისგან: უცხოელები მკითხველს, რომელიც ახლა ეცნობა გურამ დოჩანაშვილის „სამოსელ პირველს“, კანუდოსის ხსენებისას შესაძლოა გაახსენდეს მარო ვარგას ლოსას „ბოლო ჟამის ომი“, რომელიც ასევე კანუდოსს უკავშირდება (რეცენზიის გერმანელი ავტორიც სწორედ ამ ნაწარმოებს იხსენებს); თუმცა უნდა აღინიშნოს ის ფაქტი, რომ პერუელი ნობელიანტის ნიგნს (1981 წელს გამოიცა) ქართველი მწერლის რომანი სამი წლით უსწრებდა (ავტორმა „სამოსელ პირველზე“ მუშაობა 1978 წელს დაასრულა).



ლიტერატურული გაზეთი

საქართველოს განათლების, მეცნიერების, კულტურისა და სპორტის სამინისტრო
საქართველოს მხარეთმცოდნეობის ინსტიტუტი

რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ჟურნალისტი თამარ ყურული

მობ. ტელ.: (577)742277; (599)269852; e-mail: litgazeti@yahoo.com

